

BIBLIOTEKA  
Zakl. Nar. im. Ossolińskich

XVII 3.009


16.347


7906

Tapas 1833


7906


LIII. 8. 75



















SIMONIS  
STAROVOLSKI  
COMMENTARIUS  
IN IV. LIBROS  
INSTITVTIONVM  
IVRIS CIVILIS.



CRACOVIAE,  
*Typis Francisci Casarij. Anno Domini, 1638.*

16.347



*Ascia Sarmatici quæ fundamenta dolauit  
 Imperii, sacras ornat Et illa domos  
 Ingeniisq; piam donat lucem, atq; Lyceo  
 Aeternum firmas accumulabit opes.*

Stan: Caesari, St. G.

XVII - 3009 - III

*Perillustri & Rendo Domino,*

**D. ALEXANDRO**

De Brzezie

**B R Z E S K I,**

**I. V. D. Archidiacono Zauichost.**

**Canonico Cracouiẽ. Schola-  
stico Sandomiriẽ, S. R.**

**Maieft. Secretario,**

*Domino & Patrono colendissimo.*

**SIMON STAROVOLSCIVS D. S. Q.**



Tsi plerosque bene-  
ficia accepta in de-  
dicatorijs recense-  
re solere non nesci-  
am, Perillustri &  
Reuerende Dñe, nihilominus ego  
ca, à Te, abundè in me collata, ne

A 2                      adula-

*Præfatio.*

adulari videar, non enumerabo:  
sed potius muta admiratione affe-  
ctum erga me tuum, venerari ma-  
lo. Quòd nimirum exiguis bene-  
ficijs aliqua subinde gratiarũ actio-  
ne satisfieri potest; magna verò, quæ  
torpens alioqui ingenium fauore,  
& liberalitate excitare solent, silen-  
tio plerumque melius agnoscuntur  
quàm verbis. Quamvis igitur o-  
mni laudum præconio digni, qui  
optimas artes defendunt à barbarie,  
& sumptibus eas suis, ad posteritatẽ  
propagant; ego tamen in laudes  
tuas, qui talia facis & cogitas, par-  
cus vti iam dixi ero: contentus ni-  
mirum vnico verbo, Te Probum  
virum, piumq; Sacerdotem poste-  
ritati indigetasse. Vtpote qui tribus  
iam



*Praefatio.*

iam Cracouienſibus Episcopis, ob  
induftriā ingenij, & ſuauem quā-  
dam morum modēſtiam carus, abſ-  
que ijsdem Sereniſſimis quoq; Re-  
gibus noſtris, Diuo videlicet S I-  
GISMV NDO III. & eius filio  
VLADISL AO I V. feliciter  
nunc Imperij Sarmatici habenas  
moderanti, perquam diligenter  
commendatus fueris. A quibus pu-  
blicis negotijs admotus, ea fide, &  
ſedulitate omnia geſſiſti, vt dignus  
longè maioribus etiam, ſapientiſſi-  
mo corū iudicio arbitrabere. Iam  
autem, qui omnium ore celebran-  
tur, & Probitatis laude conſpici-  
ſunt, non amicos modo aut vici-  
nos, ſed incognitos quoſque a da-  
morem propriæ familiaritatis inui-

*Prefatio.*

tant, & sua luce clari, ad posteros  
etiam nomen suum transmittunt.  
Et quia plerumque facit hoc ratio,  
aut fortuna caularum, vt in contro-  
uersijs alter æquitate, alter iure ni-  
tatur; ideò ad meliorem Iuris &  
Æquitatis cognitionem, Astre & cul-  
toribus nouitijs, quæ in diuersis au-  
toribus notatu digna inueni, Iusti-  
niani Institutionibus breuiter ad-  
scribenda putauit. Cumq; viris ma-  
gnis, tum hîc, tum alibi placerent,  
non nisi sub tuo Probi & Pij Sacer-  
dotis nomine, atque tam Magnæ  
Diuæ irreprehensibilis Mystæ titu-  
lo, eorum consilio publici Iuris esse  
permisi. Tu, vt sumptu tenues Mu-  
sas meas iuuiisti, ita Probitatis tuæ,  
& iudicij excellentia, supplebis vt i  
spero,

*Prefatio.*

spero, quod à me fortè minus est  
præstitum: & vt hæcenus me sin-  
gulari beneuolentiâ prosecutus es,  
sic & in posterum literis meis faue-  
bis, atque ornare eas perges. Vale  
& viue gentis Tuæ illustrissimum  
sydus, cui autem nostri literatorum  
decus.

Imprimatur, si videbitur R. P. Magistro.  
Sacri Palatij Apostolici.

*A. Torniellus Vicesg.*

**P**Erlegi hunc librum, & nihil reperi  
quod vel bonis moribus, vel reli-  
gioni aduersetur; ideò poterit impri-  
mi. In fidem hac die 2. Nouembris.  
1633. Romæ, subscripsi.

*Angelus Lucianus L. V. D. in Gymna-  
sio almæ Urbis Pontificij Iuris Profes-  
sor primarius, manu propria.*

*Imprimatur.*

Fr. Nicolaus Riccardius Ord. Præd.  
Sacri Palatii Apost. Mag.

SI.



SIMONIS STAROVOLSCI  
ACCESSVS

A. D.  
IVRIS VTRIVSQUE  
cognitionem.

*Diuisus in quatuor breuissimos Tractatus.*

QVORVM

*Primus,* De Iure in communi.

*Secundus,* De iustitia & iniustitia.

*Tertius,* De Iure Ciuili.

*Quartus,* De Iure Canonico.

TRACTATVS PRIMVS  
De Iure in Genere.

CAPVT I.

*De Origine & progressu Iuris.*

**J**VRIS Romani, vt varia fuerunt initia,  
sic & variij progressus, secundum mutatio-  
nem temporum, & administrationis Rei-  
publicæ. Et prima sanè Urbis administra-  
tio Regia fuit, legesque plurimæ priscis illi-

A s . . . . . tempos

poribus accommodæ, à Regibus latæ fuerūt. Creatis verò Consulibus, iuris statuendi potestas in Senatum translata fuit, permiffa reis prouocatione ad plebem, quæ sibi Tribunos creauerat, quos Consulibus opponeret. Atque inde *Senatusconsulta*, ac *Plebiscita* profluere. Quumq; post magnæ sæpè contentiones inter plebem patresq; pro legibus ferendis essent, placuit leges externas habere: atque ex eo *Decemviri* creati fuerunt, qui allatas leges Græcas, in decem tabulis descriptas, publicè proposuerunt: additis duabus tabulis, quæ Reges Romanorum proprias continebant. Imperio demum ad Cæsares deuoluto, Ius Ciuile *Principum Constitutionibus ac Rescriptis*, in eam molem excreuerat, vt omnibus legendis, vix ipsa hominis vita sufficeret. Iustinianus itaq; huic difficultati remediū positurus, anno Imperij sui secundo, totam Iurisprudentiam Romanorum & leges, in certum Compendium redigi iussit; & quidquid sub Regibus aut Consulibus statutum fuit, quod congruens regēdo Imperio videbatur, id totum in quinquaginta libros *Digestorum* seu *Pandectarum*, inuilibus reiectis, colligi mandauit. Quicquid verò sub Imperatoribus latum erat, hoc vsque ad tempora sua, in vnū *Codicem*, libris duodecim constantem digessit,

fit, ex vtriusque autem hęc legibus ac libris, *Institutiones*, quę totius iuris pręcepta & pręcipua capita continerent, libris quatuor conscribi iussit. Addidit & rationem docendi discendiq; iura, atque in eam rem Professores constituit, duos Constantinopoli, duos Beryni, quatuor Romę, qui publicę profiterentur. Cũ autem Italia à barbaris oppressa esset, per annos quingentos iuris professio delituit penitus, nec primum fuit instaurata, nisi sub Lothario Imperatore, ab Irnerio Bononię eam publicę proficiente. Quicquid verò triginta octo annis Imperij sui legum aut constitutionum Iustinianus fecit, has omnes in vnum volumen redactas, *Novellas* (quod in dies novis emergentibus negotijs fuerint latę) seu *Authenticas* appellavit. Fuerunt etiam à subsequentibus Imperatoribus varię Constitutiones latę, quas similiter diuersi Iurisperiti, in epitomen iuris collegerunt, ex quibus maximę *Feudorum*, de conseruandis familijs, leges fluxerunt.

## C A P V T I I.

*De Definitione atque Diuisione Iuris.*

**I**VS in communi sumptum, est ordinatio quędam dirigens ad bonum. Dictum autem est, ius.

ius à iussu, quasi iussum contineat. Appellaturq; interdum Lex, interdum Constitutio, Statutum, Sanctio, Præceptum, Iussus, Ordinatio, & id genus alia, per quæ verba idem fere significatur.

Diuiditur autem Ius in *Diuinum & Humanū*.

*DIVINVM* est *Diuine rationis ad bonum ordinatio*.

*HUMANVM* est *humane rationis ad bonum ordinatio*.

Et *Diuinum* est duplex. Aliud unicuiq; rei ab exordio creationis inditum natura. Aliud hominibus tantum in tempore positum à Deo.

*Humanum* quoque similiter duplex. Aliud commune omnibus gentibus. Aliud peculiare alicui Ciuitati, aut Populo.

Ius Diuinum naturale, est *Diuine rationis ordinatio, rebus omnibus in earum creatione indita, ad vniuersi perfectionem, & conseruationem*. Et est duplex. Aliud hominibus commune cum brutis. Aliud proprium solummodo ipsis hominibus.

Ius Diuinum positium, est *ordinatio diuinitus hominibus posita & reuelata dirigens eos ad æternam beatitudinem*. In veteri quidem testamento per Moysem: In nouo autem per Christum.

Ius Humanum commune omnibus gentibus,



bus, est ordinatio singularum gentium naturali ratione constituta, ad conseruandum genus humanum, & prouidendum necessitatibus humanis. Vt sunt Contractus ferè omnes, sine quibus humana societas conseruari non potest.

Ius verò Humanum peculiare alicui populo, est propria alicuius vniuersitatis, vel eius, qui in illa principatum obtineat, ordinatio, ad eiusdem felicitatem atque incolumitatem.

## CAPVT III.

## De Iure Naturali,



**I**VS naturale diuinitus hominibus inditum duplex esse diximus, aliud commune cum brutis, aliud hominibus proprium. Illud Ius naturale *Primæum* dicitur. Istud Ius naturale *Secundarium*.

*PRIMÆVM* est quod natura omnia animalia docuit; vel vt apertius dicatur, est naturalis rerum animatarum instinctus, ad sui ipsius conseruationem, suæque speciei propagationem, vt cibum & potum capere, motum & quietem appetere, seipsum ab iniuriis, & à cunctis, quæ lædere possint, tueri. Filios procreare & educare.

*SECUNDARIVM*, vel etiam Gentium *Primæum*, est humana rationis dictamen ad virtutes, ad bonum, & felicitatem. Et hoc teste Cicerone,

rone, ubiq; & apud omnes vnum est, atque idem sempiternum & immutabile, vt Religio erga Deum veluti primam causam. Amor in parentes, & patriam. Obedientia erga maiores, Magistratus & Principes. Amor virtutum & detestatio vitiorum omnium. Fidei inuiolabilis obseruantia. Atque demum tria illa præcepta. *Honestè viuere. Alterum non ladere. Ius suum unicuiq; tribuere.*

Quia verò duobus modis seruatur vniuersitas cuiuscunque gentis aut populi, *vel cunctis*, qui in ea continentur prospiciendo, *vel singulis*, ex quibus ipsa Vniuersitas conficitur, consulendo; ideo hoc idem Ius Ciuile in duas scinditur partes. In *Publicum & Priuatum*. quod quidem vtrumque, tum solum modò vim legis habet, cum à recto, & à naturali ratione non aberrat: quotiescunque enim in aliquo à lege naturali secedit, iam non lex, sed legis est corruptio.

## C A P V T IV.

*De publico atq; Priuato Iure.*

**P**UBLICVM IUS est illa ciuitatis ordinatio, *qua ad statum Reipublica pertinet, ac precipuè eiusdem conseruationem respicit, mox verò singulorum commodum.* Republica enim bene biè habente

bente, priuati eius ciues quiete ac beatè uiuunt.

Consistit ea potissimum in creandis Magistratibus, in præscribendo eorum officio, in legibus rogandis & abrogandis, in sacris faciendis, in sacerdotibus creandis, in muneribus iniungendis, in quæ aliis plurimis quæ bonum regimen concernunt, introducendis vel immutandis.

*PRIVATVM IUS est ciuilis ordinatio ad singulorum præcipuè utilitatem pertinens. deinde etiam ad optimum vniuersæ ciuitatis statum. Si enim ciues singuli incolumitate & felicitate fruuntur, ipsam quoque ciuitatem incolumem ac felicem esse consequens erit. Cum nihil aliud sit ciuitas, quàm singulorum ciuium collectio.*

Utrumq; autem istud Ius, tam Publicum quàm Priuatum; à iure naturali deducitur, *vel immediate sicut conclusiones ex principijs, ut si humano iure caueatur fures, sacrilegos, in Republica esse puniendos, hoc deriuatur per modum Conclusionis ex illo naturæ principio. Nocentes homines puniendos esse. Nocente enim naturali ratione, fures, sacrilegos, & rebelles, noxios esse; statim necessario sequitur conclusio, pœnas illis esse infligendas* *Vel intercedente aliqua congrua determinatione,*

*tionem, quæ proportionem habeat aliquorum commin-  
nium ad certam speciem, ut si humana lege ca-  
ueatur, prædictos fures, sacrilegos, ac rebel-  
les, poena capitis esse plectendos; hæc  
poena dicitur esse determinatio quædam  
illius communis principij ad certam suppli-  
cij speciem, & vocatur ius positivum, quasi  
ex sola lege humana vigorem capiens. Atque  
sic determinaciones eiusmodi factæ, aut in  
vno loco servantur, vbi fuerunt determinatæ,  
pro incolarum opportunitate, & vocantur  
VERNACULÆ LEGES, ut est lex illa de filiis  
emancipatis ab hæreditate intestati patris ex-  
cludendis: & illa, prohibens donationem in-  
ter virum & uxorem, quæ Romæ tantum co-  
gnitæ fuerunt. aut alibi conditæ, & ad nos im-  
portatæ, & vocantur ADVENTITIÆ LEGES,  
ut sunt Atheniensium sanctiones, aut Lacedæ-  
moniorum consuetudines ad Romanam Vr-  
bem translatae, & in decem tabulas dispositæ.*

## CAPUT V.

*De Iure scripto & non scripto.*

**O**Mnes humanæ leges, à lege naturali, vel  
immediate sicut conclusiones ex princi-  
piis deductæ, vel per determinaciones com-  
munium ad certam speciem sancitæ; aut ini-  
tio

io ex solo ciuium arbitrato semel, iterum, atque iterum, & diuturnis moribus obseruatae, vim legis paulatim habere ceperunt, quae *Iura non scripta, seu consuetudines* appellatur; aut principis arbitrio totius populi, aut alterius, cuius ea potestas fuerit, vnico tantum actu obseruandae propositae sunt, quae *Iura scripta* nuncupantur.

IUS igitur NON SCRIPTVM seu CONSVETUDO est, quod tacitus populi consensus diuturnis utentium moribus comprobauit, ad publicum & commune eiusdem populi bonum.

IUS verò SCRIPTVM est, ciuilis ad commune bonum ordinatio, quae ab habente potestatem iuris condendi emanans in scriptum referri solet, ut, facilius populo innotescat. Et huius praecipuae partes sunt lex. Lex scilicet, Plebiscitum, Senatus consultum, Magistratum edicta, Principum placita, atque demum Responsa Prudentium.

## C A P V T . . . V I .

*De sex Iuris scripti partibus.*

**P**rima Iuris scripti pars vocatur LEX, quod populus Romanus Senatorio Magistratu interrogante, veluti Consule, instituebat.

Secunda PLVBISCITVM, quod plebs plebeio Magistratu interrogante, veluti Tribuno, constitebat.

B.

Tertia

*Tertia* SENATUS CONSULTUM, quod solus Senatus iubebat, aut constituebat.

*Quarta* PRÆTORVM EDICTA, id est Ordinationes, quæ à Magistratibus proponebantur sui officij tempore duraturæ: quæ à successoribus in album translatae, paulatim vim Iuris habere ceperunt, & postea à Saluio Iuliano in vnum collectæ, ab Adriano Imperatore pro legibus confirmatae.

*Quinta* PRINCIPVM PLACITA, seu generales Imperatorum constitutiones: vel etiam particularia responsa, super alicuius dubij Iuris interpretatione reddita. Leges enim interpretari, vti rem solo imperio dignam sibi soli reseruarunt, cum ea tempestate ipsis tantum leges condere liberum esset.

*Sexta & ultima* RESPONSA PRVDENTVM. antiquitus enim erant Pontificum, & aliorum iuris peritorum receptæ interpretationes. Post Cæsares verò, sunt sententiæ & opinioniones eorum, quibus permissum erat de iure respondere.

Et ex istis sex iuris partibus, vniuersum constat Romanum ius, quod nos Corpus Civile appellamus, à Triboniano Theophilo & Dorotheo viris clarissimis iussu

Iustiniani Imperatoris  
compositum.



## CAPVT VLTIMVM.

*De Fine, & Obiecto Iuris.*

**F**INIS ROMANI IVRIS conseruatio totius Romani Imperij in vniuersum.

CAUSA EFFICIENS, tacitus populi consensus, diuturnis moribus comprobatus; vel expressus eiuldem populi, & pro temporum varietate etiam plebis. Senatus, Prætorum, & Principis; eiusq; authoritate etiam Iureconsultorum, de iure respondendi facultatem habentium.

SUBIECTVM verò circa quod versatur, sunt *hominum facta*; Romanum enim ius circa hominum sibi subiectorum facta, disponit ad bonum & æquum Magistratus authoritate, conseruandum. Hominum autem actiones, & facta duo potissimum respiciunt: *vel rerum dominia, vel personarum obligationes*. Primum igitur in acquirendo, aut in conseruando, aut in minuendo consistit. Vel enim hoc agitur quemadmodum quid cuiusq; fiat, vel quemadmodum rem suam, aut ius suum conseruet: vel quomodo alienet, seu amittat. Secundum verò personas respicit, quæ obligari, & quibus obligari debent.

Et quia in vtroq; aliquod est opus remedio,

quo quis rem suam vendicet, vel quod sibi ab aliquo debetur, superioris autoritate cōsequatur, & hæc remedia *Actiones* appellantur, quæ nihil aliud sunt, quàm *Ius rem suam vindicandi*, vel *quod sibi debetur in iudicio persequendi*; propterea primo Caius, deinde Iustinianus dixerunt: *Omne ius quo utimur, vel ad personas pertinere, vel ad res, vel ad actiones.*

FORMA denique Iuris, quam Modestinus etiam virtutem appellat, est *imperare, vetare, permittere, punire*: quia quodcumque iura disponunt, necessario vnum ex his efficiunt.

Qui igitur Iuris cognitionem quaritant, ac boni & æqui notitiam profitentur, equum ab iniquo separantes, & licitum ab illicito discernentes, *Iurisprudentes* appellantur, qui veram non simulatam Philosophiam affectare dicuntur. Sicut ipsa tum diuini, tum humani iuris notitia *Iurisprudentia* dicitur, cùm humanarum & diuinarum rerum cognitionem continet.

Et hæc de Iure tam diuino quàm humano: tum communi, tum particulari: publico vel priuato: sine scriptis, vel in scriptis, & de origine eius breuiter hoc tractatu dixisse sufficiat.

## T R A C T A T V S I I.

## De Iustitia &amp; Iniustitia.

## C A P V T I.

*De Definitione Iustitiæ & Iniustitiæ.*

**Q**VI secundum prædictas naturæ, Dei, & hominum ordinationes viuunt, vti legibus & iuri obtemperantes, iusta facere, & iusta velle dicuntur.

IUSTVM enim est, quod secundum iura gestum est, & ij qui volentes ac libentes iusta gerunt, IUSTI meritò appellantur: habitus verò, qui fit ex frequentatis actibus obtemperandi Iuri, dicitur Iustitia. E contra INIUSTVM est, quod contra leges & iura gestum est, & hi tanquam iniusta gerentes INIUSTI appellantur: habitus verò, qui fit ex frequentatis actibus à iure auertendi & iniusta gerendi Iniustitia dicitur. Et ex his patet, quod IUSTITIA est habitus, quo homines apti sunt ad res iustas agendas, & quo iusta agunt, & volunt iusta. INIUSTITIA verò est habitus, quo homines iniustas res agunt, resque volunt iniustas. Nam qui prædictis legibus & Iuris non obediunt, sed ab ijs exorbitant, iniusta facere, & iniusta velle dicuntur.

Ex his etiam innotescit Iustitiam à iure, non Ius à iustitia derivari, & circa ius vti eius

obiectum versari; illudq; vti normam, regulam, & præceptum præsupponere, quod doceat & instruat, quid agendum, quid omittendum sit, vt in hominibus prædictæ regulæ frequenter obtemperantibus, huius virtutis habitus produci possit. Ex quo necessario sequitur, *Iustitiam iure ipso posteriorem esse*, sicut iniustitia etiam est iniuria posterior. Iustum enim vel iniustum non esset, nec homines iusti, vel iniusti dici possent; nec iustitiæ, vel iniustitiæ habitus reperiretur, si ius aliquod non præcessisset, quia nihil esset, cui parere vel non parere quis posset, iuxta illud D. Pauli, *Si non fuisset lex, non fuisset peccatum.*

## CAPVT II.

*De diuisione Iustitiæ.*

**Q**VIA teste Aristotele & D. Thoma, iustitiam Diuinam, quam humanam, & tantum naturale, quam positium, iubet viuere secundum rationem cuiuscunq; virtutis, & vetat viuere malo cuiuscunque vitij: & non solum præcipit, vt vnicuiq; reddatur Ius suum, quod est proprium iustitiæ, sed etiam præcipit ea gerere, quæ pertinent ad alias virtutes, puta ad virum fortem, vt non deserere locum in  
acie,

acie, non fugere, non abijcere arma; item ea, quæ sunt temperantis, vt non committere adulterium, non libidinari; & etiam quæ sunt mansueti, vt non ferire alium, non dicere conuicia; & in cæteris itidem virtutibus, atque vitijis; alia iubet, alia vetat ad bonum comune respiciens, ad quod lex omnis principaliter ordinatur. Ideo qui iuri & legi obtemperat, duobus modis iustus dici potest: & è contra, qui ei aduersatur, duobus itidem modis iniustus. Ac proinde etiam habitus, qui fit ex frequentatis actibus parendi vel non parendi legibus; & sic iustitia, vel iniustitia duplex efficitur, prout resultat ex actibus vno vel altero respectu habitis. Nam qui priori respectu reddit vnicuique ius suum, ob illius vti singularis personæ vtilitatem, iustus erit iustitia particulari, quæ est propria & à cæteris distincta virtus. Qui verò legibus obtemperat posteriori respectu, quia puta ius suum cuique reddat, vel alias quas-cunque virtutes exerceat, non singulorum intuitu, sed ob commune bonum, iustus erit iustitia generali. Et ex hoc respectu

resultat prima iustitiæ diuisio,

nempe vt alia sit *Generalis*,

&

alia *Particularis*.

## CAPVT III.

*De Generali Iustitia.*

**G**ENERALIS IUSTITIA est habitus omnium virtutum ex legum præscripto ad commune bonum. Dicta autem Generalis, non quia sit veluti genus ad reliquas virtutes, sed quia est collectio quædam virtutum omnium, ut dicebat Hesiodus:

*Iustitia in sese virtutes continet omnes.*

Dicitur quoque & *Legalis*, quia etiam ad legem pertinet ordinare in bonum commune, de omnibus quibuscumq; disponere, omnia vitia cohibere, omnium virtutum actus præcipere. Cum itaque eadem, quæ generalis iustitia exequitur, lex ipsa præcipiat, merito etiam *legalis* appellata est, quia quicquid à lege præcipitur, legale dici potest. Per eam enim homo concordat legi ordinanti actus omnium virtutum in bonum commune, ut explicat D. Thomas 1. 2. *quest.* 58 *art.* 5. *in corpore ad finem*. E contra verò vitium huic virtuti contrarium.

GENERALIS INIUSTITIA dici potest; *sota vitij latitudo, seu collectio omnium vitiorum*. Et quia per eam quis legibus aduersatur. *Legalis iniustitia* eadem merito appellari valet. Proprium Generalis, vel Legalis iustitiæ

est,



est, ordinare & dirigere actus aliarum virtutum ad suum finem, videlicet ad bonum commune, vt charitas ordinat actus omnium virtutum ad bonum diuinum. Ex quo patet, quod *Generalis iustitia non est eadem cum alijs virtutibus*. quia sicut sol, tanquam causa vniuersalis alterat & immutat corpora, quæ ab ipso illuminantur, ita hæc generalis seu legalis iustitia, vt causa quædam vniuersalis, alterat & immutat finem aliarum virtutum, vt non intuitu boni particularis, sed boni communis quisque agat. Efficit enim vt temperans à libidine absteineat, non eo respectu ne incontinentem se præbeat, vel alium offendant: sed ne commune bonum totius ciuitatis, cuius ille, vel alius pars esse dicitur, in aliquo perturbetur. Et in hoc potissimum differt, & per essentiam ab omni virtute, licet ipsa à Philosopho dicatur tota virtus. Quia sicut causa superior influens in inferiorem, & cum ea operans, non est eadem cum ipsa inferiori, vt sol non est idem cum igne, & charitas, quæ respicit bonum diuinum vt proprium obiectum, & ordinat actus omnium virtutum ad Deum, non est eadem cum illis, sed quædam specialis virtus secundum suam essentiam: ita iustitia hæc generalis vim quandam infundens in alias virtutes, & cum eis operans ad

B 5.

bonum

bonum commune, non dicitur cum illis eadem, sed specialis est virtus, vt eleganter demonstrat D. Thomas, & ceteri post eum.

Ex eo autem dicitur tota virtus secundum Aristotelem, & eadem cum omni virtute, quia vna quaque virtutum considerata, vt à iustitia generali vel legali imperatur, potest denominationem suscipere, vt generalis & legalis dicatur: quemadmodum omnis virtus secundum rationem, qua à charitate imperatur, teste Dominico Soto, charitas quodammodo dici potest.

Et quia *Generalis iustitia in Principe & Legislatore architectonicè residet*, & ab eis potissimum interdicitur, qui omnia ad commune bonum, ex quo vniuersi populi felicitas contingit, disponere debent, non à subditis, quibus sufficit, si legibus obtemperent; nec refert qua intentione, an ob singulorum commodum, an ob commune bonum, cum illud vtroq; casu nihilominus sequatur, & ad amussim eadem Principis, & Legislatoris intentio impleatur. Propterea *Generalis iustitia non est Iuris consulti obiectum*, nec de eà Iurisperitis agitur, nec illa ab Vlp. definitur, cum eorum munus sit subsidios tantum instruere in legum obseruantia, nec curatur qua intentione id agant, vt iam dictum est.

## CAPVT IV.

*De Iustitia particulari.*

**P**ARTICULARIS iustitia inde dicitur, quia pars est præcedentis generalis iustitiæ: Illa enim ut diximus, versatur circa omnes virtutes, quatenus à lege præcipiuntur, & sic in commune bonum. Hæc verò circa vnam tantum ex eis, quæ in qualitate consistit, & in distribuendo unicuique quod suum est.

IUSTITIA igitur PARTICVLARIS secundum Aristotelem, est habitus electiuus reddendi unicuique ius suum, ut singulari persone, ob solam bonestatem. Vel secundum D. Thomam, est habitus secundum quem aliquis constanti, & perpetua voluntate ius suum unicuique tribuit. Vel clarius secundum Vlpianum & Iustinianum, Iustitia est constans & perpetua voluntas ius suum unicuique tribuens.

ECONTRA INIUSTITIA PARTICVLARIS, est habitus electiuus non reddendi alteri, præsertim ut singulari persone ius suum, & appetendi plus emolumenti, & minus damni, quam sibi debeat, nullo simili habito respectu ad legis aliter præcipientis transgressionem. Proprium itaque Particularis Iustitiæ est, ut unicuique quod suum est reddat, vel distribuatur, nullo habito respectu

spectu ad legem id iubentem, nec ad commune bonum per se, sed ad ipsam æqualitatem, & quia id efficere honestum est, & sic ad singulorum utilitatem. Hæc enim iustitia rectas efficit externas hominum actiones, & res, quæ in usum hominum veniunt, quatenus vnus homo ordinatur ad alterum.

Proprium verò particularis iniustitiæ est, vt reddat plus vel minus alicui, quam ei debeat, non vt legi aduersetur, sed quia illius pluri vel minoris sit appetitor. Per hanc enim deformantur externæ hominum actiones, & res, quæ in usum hominum veniunt, quatenus vnus homo ordinatur ad alterum.

Ex his colliguntur *differentiæ inter Generalem & Particularem iustitiam*, quia illa versatur circa omnes virtutes, ac proinde rectas efficit etiam eas, quæ sunt ad seipsum, & sic inter nos animi affectus, vt supra diximus. Hæc autem versatur tantum circa ea, quæ specialiter pertinent ad commutationem vitæ, & sic dirigit tantum actiones externas. Illa respicit obtemperantiam legis, ac proinde commune bonum. Hæc verò ipsam datorum & acceptorum æqualitatem, ac proinde singulorum commodum. Illa est aggregatio quædam omnium virtutum, eas dirigens ad commune bonum, vt diximus. Hæc verò est

Vna ex illis virtutibus, quæ licet sui natura dirigatur ad bonum priuatum, imperata tamen ab illa dirigitur ad bonum commune, & fit generalis. Et hinc patet *necessitas particularis iustitiæ*, quia cum illa generalis iustitia, non sit essentialiter omnis virtus, nec illa sola sufficiat; quoniam nec omnia præcipit, nec omnia vetat, sed de omnibus aliqua, eaque potissimum quæ ad pacem & concordiam ciuium facere solent & sic quæ respiciunt commune bonum: ideo oportuit, præter eam, quæ ordinat hominem immediatè ad commune bonum, esse alias virtutes, quæ absque legum præscripto efficerent, vt homines cum hominibus priuatam vitam degentes, virtutum opera ederent, à vitijs, & iniurijs abstinentes. Et quia hæc ordinatio fieri potuit vel ad se ipsum, vel ad alteram singularem personam: ideo sicut præter iustitiam legalem oportuit esse aliquas virtutes particulares, quæ ordinarent homines in se ipso, puta temperantiam, fortitudinem, mansuetudinem: ita etiam præter iustitiam legalem, oportuit esse particularem quandam iustitiam, quæ ordinaret hominem circa ea, quæ sunt ad alterum, præsertim priuatam personam, vt est iustitia hæc particularis.



## CAPUT V.

*De Diuisione particularis Iustitiæ.*

**Q**Via singularis persona, cui per habitum particularis iustitiæ ius suum redditur, duobus modis refertur ad alterum, nempe vel ut pars ad partem, & sic vna singularis persona ad aliam, vel ut pars ad totum, & sic priuatus quilibet ad suam communitem. Et hoc casu, vtsciatur quam quisque in ea partem habeat: aliquando habetur ratio ad rem, vel operam, quam in eadem communitate posuit, non ad personarum conditionem, vel qualitatem: aliquando habetur respectus ad qualitatem: personarum, nulla rerum æstimatione habita: aliquando vtrumque respicitur, & res, vel opera in communitate posita, & personarum qualitas perpenditur. Propterea ex respectu, qui adhibetur, & modo qui seruatur in reddendo vnicuique suum, & sic ex accidenti *iustitia particularis duplex efficitur*. Altera, in qua habetur ratio rei ad rem, non ad personam, siue reddatur ius inter priuatos ad inuicem, ut inter partem & partem, siue inter priuatos & communitatem ipsam, ut inter partem & totum, ex quadam inter eos inuicem facta rerum commutatione, & hæc *Commutatiua* dicitur.

Altera,



**A**ltera, in qua habetur ratio rei ad personam non ad rem: vel si ad rem, simul etiam & ad personam, dum quæ sunt communis inter singulos de ea distribuuntur, iuxta singulorum merita, & hæc appellatur *Distributiva*.

Et licet hæc etiam distributiva iustitia, si eius naturam subtilius perpendamus, videatur esse simpliciter æqualitas datorum & acceptorum, & semper supponat in ijs, quibus fit distributio, merita erga Rempublicam si non præsentia, certè præterita, vel futura: præterita, ut quando nobilibus plura tribuuntur, quia habetur ratio ad merita maiorum: futura, ut quando Respublica civibus suis, viribus, opibus, vel virtute insignibus, à quibus plura se consecuturam confidit, plura confert, quasi sub spe futuri servitij, anticipata stipendia. Quia alias cessantibus omnino meritis, cessaret debitum; & quod daretur, non ex iustitia, sed ex mera liberalitate manaret. Tamen particularem iustitiam partiendo, ideo diximus in distributiva haberi respectum rei ad personam, non rei ad rem, quia in ea non attenduntur merita solum præsentia, pro quibus fit distributio, sed præterita etiam vel futura, & multoties aliena, quæ non considerantur amplius, ut res, nec ut de genere meritorum, sed ut qualitas  
iam:

iam personæ adhærens, quæ eius conditionem digniorem efficit; & satis perpensa dicuntur, dum iuxta personarum qualitatem fit distributio, quod nihil est aliud, quam earundem personarum merita perpendere. Et hoc pacto verissima est *distinctio Particularis Iustitiæ* IN COMMUTATIVAM & DISTRIBUTIVAM, de quibus sigillatim agendum est.

## CAPUT VI.

*De Commutativa Iustitia.*

COMMUTATIVA Iustitia, ut vox ipsa demonstrat inde dicta est, quasi commutationem quandam contineat, ita, ut ad eiusdem commutationis perfectionem, hæc commutativa iustitia requiratur. Nam ut diximus, hæc reddit singulis, quæ cuique debeatur ex quadam inter eos facta commutatione, ut contingit in emptione, & venditione, in qua res cum pretio commutatur. Et ideo ad eiusdem commutationis perfectionem re ipsa tradita, desideratur conuenti præcij solutio; & soluto precio requiritur eiusdem rei venditæ traditio. Et quia in commutationibus, ut patet exemplo proximè relato, redditur aliquid alicui singulari personæ, propter rem eius quæ accepta est, ut alius tantumdem accipiat, nulla habita ratione personarum conditio-

conditionis, cum nihil reterat, an probus prauo, an prauus probus detraxerit; sed habito tantum respectu ad rem ipsam, ut fiat adæquatio rei ad rem, videlicet, ut quanto iste plus habet, quam suum sit, de eo, quod est alterius, tantumdem restituat ei, cuius est; ideo in hac commutativa iustitia non accipitur medium secundum proportionē rerum ad personas, ut in distributiva, sed secundum æqualitatem rei ad rem. Et sic *medium commutativæ iustitiæ in Arithmetica æqualitate consistit*, quæ attenditur secundum partem quantitatis excessus: sicut quinque est medium inter sex, & quatuor, quia unitas excedit, & exceditur. Si ergo à principio uterque habebat quinque, & alter eorum accepit unum de eo, quod erat alterius; ille qui accepit, habebit sex, alteri verò relinquentur quatuor: erit itaque iustitia si uterque reducatur ad medium, ut accipiatur unum ab eo, qui habet sex, & detur ei qui habet quatuor, sic enim uterque eorum habebit quinque; quod est medium. Et hoc est verum tam in commutationibus voluntariis, quæ scilicet ex libera hominum voluntate fiunt, cuiusmodi sunt vēditiones, locationes, donationes; mutui, commodati, depositi, & pignoris dationes, & similes: Quam in commutationibus involuntariis, quæ altero

inuito fiunt: tum occultis, tum in furto, dum quis rem alterius clàm subripit: tum manifestis, vt in rapina, dum per violentiam quis rapit. In omnibus enim hisce casibus, & alijs, qui sub commutatione considerari possunt, locum habet commutatiua iustitia, vt quanto quis plus habet quàm suum sit, de eo quod est alterius, tantundem restituat ei, cuius est: & sic ex vnus lucro, damnum exinde contingens, alteri resarciatur. Est itaque COMMUTATIUA IUSTITIA *habitus electiuus, vel constans & perpetua voluntas unicuique tribuendi quod ei ex suo dato, vel facto eius, habita ratione debetur.*

## CAPVT VII.

*Inter quos locum habeat commutatiua Iustitia.*

**L**icet commutatiua iustitia frequentius versetur inter priuatos ad inuicem, & sic inter partes Reipublicę cadit, tamen aliquando etiam inter Rempublicam & priuatos ciues, quotiescumq; inter eosdem considerari potest aliqua commutatio, vt puta si priuatus aliquis communitati suę, vel pecuniam mutuo dederit, vel rem aliquam vendiderit, vel pro mercede operas suas locauerit, vel quid simile fecerit: in his enim Princeps & Respublica fungitur vice priuati, & ex hac commuta-

commutatiua iustitia tenetur mutuanti tantundem restituere, vendenti pretium, & locanti operas suas, mercedem soluere, & alia facere, vt cæteri priuati homines. Imò quod magis est, hæc eadem commutatiua iustitia, seruat<sup>r</sup> aliquando inter priuatos, & ipsam Rempub. etiam dum cōsideratur vt Respub. est: quod contingit, cūm aliquis magnum aliquod & egregium facinus pro Repub. gesserit, & de ea adeò benè meritus sit, vt eidem premium pro remuneratione statui honestū videatur. Hæc enim remuneratio, quæ à Republica fit, etiam erga sibi subiectos ob egregiam nauatam operam, & ita de se benè meritos, ex hac commutatiua iustitia prouenit; & hæc seruanda est, quatenus perpendendæ sunt res gestæ in gratiam Reipub. vt æqualis, & ex proportionem eisdem operibus statuatur remuneratio. In hoc enim, vt de se patet, habetur ratio rei ad rem, id est, operis pro Republica patrati ad præmium statuendum, licet vt dicemus inferiùs, quatenus hoc eodem casu debet etiam haberi respectus ad personam benè merentis; distributiua quoque iustitia seruanda sit, & sic mixtura quædam vtriusque tum commutatiuæ, tum distributiuæ iustitiæ.

Dico vlt<sup>r</sup>ius, hanc commutatiuam ini-



tiam locum habere, ut supra indicavi, etiam quando in tribuendo unicuique ius suum, habenda est ratio partis ut totum, ut si agatur de diuisione lucri, vel damni alicuius societatis inter plures, pro inæqualibus partibus in ita super aliqua negotiatione: ut quia tota fors vnus, sortem alterius excedat, puta in duplo: & rursus, si plures sunt socij, fors tertij in aliquo similiter excedat sortem aliorum, quia puta vnus quatuor, alius duos, tertius verò vnum tantum in societate posuerit. Nam lucrum & damnum, ex eadem societate contingens inter eos erit diuidendum, ex hac eadem commutatiua iustitia, cum habeatur respectus rei ad rem, non ad personam.

Quia tamen hæc diuisio inter eos fieri debet, iuxta proportionem sortis capitalis: ut quantò quis maiorem posuit, tanto maius lucrum & damnum consequatur. Ideo in hoc casu, & in hac distributione, commutatiua iustitia habet effigiem distributiua, cum non æqualiter fiat, sed secundum proportionem, & habeatur respectus ad maiorem vel minorem sortem, quam quis habet in eadem societate & communione, quod dicemus seruari & esse proprium distributiua iustitiæ. Cum tamen verissimum sit, hanc distributionem inter socios disparis sortis capitalis esse propriam



propriam, & meram commutatiuam iustitiam, non autem distributiua. Nulla enim hic habetur ratio rei ad personam, sed tantum rei ad rem, scilicet ad maius vel minus: quare ut inter socios vera seruetur æqualitas, ipsa commutatiua iustitia expostulat, ut inter eos inæqualis fiat distributio; sic enim fiet, ut iuxta sortem capitalem à se positam, commodum, vel incommodum sentiat. Idem omnino dicendum puto, si plures alicuius negotiationis societatem contraxerint, æqualiter vel inæqualiter ab ijs capitali posito, eorum tamen magis vnus quam alius in ea negotiatione versatus sit, & maius illi emolumentum attulerit, quia in diuisione lucri, vel damni, licet ultra sortem capitalem debeat haberi respectus ad sociorum personam, ut magis industrius, & magis in negotiatione versatus plus lucri & plus damni sentiat, & videatur haberi ratio rei ad personam, ut in distributiua iustitia. Tamen hæc eadem commutatiua attendi debet, quia maior vel minor opera, vel industria sociorum pro re consideratur, & pro sorte capitali reputatur. Et propterea dum operæ, vel industriæ eorum habetur ratio, parum refert, an qui plus operatus est, sit probus, vel improbus, nobilis aut vilis, diues vel pauper, qui respectus habentur in

distributiua iustitia : sed sufficit, si, qualiscūque sit, societati sua opera, vel industria plus compendij, & vtilitatis contulerit.

Quod puto verum, non solum quando ab initio contractæ societatis ; opera vel industria vnius ex socijs æstimata fuerit, quo casu certissimum est, vel augere, vel constituere capitalem sortem : sed etiam si fuerit simpliciter inita, nec conuentum quanti alterius opera æstimari debeat. Quia adhuc pro capitali sorte, vel eius incremento reputabitur iuxta boni viri arbitrium, cum licet æstimata non sit, sit tamen æstimabilis.

Et idem confirmatur, quia si eodem casu diuisio fieret ex distributiua iustitia ; ille, qui pro societate in lucri gratiam plus operatus est, maius lucrum, & minus damnum consequi deberet, si aliquo puta fortuito casu negotiatio ipsa iacturam fecisset : quia *hoc est proprium distributiua iustitia*, vt qui de Republica melius meritus est ; plus commodi, & honoris, & minus incommodi, & oneris consequatur. Cum tamen societate simpliciter inita, vt supra, certi iuris sit, lucrum, & damnum inuicem ex proportionem respondere, vt quis tantum damni sentiat, quantum lucri sensisset, si negotiatio superlucrata esset. Nisi alter expresse sit actum, quo casu lucri  
& da-

& damni diuersitas ex conuentione magis,  
quàm ex societate prodiret.

**C A P V T V I I I .***De Distributua Iustitia.*

**D**istributua Iustitia, vt facile patet ex  
ipsius vocis sono, inde dicta est, quia  
distribuit inter partes quæ sunt communi-  
tatis, vt totius. Sed quia totum non influit,  
nec distribuit vim suam partibus æqualiter,  
nec æqualiter ab illis idem exigit, sed vtrum-  
q; facit ex proportionem magis vni, quàm alte-  
ri, & magis ab vna quàm ab altera, secun-  
dum quod vna vel altera pars habet in eo  
toto maiorem sortem, vt patet in humano  
corpore, quod maiorem vim brachio com-  
municat, quàm auri, & plus à brachio exit,  
quàm ab aure, quia brachium maiorem,  
auris minorem in corpore humano partem  
obtinet. Ideo hæc distributua Iustitia, non  
singulis de vniuersitate idem æqualiter distri-  
buit, nec idem ab iisdem exigit æqualiter in  
calu indigentia, & quo opus sibi visum fuerit:  
sed vni plus, quàm alteri confert: & ab altero  
plus, ab altero minus capit, iuxta vniuscuius-  
que conditionem, & secundum quod quisq;  
in ea communitate maiorem, vel minorem

dignitatem & precipuum ius habet. Quia  
tamen dignitatem & prærogatiuam non ean-  
dem omnes inquirunt esse, sed Optimates in  
communitate Aristocratica virtutem, pauci  
potentes in Oligarchia opulentiam, popula-  
res verò in Democratia libertatem. Ideo in  
Aristocratia plus virtute præditis, in Oligar-  
chia plus diuitibus & Nobilibus, in Demo-  
cratia plus popularibus tribuitur, quàm  
cæteris. Et ideo in distributiua iustitia non  
accipitur medium secundum æqualitatem  
rei ad rem, sed secundum proportionem re-  
rum ad personas; vt sicut vna persona in ali-  
qua communitate excedit aliam, ita etiam  
res eiusdem communitatis inter singulos  
diuidenda, quæ datur vni personæ, debet  
excedere eam quæ datur alij, vt propterea  
dixerit Aristoteles *medium distributiue Iustitiæ  
secundum Geometricam proportionem consistere*,  
in qua attenditur æquale, non secundum  
quantitatem, sed secundum proportionem,  
vt si dicamus, sicut se habent sex ad quatuor,  
ita se habent tria ad duo, quia vtrobq; est  
sesquialtera proportio, in qua maior quanti-  
tas minorem excedit dimidia illius. Hæc ea-  
dem proportio obseruatur in hac distributiua  
iustitia, vt non singulis idem secundum  
quantitatem distribuatur, sed secundum propor-

propor-

porportionem, & secundum maiorem vel minorem in communitate dignitatem & partem. Ita, ut si duo, alter ignarus, alter virtute præditus, sint ciues in aliqua Republica, ubi virtus magnifiat, non erit quod redundat, eodem modo & quantitate inter eos distribuendum, sed tanto plus vni, quam alteri dandum erit; quanto ille virtute, & alijs conditionibus alterum excellit. Ita tamen ut æqualis proportio in distribuendis etiam oneribus, quam in distribuendis præmijs adhibeatur; semperq; ab eo plus exigatur, qui ea re magis abundat, qua Respublica opus habet, imponendo puta eruditioribus maiorem curam regendi Rempublicam & eius Magistratus, ditioribus grauiorem collectam, vilioribus verò longiores & frequentiores excubias, & alia huius generis. Ex his igitur IUSTITIA DISTRIBUTIVA est habitus electiuus, seu constans & perpetua voluntas distribuendi singulis commoda & incommoda ciuitatis iuxta vniuscuiusq; in ea conditionem.

## CAPVT VLTIMVM

*De Iustitia mixta ex Commutativa & Distributiva.*

**Q**uia verò prædictus casus est satis frequens, qui vertitur circa compensandos bene

meritos



meritos de Republica, & de nobis metiſſis; propterea neceſſe eſt declarare, quæ ratio in hac readhibenda, & ſeruanda ſit. Quoniam ſi duos vel plures viriliter pro patria pugnauerint, & vnus aduerſi Ducis, alius priuati militis ſpolia reportauerit; hi, licet paris conditionis, non æquè remunerandi ſunt, ſed eò magis ille, quò Ducis conditio priuati militis conditionem magis excedit. Vel ſi duo æqualiter hoſtium moenia primi aſcenderint, quorum alter ſit Dux, alter verò priuatus miles, remuneratio eo maior illi ſtatuenda eſt, quo ducis conditio eſt priuati militis conditione præclarior. Idem omnino dicendum eſt de priuato quolibet homine amicos ſuos de ſe benemeritos remunerari volente, quia gratitudinis ratio expoſtulat, vt perpenſis beneficijs acceptis, ex proportionẽ ſingulis mercedem tribuat. Id tamen deſcendit ex principijs Commutatiuæ Iuſtitiæ, cum habetur ratio rei ad rem, dum beneficium remunerandum perpenditur. Quia tamen non eodẽ modo præmio beneficia rependuntur, ſed vel magis vel minus pro eorum magnitudine, vt dictum eſt; propterea dicitur hoc caſu hanc commutatiuam iuſticiam habere effigiem diſtributiuæ.

Cum igitur in hac præmiorum conſtitutione



tione habeatur ratio rei ad rem, & rei ad personam benemerentis, quod diximus esse medium distributiue iustitiæ, propterea ex utraq; iustitia mixtim compensatio dicitur emanare, difficillimaque ab Aristotele reputatur iusta beneficiorum æstimatio & compensatio, quia & beneficia æstimanda sunt, & beneficentium qualitates perpendendæ, quo casu quisque suipsius meritum & conditionem pluris facit, quàm alterius.

Et facta prædictorum iunctione, potest aliquando contingere, ut personæ vilis maius conferat beneficium, quam dignior, ut si priuatus miles aduersi Ducis spolia, Dux verò priuati militis pugnando reportauerint, & in hoc consistit viri prudentis arbitrium, in statuendo cuiq; præmia & beneficio, & conditioni personæ conuenienter absque subditorum quærimonijs. Et hæc de Iustitiæ & Iniustitiæ cognitione.



## TRACTATUS III.

## De Iure Ciuili.

## CAPVT I.

*De subiecto & forma Iuris Ciuilis.*

**D**IXIMVS tractatu primo, Ius positium esse variabile & imperfectum, sicut illud naturale, quod est commune omni nationi, immutabile, plenum & perfectum; proinde ad omnem perfectionem & felicitatem hominem ducere Legislatores volentes, pro summa illa, quam à Deo acceperunt, sapientia, duplices leges composuerunt, alias quæ hominem dirigerent ad Deum, alias quæ ad proximi dilectionem; eamq; ob causam *ius positium subdiviserunt in Canonicum & Ciuile*. Nā sicut ex duobus componitur homo, scilicet materia & forma: sic duæ sunt dignitates in Ecclesia militante, scilicet *Pontificalis auctoritas*, ad dirigendum hominem in rebus Diuinis; & *Imperialis potestas*, ad formandum hominem in rebus humanis & ciuilibus: Et sic Papa conditor est Canonum, & Imperator Legum. Vnde facile patet causa efficiens vtriusq; iuris.

SUBIECTVM VERÒ IURIS CIVILIS est  
homo

*homo politicus, constitutionibus legalibus dirigibilis, simpliciter in bonum humanum, ad Reipublicæ utilitatem conseruandam.* Vnde statim patet manifestè *causa Finalis, conseruatio videlicet Reipublicæ in vniuersum.* Nam finis iuris est, bonos & scientes efficere, non metu solum poenarum, verùm etiam exhortatione præmiorum.

CAUSA autem FORMALIS duplex est, scilicet *forma tractandi*, quæ est modus agendi, vt definitiuus, diuisiuus, præceptiuus, prohibitiuus, & exemplorum positiuus. Et *forma tractatus*, quæ consistit in diuisione librorum totalium in parciales: & partialium in titulos, seu rubricas: & titulorum in capitula, leges, paragraphos vel responsa, & cætera, vt infra dicitur.

## CAPVT II.

*De Diuisione Iuris Ciuilis.*

VNiuerſum Ius Ciuile, seu Imperatorium, quatuor, voluminibus continetur, quæ dicuntur libri legales, vt sunt, *Digestum, Codex, Instituta, & Authenticum*, quibus additur liber *Feudorum*. DIGESTVM continet in se quinquaginta libros parciales, in tria volumina diuisos, qui omnes continent in se Titulos quadri-

quadrigentos triginta quatuor. Hoc est *Digesti Veteris*.

Primum Volumen		Tredecimus	7.
seu liber habet Titu-		Decimus quartus	6.
los	22.	Decimus quintus	4.
Secundus	15.	Decimus sextus	3.
Tertius	6.	Decimus septimus	2.
Quartus	9.	Decimus octauus	7.
Quintus	6.	Decimus nonus	5.
Sextus	3.	Vigésimus	6.
Septimus	9.	Vigésimus primus	3.
Octauus	6.	Vigésimus secundus	6.
Nonus	4.	Vigésimus tertius	5.
Decimus	4.	Vigésimus quartus	2.
Vndecimus	8.	Et sunt simul	155.
Duodecimus	7.		

*Infortiati.*

Primus liber habet		Octauus	1.
Titulos	8.	Nonus	10.
Secundus	10.	Decimus	9.
Tertius	10.	Vndecimus	3.
Quartus	8.	Duodecimus	4.
Quintus	7.	Tredecimus	15.
Sextus titulum	1.	Decimus quartus	18.
Septimus	1.	Et sunt simul	105.

*Digesti*

*Digesti Noui.*

Primus liber habet		Septimus	3.
Titulos	6.	Octauus	8.
Secundus	16.	Nonus	23.
Tertius	11.	Decimus	24.
Quartus	9.	Vndecimus	18.
Quintus	32.	Duodecimus	17.
Sextus	7.	Et sunt simul	174.

*C O D E X diuiditur in libros paruulos XII.*

Quorum primus ha-		Septimus	75.
bet Titulos	58.	Octauus	59.
Secundus	59.	Nonus	51.
Tertius	43.	Decimus	76.
Quartus	66.	Vndecimus	77.
Quintus	75.	Duodecimus	64.
Sextus	61.	Et sunt simul	764.

*A V T H E N T I C O R V M siue Nouellarum Constitutionum.*

Prima Collatio habet		Sexta	14.
Titulos	6.	Septima	10.
Secunda	6.	Octaua	13.
Tertia	7.	Nona	15.
Quarta	7.	Et sunt simul	98.
Quinta	20.		

Decima Collatio Authenticorum, siue  
 Nouel-



Nouellarum Constitutionum, aut liber siue  
 vsus Feudorum habet Titulos 87.

# INSTITVTIONVM

Primus liber habet	Tertius	30.
Titulos 26.	Quartus	18.
Secundus 25.	Et sunt simul	99.

## C A P V T III.

### De Digestis.

**P**rimus liber Iuris Ciuilis est Digestum, cōtinens in se leges & statuta Romanorum, tribus Voluminibus. Primum Volumen vocatur *Digestum Vetus*, quod habet 24. libros partiales. Secundum *Infortiatum*, & habet 14. libros partiales. Tertium, *Digestum nouum*, quod habet 12. libros partiales. Vocaturque hoc nomine Digestum, quia omnia decidenda digeruntur & soluuntur. Alio nomine dicitur Pandectæ à Græco nomine πᾶν, quod est totum, & participio verbo δέχομαι, quod est capio, quasi omnia intra se comprehendens: est enim volumen aliquod omnia vniuersaliter continens.

Est autem liber iste, *Digestum* nuncupatus, collectus ex veteri iure, quod ab vrbe condita, & à temporibus Romuli, vsq; ad tempus Iustiniani

Iustiniani Imperatoris, ferè per mille annos & trecentos, confusè statutum fuit : & extendebatur in duo penè millia librorum, & decies centena millia versuum, id est, paragra-phorum vel responforum.

Scribitur verò Digestum per duplex ff. cō-tra morem omnium librorum legalium, cum nulla litera f. ponatur in hoc nomine digestū, ideò ( vt aiunt quidam ) quia per duos Impe-ratores, quorum quiuus Federicus nomina-batur, postea maturius ruminatum est, & Digestum: à quorum Imperatorum quolibet nomine, sumpta est prima litera F.

*Infortiatum* autem dicitur vulgò ab in, id est valde, & forte, quia multum fortes leges in eo continentur, id est dispositiones vlti-marum voluntatum, quæ non debent immu-tari.

NOTA, quod quando in Digesto veteri, In-fortiato, vel Digesto nouo, allegatur aliquis textus, tunc primo ponitur nomen libri, non partialis, nec veteris, noui, vel Infortiati, sed Digesti in genere, per duplex ff. postea titulus vel rubrica : deinde apponitur lex illius tituli cum sua determinatione, vel numero sequē-ti. Et si lex est longa, ponitur §. primus, vel se-cundus, vel responsum primum, vel secun-dum, &c. exemplum, ff. de damno infecto l.

si finita. §. si quis autem. quod ita abbreviatum valet ac si dicere velles, in libro digestorum, sub titulo de damno infecto, in lege quę incipit, si finita. in §. si quis autem. illius legis. Aliud exemplum, ff. ad leg. Rhod. de iac. l. naus, §. cum autem. id est, Digestis ad legem Rhodiam de iactu, in lege naus, in paragrapho cum autem, & sic de alijs.

## C A P V T IV.

## De Codice.

**S**ecundus principalis liber Iuris Civilis dicitur Codex, qui continet statuta, sanctiones, & diuersa præcepta Imperatorum: quāuis communiter loquendo, Codex dicatur quilibet liber in se habēs diuersos libros partiales. Fuerunt tamen ante tempus Iustiniani Imperatoris, tres Codices legum, scilicet Codex Gregorianus, Hermogenianus, & Theodosianus, ex quibus Diuus Iustinianus fecit fieri vnum codicem, quem suo felici nomine intitulauit, & qui nunc vocatur *Codex Iustiniani*, vt patet in rubrica præmij huius libri. Et scribitur per C. magnū, quæ est prima littera huius nominis Codex. Diuiditur autem vt iupra diximus in 12. libros partiales, sed quorum vltimi tres, longè post primos nouem compo-

compositi sunt, & raro leguntur à Doctõribus. In primis autem nouem libris Codicis allegatur suo modo, sicut & in Digestis, primo ponendo nomen libri Codicis, deinde titulum, postea legum, cum suo principio vel numero, Exemplum C. de præscrip. xxx. vel xl. anni, l. si quis, §. pen. id est, in libro Codicis, sub titulo de præscriptionibus xxx. vel xxxx. annorum, in lege, si quis, in paragrapho penultimo.

In vltimis tamen tribus libris, hoc refert, quod in fine allegationis ( vt præmissum est ) additur numerus libri, vt allegando C. de armorum vsu iuxta principem. l. 1. lib. 10. C. de Muri legulis & Gyneciarijs l. &c. lib. 11. Et est magis necessariũ quodsdã titulos plenius scribere, quia sunt in his libris tribus valde rari & inusitati tituli, quia nõ frequentatur in scholis legendo, sicut alij libri nouẽ priores.

Et volunt aliqui dicere, quod quando in Codice allegatur, non sit necesse addere l: dicendo sic, C. de iud l. properandum, sed simpliciter debeat dici, de iudic. properandum sine hoc addito, lege: nisi esset lex 1. 2. 3. vel penultima, vel antepenultima. Tunc enim oporteret addi, lege prima, secunda, vel penultima. Sed siue hoc in toto seruatur, siue non, non est magna vis.

Item interdum in Codice allegatur Authentica, quæ est antiquo iuri superaddita, & incorporata, vt C. de epis. & cler. Authen. generaliter, id est, in Codice sub titulo de epis. & cler. in Authentica ibi incorporata, quæ incipit, Generaliter.

## CAPVT V.

*De Authentico.*

**T**ertius principalis liber, vocatur Autenticum, in numero singulari: & Authentica Authenticorum in numero plurali. Et sunt Authentica quædam excerpta, quasi summula librorum supradictorum.

Diuiditur autem iste liber in ix. collationes, quarum quælibet subdiuiditur in titulos. Tituli verò subdiuiduntur non in leges, sed in paragraphos. Et quando ex Authentico allegatur aliquis textus, præmittitur primò nomen libri cum præpositione in; deinde ponitur titulus, postea subiungitur paragraphus cum ipsius inæptione: & in fine ponitur quota collationis. Quamuis enim collatio naturaliter præcedit paragraphum, qui in ea continetur, tamen collatio cum sua quota consuevit vltimò allegari: licet etiam interdum omittatur. Exemplum sumatur sic allegando.



allegando. in Authen. de lenonibus, §. sancimus, coll. 3. id est, in libro seu volumine Authenticorum sub titulo de lenonibus, in §. qui incipit, Sancimus, sub collatione 3. Aliud exemplum. in Authen. de trien. & semit. §. consideremus, collat. 3. id est, in Authentico de triente & semisse, in §. consideremus, &c. nota differentiam inter Authenticum & Authenticam. Nam Authenticum est liber principalis Voluminis, de quo nunc loquimur. Authentica verò est lex vna vel paragraphus incorporatus in lib. C. & allegatur hoc modo, sicut etiam prædictum est in libro. C. in Authen. multò magis C. de sac. sanct. eccl. &c.

LIBER FEVDORVM, qui alio nomine dicitur Collatio X. diuiditur in duos libros Partiales, quorum quilibet subdividitur in titulos, & isti in capitula & paragraphos. Vnde vt exemplariter dicatur, in allegatione huius libri, primò ponitur nomen libri, postea titulus, deinde capitulum & §. vt sic allegando in libro, alias & communius, in vsibus feud. de prohib. feud. alien. per Federic. c. 1. §. hac edictali. Et hoc breuitatum sic intelligitur: id est, in vsibus feudorum (qui liber collatio decima dicitur) sub rubrica de prohibita feudi alienatione per Federicum,

prohibita fendi alienatione per Federicum, in capitulo primo, & parágrafo allegato. Et est necesse apponere per Federicum, ad differentiam alterius tituli in eodem libro de prohib. feud. alien. per Lotharium. Potest etiam nomen libri ultimo subiungi, ut in hoc exemplo. quib. mod. feud. amitt. cap: vnico, §. rursus. in vsibus feud. id est, in rubrica, quibus modis feudum amittatur, c. vnico §. rursus in vsibus feudorum. Etiam interdum allegatur collatione decima, sic breuiando, collatio x. quia iste liber post ix. collationes authenticorum editus est. Alia possunt accipi exempla multa. De feud. mar. duc. & cō. id est, de feudo marchia, ducatus & comitatus. De inues. in man. fac. id est, de inuestitura in mancum facta, de milit. vasal. qui cō. rum. est, id est, de milite vasallo, qui contumax est. Et ita de omnibus alijs extendendo, & abbreviando rubricas, cum subiunctione tamen ca. & §. in quo continetur autoritas vel textus allegatus.

## C A P V T VI.

### *De Institutionibus.*

**Q**uartus liber principalis dicitur Instituta, vel Institutiones in numero plurali. Et diui-

diuiditur in quatuor libros partiales, qui sunt introductorij in alios libros legales; & subdiuiduntur vltcrius in titulos, & hi in paragraphos, nō in leges nec in capitula: & paragraphi interdū quando longi sunt in versiculos.

In allegationibus autē huius libri talis modus obseruatur, quod primò liber nominatur, postea rubrica, deinde paragraphus cum versiculo. Exempli gratia. Instit. de iusti. & iur. §. 1. id est, in libro Institutionum, sub rubrica de iustitia & iure. in paragrapho primo illius rubricæ. Aliud. Instit. de iur. nat. gen. & ciui. §. sed quoties, id est, Institutionibus de iure naturali, gentium, & ciuili, paragrapho allegato.

Et hæc de nominibus, diuisionibus, & exemplis ipsorum librorum legalium, pronunc sufficiant. Vbi tamē *notandum est*, quod quidam liber, *paruum volumen* appellatus est, continens in se aliquos prædictorum librorū totalium, & aliquos partialium titulos, videlicet Authentica, Vfus feudorum, & tres vltimos libros Codicis, scilicet, decimum, vndecimum, & duodecimum, qui raro legi consueuerunt, & titulos habent plerisque rarissimos.

# TRACTATUS IV.

## De Iure Canonico.

### CAPVT I.

*De Subiecto Iuris Canonici, & diuisione eius  
in libros generales.*

**I**VRIS Canonici subiectum est, bonum cō-  
mune fidelium directiuum, decisionem sin-  
gulorum negotiorum continens, rerumque  
Ecclesiasticarum vtilitatem conseruans. Vel  
vt breuius loquamur: *Subiectum Iuris Canonici est homo Catholicus dirigibilis de Iure Canonico in bonum humanum atque diuinum.*

Ius autem Canonicum in quatuor libris principalibus nobis est traditum: quorum primus vocatur *Decretum*, Secundus *Decretales*, Tertius *Sextus*, & Quartus *Clementina*.

Hic primum sciendum est, differentiam esse inter *Decretum*, *Canonem*, & *Decretalem Epistolam*. Nam *Canon* proprie dicitur statutum in Concilio generali, vel prouinciali, factum auctoritate Episcoporum: vt de consec. c. 1. *Decretum* verò est statutum, quòd Papa de consilio Cardinalium, ad nullius tamen consultationem statuit, & inscriptis redegit, vt de rescript. capit. præsent. Hic autem *Decretum* sumitur pro nomine libri, in quo

quo sanctorum Patrum dicta descripta sunt. Capitur etiam aliter Decretum de rebus eccl. non alien. capit. 1. lib. 6. in glossa magna, in fine, ubi ponitur differentia inter decretum, authoritatem, & consensum vel collaudationem iudicis, &c. *Decretalis verò epistola dicitur*, quam Papa solus, vel de consilio Cardinaliū ad consultationem alicuius rescribit & respondet, ut de rescrip. cap. 1. & glossa 3. §. omnes hæ species dist. 3.

Sciendum secundo, quòd indifferenter Decreta, Canones, & Decretales: Ius Canonicum nuncupantur, vel Canones, & vnum specie pro reliquo sumitur.

Vocatur etiam Canonica institutio aliquādo dogma, quia consistit in doctrina fidei Christianæ, de consecrat. distin. 5. cap. fin. Aliquando mandatum, quia consistit in doctrina de moribus. dist. 54. denique. Aliquādo interdictum, quando nulla pœna adijcitur, de consecr. dist. 3. non oportet, & quandoque sanctio, quando pœna additur, 27. quæst. 4. si quis vere. Hic etiam Decreta-

les in plurali numero vtimur pro libro,

in quo dicta capitula, quæ etiam

Decretales dicuntur continentur.



## CAPVT II.

## De Decreto.

**P**rimum librū Iuris Canonici, qui Decretum dicitur composuit Magister Gratianus, Ordinis S. Benedicti professus, non quidem inueniendo, sed dicta sanctorum Patrum in diuersis dispersa voluminibus in vnū volumen debitè & ordinatè colligendo: & hoc circa annum Dñi, M.C LX XXXIII.

Diuiditur autem hic liber primus Decretū in tres partes principales: quarum *prima vocatur* DISTINCTIONES, quia subdiuiditur in partes centum & vnā, quarum quælibet distinctio dicitur. Ille autem distinctiones vltius subdiuiduntur in canones vel capitula: qui canones interdum propter ipsorum prolixitatem subdiuidi possunt in paragraphos, & paragraphi ipsi si longi fuerint in versiculos. *Secunda pars Decreti nominatur* CAUSÆ, & continet in se xxxvi. causas, in quas diuiditur, à quibus & nomen accepit; quæ causæ subdiuiduntur vltius in quæstiones, & hæ in canones vel capitula, quæ vltra in paragraphos & versiculos subdiuidi possunt, vt de distinctione canonum præmissum est.

Est tamen animaduertendum, quod causa

trigesimatertia habet quæstiones sex: quarum quæstionum tertia non diuiditur immediate in canones vel capitula, sed ibi interponitur tractatus de pœnitentia, qui continet in se distinctiones septem, in quas diuiditur: & hæc subdividuntur in capitula vel canones, & paragraphos vt supra dicebatur. *Tertia & ultima pars Decreti nuncupatur DE CONSECRATIONE*, & habet in se quinque distinctiones in quas diuiditur, quarum quælibet in plures subdividitur canones vel capitula, & quandoque in paragraphos, vt supra dictum est.

**NOTA** de prima parte Decreti, quod in allegando illa syllaba di. vel dist. etiam sola litera d. significat distinctionem, & numerus immediate sequens denotat quotam distinctionis: ultimo ponitur principium canonis vel capituli, in quo autoritas vel allegatio continetur. Exemplum, 8. dist. quo iure, id est, in prima parte Decreti, in distinctione octava illius partis, in canone, qui incipit, quo iure.

In secunda parte Decreti **NOTA**, quod per numerum positum ante literam q. datur intelligi quota causæ. Et sic omnia talia adiectiva numeralia, prima, secunda, tertia, quarta &c. usque ad tricesimam septimam ante literam q. posita, semper includunt hoc substantivum causa. Nec debet ille numerus

exce-

excedere 36. quia non sunt plures causæ in secunda parte Decreti: & per litteram q. intelligitur quæstio in nominatiuo, vel alijs casibus, secundum exigentiam congruitatis. Communiter autem in ablatiuo allegatur, quæstione. Ultimo subiungitur canon, vel capitulum illius quæstionis, in quo auctoritas allegata quæri debet. Exemplum, r. q. i. principatus, & capitulo cum Paulus; id est, in secunda parte Decreti, in prima causa illius partis, & in prima quæstione illius primæ causæ, in canonibus incipientibus, principatus. & cum Paulus: isto obseruato, quòd in toto iure non breuiatur principium canonis, capituli, vel legis: sed semper integrè ponitur, prout in libro continetur.

Quia tamen tractatus de poenitentia inseritur in quæstione tertia, ipsius causæ tricesimæ tertiæ, vt supra dictum est; ideo addendum, est semper verbum hoc, de poenitentia, in allegando sic, de poe. dif. 1. homicidiorum & c. homicidium, id est, in secunda parte Decreti, in causâ xxxiij. in quæstione 3. istius tricesimæ tertiæ causæ, in distinctione prima illius quæstionis, in tractatu de poenitentia, in canonibus qui incipiunt, Homicidiorum, &c.

In tertia deniq; parte Decreti, hoc modo allegatur, de con. di. 1. Nocte sancta. cap. missas,

missas, & cap. omnis Christianus. Hoc est, in vltima parte Decreti, quæ intitulatur De consecratione, in prima distinctione illius partis, in canonibus qui incipiunt Nocte sancta, &c. Non debet autem in tertia parte Decreti vltra quintam distinctionem allegari, sicut nec in secunda parte vltra septimam, & in prima parte non vltra centesimam primam; quia nulla partium plures habet distinctiones. Ideo vltra allegans notaretur tanquam imperitus errare.

Et quia in qualibet parte Decreti sunt distinctiones, **N O T A** differentiam in allegando. Nam quando allegatur distinctio absolute cum numero, sine addito alterius determinationis; vt dicendo, dist. 3. 4. vel 5. &c. tunc quærendum est in prima parte Decreti, vbi sunt centum & vna distinctiones. Quando autem allegatur distinctio cum addito de penitentia, vt sic: de poenit: dist. 5. 4. &c. tunc quæri debet in secunda parte Decreti, in causa 33. & quæstione tertia illius causæ, vbi ponitur *Tractatus de penitentia*, qui habet distinctiones septem. Sed si allegatur distinctio cum addito tali, de Consecratione, vt sic, de consec dist. 2. vel 3. tunc quæritur in tertia parte Decreti, vbi sunt tantum quinque distinctiones nec etiam plures allegabis, alias te ostendes Iurisignarum.

## CAPVT III.

*De Decretalibus.*

**S**ecundus liber Iuris Canonici, qui Decretales nominatur, à Gregorio Papa IX. cōpositus est: qui in vnā compilationem redigi procurauit, per magistrum Raymundū suū Capellanū, diuersas decretales epistolas prædecessorū suorū corrigens & concordans: & hoc circa annum Domini, MCCXXXI. Et sic penē annis triginta octo, post compilationem Decreti, Decretales in hanc formā redactæ fuēre. Nam post hoc sub anno Dñi, MCCXLVI. Conciliū Lugdunense fuit celebratum, ab Innocentio Papa IV. anno sui Pontificatus 2. in quo multas edidit constitutiones, quas etiam suo tempore super Decretales conscripsit.

Iste igitur liber Decretales vocatus, diuiditur in quinq; libros partiales: quorū quilibet vltērius subdiuiditur in multos titulos vel rubricas: & tituli in capitula, capitula in paragraphos, & hi interdum in versiculos, *Primus autem liber Decretalium*, tractat de personis Ecclesiasticis, & Ecclesiæ ministris, deque eorū officijs, & quomodo tales creandi, aut ordinandi sunt. Et continet titulos 43. *Secundus liber decretalium est*, de iudicijs, & de requi-



requiritis in iudicio : habetque titulos 30. *Tertius est*, de vita & honestate Clericorum, & rebus eorum, & rebus Ecclesiarum. Et habet titulos 51. *Quartus* desponsalibus & matrimonijs, deq; cæteris his annexis. Et continet titulos 21. *Quintus & ultimus* de accusationibus, & criminibus, deq; diuersis pœnis pro ipsis infligendis. Et continet titulos 4. Quibus omnibus computatis, totalis liber Decretalium habet titulos, vel rubricas 185.

Allegatur autem ex decretalibus sic: de sum. Tri. & fi. Cat. damnamus. id est; de summa Trinitate & fide Catholica, capitulo Damnamus. Aliud exemplum. de elec. cum in cunctis. id est, in libro Decretalium, sub titulo de electione, in capitulo quod incipit, Cum in cunctis. & ita de alijs.

## C A P V T I V.

### *De Sexto.*

**T**ertium librum Iuris Canonici, qui Sextus appellatur, composuit Bonifacius Papa VIII. in quo Decretales epistolas suorum Prædecessorum, videlicet Gregorij X. Innocentij IV. Clementis I V. & aliorum cum suis proprijs epistolis recollegit in vnum librum, quem Sextum appellauit : non sic quod

quòd ille cum alijs quinq; partialibus libris Decretalium in vnum volumen Sextus connumeretur, ſed quia liber eſt ſpecialis, poſt dictos quinq; editus, ſupplens defectum diuerſorum caſuum emergentium, in alijs non comprehenſorum. Et ſunt promulgate conſtitutiones libri Sexti, anno à natiuitate Dñi, M. CC. LXXXVIII. Nonis Martij, Pontificatus Bonifacij Papæ VIII. anno 4.

Diuiditur autem Sextus eodem modo, in quinq; libros partiales, ſicut & Decretales; & quilibet horum librorum in titulos, & hi per capitula & paragraphos, vt ſupra. Quamuis in Sexto non ſint tot tituli ſicut in Decretalibus, nec tot capitula in titulis: ſed vbi deficit aliquid non plenè deciſum in Decretalibus, id ponitur in Sexto. Et ſciendum quod in Sexto allegatur eodem modo, vt in Decretalibus, hoc ſolum mutato, quod in Sexto allegando ſemper in fine additur lib. vi. propter differentiam librorum, quia omnes rubricæ Sexti ſunt etiam in Decretalibus. Debet ergo ad rubricā poſt capitulum addi libro ſexto, vt ſciatur eſſe in Sexto, alias ex omiſſione huius additionis contingeret errare. Exemplum, de Conſtit. vt animarum, libro ſexto. & de reſcrip. ſtatutum, §. cum verò. ver. nullus, lib. eo. Hoc eſt, in libro

libro Sexto, sub titulo de consuetudinibus, in capitulo quod incipit, Vt animarum. Et sub titulo de rescriptis, in capitulo quod incipit, Statutum, in paragrapho illius capituli, qui incipit, Cum vero, in versiculo, Nullus, libro eodem,

## C A P V T V.

## De Clementinis.

**Q**uartum librum Iuris Canonici, qui *Clementina* dicitur, sub audiendo *Constitutiones*, incipit & edidit Clemens Papa V. sub anno Dñi, M. CCC. X. in Concilio Viennensi, quod sex mensibus durauit, sed ipse Clemens morte præuentus, ad publicum non perduxit. Cæterum Ioan. Papa XXII. post eum compleuit, correxit, in quibusdam mutauit, & executioni demandauit. Quæ constitutiones ita collectæ dicuntur *Clementinæ*, à Clemente V. & fuerunt promulgatæ anno Domini M. CCC. VI. 4. Kalen. Nouembris.

Et diuiduntur *Clementinæ*, eodem modo in quinque libros, iuxta materiam istius versus. *Iudex, iudicium, clerus, sponsalia, crimen.* de quibus tractant, sicut *Decretales*, & *Sextus*; licet pauciores contineant titulos, & tituli pauciora capitula, in quos, & quæ, rursus diuiduntur.

duntur. Vbi ſic allegatur. de hæret. Ad noſtrū. in Clemen. id eſt, in conſtitutionibus Clementinis, ſub titulo de hæreticis & Manichæis, in capitulo quod incipit. Ad noſtrum. Aliud exemplum. de reliq. & vene. ſanct. Si dominum, in Clemen. id eſt, de reliquijs & veneratione Sanctorum, in capitulo, Si dominum. in Clementinis. & ſic de alijs. Nam hic allegatur per omnia ſicut in Decretalibus, ſolū eo dempto, quòd additur hic in Clemen. ſicut in Sexto, additur libro Sexto, propter rationem ibi dictam. Ex his autem ſupradictis Iuris Canonici libris, ad imitationem Inſtitut: Iuſtiniani, fecit mandato Pij V. Pont: Max. *Inſtitutiones Iuris Canonici*, Ioannes Paulus Lancelottus Peruſinus, quæ paſſim doctiſſimorum virorum manibus teruntur, & in Academia Cracouienſi, quolibet ſemestri ſtudioſæ iuuentuti, publicè præleguntur.

Et hæc de quatuor libris principalibus Iuris Canonici, & allegationibus eorum, ad Omnipotentis Dei laudem, & Iuris vtriuſque alumnorum inſtructionem, dixiſſe ſufficiant.

*Finis Acceſſus ad Iuris cognitionem.*

SIMONIS STAROVOLSCI  
**COMMENTARIUS**  
IN IV. LIBROS  
INSTITUTIONVM  
IVRIS CIVILIS  
D. JUSTINIANI.



## APPROBATIONES.

In Libro intitulado *Simonis Starouolscij*  
*Commentarius in quatuor libros Institi-*  
*tutionum Iuris*, nihil reperitur contra-  
rium Sanctæ Fidei Catholicæ. Sicut  
& in priori libello intitulado *Accessus*  
*ad Iuris utriusque cognitionem*; proin-  
de potest imprimi.

*Commissarius SS. Inquisitionis Venet.*

Ego IACOBVS VSTIENSIS  
S. Th. & I. V. Doctor, Ecclesiæ Colle-  
giatæ S. Floriani Canonicus, per Dicc-  
cesim Cracouien. Ordinarius Libro-  
rum Censor, *Commentaria in libros*  
*quatuor Institutionum Iuris Civilis Si-*  
*monis Starouolscij in lucem edi concedo.*

LIBER PRIMVS  
 INSTITVTIONVM  
 IVRIS CIVILIS  
 DIVI IVSTINIANI

Commentario & Paraphrasi SIMONIS  
 STAROVOLSKI explicatarum.

P R O O E M I V M.

**I**eges sola humana ordinatione statutæ, Ius positivum appellantur, & aliæ vernaculæ, aliæ verò adventitiæ à Iurisconsultis dicuntur: Illæ, quòd in eodem loco, ubi servantur, pro illius loci & incolarum opportunitate fuerint determinatæ. Istæ, quòd alibi conditæ, ad proprium usum Reipub. fuerint importatæ. Ius igitur Romanum quod commentariis nostris illustrandum assumpsimus, quia pro temporum varietate, variè prodiit, & partim à Græcis assumptum est, partim in Vrbe ipsa natum; inq; Vrbe etiam ipsa pene diuersos eius sancienti potestas fuit.

E 3 .

Pro-

*Propterea, ut singula illius genera clarius percipiantur, opera precium me facturum putavi, si paucis explicarem de origine illius, priusquam ad enodationem Institutionum ipsarum peruenirem.*

## DE ORIGINE ROMANI IURIS.

**V**Rbem Romam, testante Tacito, à principio Reges habuêre, à quibus sine certa lege, sine certo iure omnia

### MANV REGIA,

id est, Principis authoritate, & voluntate gubernabantur. Aucta postmodum, atq; in triginta Curias, ( à cura, quam pars quaelibet sui habebat, sic dictas ) per Romulum primum Regem diuisa ciuitate, ipse primò ijs leges qualdā tulit; rulerunt & sequentes Reges, quæ

### LEGES CVRIATÆ

appellatæ sunt, quia singulis Curijs separatim constitutis, earum auditis sententijs terebantur. Hæ autem Curiarum congregationes à coeundo, quasi simul irent,

### COMITIA CVRIATA

dictæ sunt. Eadem leges, quia à Sexto Papirio fuerunt in vnum collectæ, atque in ordinem

nem compolitæ, ideo appellabantur

IVS PAPIRIANVM.

Cùm verò idem Romulus iam nouam ciuitatem legibus, & iuuenum viribus, ac robore munitam cerneret, haud minoris momenti fore ratus, si eandem consilij ope fulisset, ex primoribus, qui tunc aderant, ciuibus, centum numero elegit, quos ob honorem Patres, ob ætatem

SENATORES,

quasi seniores appellauit, vt eorum consilio Rempub. administraret, ijsq; liceret in Senatu sententiam dicere. His totius Reipublicæ summa innixa erat, vt ne Reges quidem inconsulto Senatu quippiam molirentur; quocirca maxima erat eorum Romæ autoritas & existimatio, etiam illis nascentis vrbis incunabulis. Et qui horum primorum centum Patrum legitimi essent filij

PATRICII

nuncupabantur, siue tales natura essent, siue Adoptione; etiam si in illis emancipatio interuenisset.

Exactis deinde Regibus ob Tarquinij superbi Tyrannidem, qui pleraque præter Senatus auctoritatem decernens cunctos in sui odium induxerat, & potissimum ob stupratam noctu, & violenter attrectatam à Sexto

Tarquinio eius filio Lucretiam ornatissimā matronam, omnes eorum leges exoleuerūt, ac denuo cæpit populus Romanus incerto magis iure, & consuetudine vti. Sed vt aliqui essent, qui populum & Senatum consulerent, & quibus opus esset, ius dicerent, statim electi sunt anno ab Vrbe condita CC. XLIV. L. Brutus Regis eijciendi auctor, & L. Tarquinius Collatinus, qui

### CONSULES,

à consulendo dicti sunt, eo quod plurimum Reipublicæ consulerent. Penes eos, vt summum ius resideret, populi lege constitutum fuit. Ne tamen per omnia Regiam potestatem sibi vendicarent, eadem lege factum est, vt

### EORVM OFFICIVM ANNALE

esset, & vt ab eis prouocaretur ad populum: & ne possent in caput ciuis Romani animaduertere, nisi iussu populi, sed illum duntaxat coercere, & in publicis habere vinculis. Hac ergo tempestate penes solum populum, eodem Consule interrogante, residebat legis sancientiæ potestas.

Cum verò ita excreuisset nobilium crudelitas, vt libera corpora debitorum plebei generis ob æs alienum pro seruis necerent: plebs nobilium promissis sæpè delusa, in sacrum montem trans Anienem (Sicinio au-

thore)



thore ) primò secessit, nec inde prius renou-  
cari potuit, quàm Menenius Agrippa, vir ea  
tempestate summæ authoritatis, Apologo  
de conspiratione membrorum contra ven-  
trem, plebe delinita Patres induxisset, vt ex  
plebis quoque corpore magistratus in vrbe  
Bini Viri quotannis crearentur, ab vrbe con-  
dita, Anno 260. qui

### TRIBUNI PLEBIS

fuerunt appellati: vel à tribus partibus, in  
quas Romanus populus diuisus erat, & ex  
quibus singuli creabantur; vel quia tribuum  
suffragio eligebantur; vel, vt Vegetius ait,  
quia tribuebant Iura militibus.

### EORVM MVNVS

erat, plebem à nobilium potentia tueri, vt  
plebs quæ sibi seruanda viderentur, iisdem  
interrogantibus sanciret, quæ

### PLEBISCITA,

quasi à plebe sancita dicebantur. Initio ita-  
que duo solum modò Tribuni creati fue-  
runt. A. Virginio, & T. Vetustio, Consuli-  
bus. Sed mox alij tres additi, Appio Claudio,  
& C. Quinitio Cons. Demum alij quinque  
Cons. M. Oratio Puluillio, & Q. Minutio.

### TRIBVNORVM POTESTAS

licet annua, tanta esse capit, vt quicquid  
Senatus decreuisset, ita demum ratum.

E s.

habe-

74 *Institutionum D. Iustiniani*  
haberetur, si Tribuni approbassent.

Eo tamen tempore Romana Respub. præscriptas in ijs, quæ occurrere poterant, abundè ac distinctè leges non habebat: ideoque ne incerto iure diutius vagaretur, sed certis & probatis legibus fundaretur, tres legatos, exstructis ex publico ære triremibus, Athenas miserat, ut inclytas Solonis leges scriptas, asserrent; iuraque & mores aliarum ciuitatū noscerent. Fuerunt hi, Spurius Posthumius, Seruius Sulpitius, & Aulus Manlius. Romam verò allatis legibus, anno ab V. C. 303. constituti sunt

#### DECEM VIRI,

qui ex iisdem Græcis legibus, patrijsque consuetudinibus Romanas leges conderent, scriberent, & quod studiosè fecerunt, in decem tabulis pro rostris ponerent, ut commodius, & conspici, & percipi possent.

#### P O T E S T A S

data est eis eo anno in ciuitate summa, ut leges corrigerent, si opus esset, & interpretarentur: neque prouocatio ab eis, sicut à reliquis Magistratibus, fieret.

Hi animaduertentes aliquid illis primis legibus deesse, in alium annum prorogato eorum magistratu, alias duas eisdem tabulis adiecerunt; & ita ex earum numero appellatæ fuerunt

LEGES

LEGES XII. TABULARVM.

Quia tamen illis, non erat rebus omnibus prouisum, iidem propterea cauebatur, *Quodcunque postremum populus iusserit, id ius, ratumque esto.* Per quæ verba Romano populo facultas reseruabatur, occurrentibus casibus, à Senatorio Magistratu, veluti Consule, propositis, iura constituendi, finito tamen Decem Virorum Magistratu. Hic, licet Appij Claudij Decem Virorum Principis astu, ob dominandi libidinem, insequentem quoque annum prorogatus fuisset, eorumque potestas in tyrannidem conuersa esset, cum & populum iniuriose tractarent, nec vellent deinceps Magistratus sufficere, ut ipsi cum sua factione perpetuò Rempub. occupatam retinerent. Tamen ob eiusdem Appij stuprum, cum Virginij militis formosissima filia, nefandis artibus tentatum eodem Virginio auctore, filiam lanionis cultro necante, eiusque morte stupri contumeliam arcente, citò est

DECem VIRALIS AVTHORITAS

ABDICATA.

Cum enim idem Virginius protinus recedens à cæde, ad commilitones confugerit, illi omnes Appij odio concitati, de Algido monte, ubi belligerandi causa legiones erant, relictis Ducibus Decemviralibus, signa in Auen-

tinum montem transtulerunt; omnisq; plebs urbana mox eodem se contulit, & Decem Viri, populi consensu, partim in carcere propria manu necati sunt, ut Appius, & Oppius, partim in exilium missi, cum omnes in foro insignia deposuissent. Et ita rursus Respub. ad pristinum suum statum, & ad Consules redijt, anno ab V. C. 304. Creatiq; fuerunt Consules. M. Horatius Barbatus, & L. Valerius Potitus, & isti ante dictam plebis seditionem.

LEGE HORATIA & VALERIA,  
cui nomen illi dedere, sedauerunt. Cum enim veluti in controuerso iure esset, *tenerentur ne Patres Plebiscitis?* legem centuriatis comitijs tulere, ut *quod tributim plebs iussisset, populum teneret.* Qua lege, teste Liuius, Tribunitijs rogationibus telum acerrimum datum est: per eam enim confirmatae fuerunt leges, quas plebs curiatis comitijs tulisset: eademq; potestate esse voluerunt cum his, quas populus Romanus centuriatis comitijs ferret, capiteque sanxerunt, si quis aduersus eas fecisse deprehensus esset, eiusque bona publicari iusserunt.

Hoc idem fuit postea renouatum, anno ab V. C. 414. a Q. Publilio Philone Dictatore, qui

LEGE

LEGE PVBLILIA,

sic ab eius nomine dicta, constituit, ut Plebiscita omnes Quirites ligarent.

Cum verò harum legum obseruantia, in desuetudinem forte abiisset, & plebs iterum in discordiam cum Patribus venisset, atque in Ianiculum secessisset. Q. Hortensius Dictator, anno ab V. C. 461.

LEGE HORTENSIA,

quæ ab eo nomen accepit, ut plebem cum Patribus reconciliaret, iterum cauit, *ut eo iure, quod plebs statuisset, omnes Quirites tenerentur.* Quare post hanc legem, quicquid Tribunus plebem rogaret, & si verè Plebiscitum esset, tamen Lex dicebatur. Et de hac, uti nouissima, meminit Iustinianus Imperator, dum ait: *sed & Plebiscita lege Hortensia lata non minus valere, quam leges cæperunt.* Inter legem enim & Plebiscita, species tantum constituendi intererat, cum tamen potestas omnino eadem esset. Differabant enim *Primo* quia lex à maioribus, Plebiscitum à minoribus Magistratibus, nempe à Tribunis ferebatur. *Secundo*, quod Lex ab vniuerso populo, Plebiscitum à plebe tantum iuebatur. *Tertio*, quia leges comitijs omnibus, siue Centuriatis, siue Curiatis, siue Tributis, Plebiscitum verò tributis tantum rogabatur. Illæ propterea teste Cicerone,

LEGES



## LEGES CONSVLARES

dicebantur, quia à Consulibus rogabantur.  
Plebiscita verò

## LEGES TRIBVNITIÆ

vti à Tribunis rogatæ. Istarumque Tribuni-  
tiarum nonnullæ sunt in Pandectis, & inter  
alias Lex Aquilia, ab Aquilio Tribuno ple-  
bis sancita.

Cùm autem populus Romanus in eum-  
modum auctus esset, vt difficile plebs con-  
uenire posset; Populus verò multò diffici-  
lius, legis sancientiæ causa, in tanta hominũ  
turba, necessitas ipsa curam Reipub. ad Sen-  
natum deduxit, æquumque visum est, Sena-  
tum vice populi consuli. Et ita cœpit Sena-  
tus authoritatem suam in legibus ferendis in-  
terponere, & quicquid constituisset, pro iu-  
re obseruare. Id autem Ius appellabatur

## SENATVS CONSVLTVM,

quia de eo Senatus consultus esset: cum an-  
tea etiam ab Vrbe condita Respub. omnis in  
potestate Senatus esset, præter Magistratum  
creationem, Legumlationem, & belli, pacis-  
que arbitrium, teste Halicarnasseo, lib. 6.

Cum verò Consules è Senatu creati, bellis  
finitimis auocarentur, & in re militari vt plu-  
rimum essent occupati, neque esset, qui in  
ciuitate ius reddere posset, post primum bel-  
lum

lum Punicum, anno ab V. C. 511. factum est, ut Magistratus vnicus ex Patribus crearetur, ut gratia Senatui reponeretur, quod plebi ad Consulatum esset apertus aditus; ijsque à præeundo, vel quod cæteris præesset,

P R Æ T O R

appellatus est: quod nomen licet Magistratibus omnibus conueniret, huic tamen magistratui peculiare fuit: Et quia in vrbe ius reddebat,

P R A E T O R V R B A N V S ,

propterea appellatus est. Eo autem non sufficiente, quod multa turba etiam peregrinorum in ciuitatem veniret, ideo alius etiam Prætor creatus est: qui

P R A E T O R P E R E G R I N V S

appellatus fuit, eo quod plerumque inter peregrinos ius redderet.

E O R V M M V N V S

ut secundum iura, à populo, plebe, & Senatu præscripta, quorum in principio sui Magistratus iurabant obleruantiam, omnibus iustitiam facerent, ut cæteri magistratus, qui propterea *Iuris Civilis disceptatores & custodes*, lege etiam XII. tabularum appellabantur.

Verum, quia ius civile, non omnibus notum erat, nec rebus omnibus providebat, & in multis, mutata forsitan temporum & personarum

narum conditione, nimis durum & asperum videbatur, & sæpè contra publicam utilitatem, quæ mater est Iuris Ciuilis; ideo Prætores in principio sui officij, vt scirent ciues, quod ius de quaque re quisque dicturus esset, seque præmuniret

### E D I C T A

proponerant; adiuuandi, vel supplendi, vel corrigendi iuris ciuilis gratia, propter publicam utilitatem. Hæc prætorum Edicta, inspecta eorum origine, nec legis, nec iuris vim habebant, sed eorum tantum auctoritate nitebantur, quia secundum ea ius dicerent; & nulla interposita, vel admissa appellatione eorum sententiæ in rem iudicatam transirent.

Sed quia Prætores iuris ciuilis rigorem & asperitatem reiicientes, semper præ oculis æquitatem habebant, & quod magis populo gratum, & iuxta omnium votum existimabant, in suis edictis proponebant, ideo eam paulatim apud populum usurparunt auctoritatem, vt eorum Edicta non modicam vim iuris obtinerent. Et hæc ab ipsis Prætoribus, vti prædictorum authoribus

### IVSPRAE TORIVM

appellabatur. Quod, si ad ius ciuile in specie sumptum referatur, ab eo specie differt, sed  
sub

sub eodem genericè accepto, ut propria eius species continetur, ut explicat Cuiacius: *in d. l. 7. de Inst. & Iure.*

Et quia hæc Edicta ab vno Prætoris in album proposita, uti Reipub. maximè expedientia, & utilia, à successoribus pluries repetebantur, & iterato in album transferebantur, in rem vtitata satis esse ducentes Magistratus prædicti, si ostenderent omnes antecessores ita ius dixisse, *vetusq; Edictum & Translatitium esse*, teste Cicerone, *lib. 3. in Verrem.* Propterea hæc eadem Edicta

#### IVS HONORARIUM

appellare solebant, quia qui honores gerunt, id est Magistratus, auctoritatem huic iuri dederunt, & toties transferendo atque approbando maximum ei honorem & auctoritatem attribuerunt; tantumque postmodum aucta fuit Prætorum auctoritas, ut penes eos adeo omnis publici privatiq; iuris potestas esset, ut novum ius condere, & vetera abrogare facultatem vti obtinerent. Quia tamen eorum erat

#### ANNALE IMPERIVM,

etiam Edicta, quæ ab ipsis emanabant, annalia erant.

Verum, quia æmulationis studio plerumque eveniebat, ut Edicta contraria proponerentur,

rentur, & hæc Edictorum inconstantia & mutabilitas, magnam daret licentiam Prætoribus, arbitrato suo quidvis decernendi, & statuendi: propterea Cornelius Balbus Tribunus Plebis, anno ab V. C. 686. legem tulit, ut nemine palam repugnante, sic multis inuitis, *ut Ius ex Edictis suis perpetuis dicerent Prætores*, atque ita multum authoritatis & gratiæ sustulit ambiciosiis Prætoribus, qui ius variè & sæpè in aliquorum gratiam dicere solebāt. Ab eaque fortasse lege ansam arripuit *Salvius Iulianus Mediolanensis*, qui hæc omnia, quæ vnquam fuerunt Prætorum Edicta, cum vagè dispersa essent, in vnum collegit, & in ordinem digessit, ex quibus

#### EDICTVM PERPETVVM

composuit, & centum nonaginta libris est interpretatus, quibus, ut Edictis ipsis, authoritas legis data est, Senatusconsulto primùm, dum deinde etiam Adriani Imperatoris constitutione, ut Iustinianus ipse testatur. In l. 2. §. sed quia, c. de Vet. Iure enu. Cōnan. d. c. 15. num: 2.

Et quia ultra Prætores erat Romæ alius Magistratus, qui

#### AEDILES CVRVLES

appellabantur, ab ædibus quibus præerant, & sella Curuli, qua utebantur, dum in Senatum ibant: &



EORVM MVNVS

erat, ut ædes sacras, publicasque, & vias, & cloacas tuerentur, ut publicis ludis atque spectaculis præessent, Annonam curarent, viderentque ne in venditione mancipiorum, in mensuris, & ponderibus fraus admitteretur. Ideo, ut omnibus innotesceret, quemadmodum anno suo ius dicturi essent, de rebus ad eos pertinentibus, Prætorum exemplo, *Edicta proponebant, quæ Iuris Honorarij portio erat*, & eodem modo, quo illa Prætorum, vim Iuris obtinere cœperunt, cum ab eodem *Salvio Iuliano in Edictum perpetuum collata*, ab Adriano Imperatore confirmata fuerunt. Quorum aliqua à Collectarijs Digestorum in Pandectas relata sunt, ut patet ex tit. De ædilitio edicto.

Occupante demum Cæsare Patriæ libertatem,

LEX REGIA

de illius imperio lata est; qua Senatus & Populus ei, & in eum omne imperium suum, & potestatem contulit; licet per vim & metum Dionysius id contigisse testetur. Constitutoque Principe *datum est ei ius, ut quod constituerat ratum esset, & quod ei placeret, legis haberet vigorem*. Quodcumque ergo Imperator per epistolam constituit, vel cognoscens decre-

uit, vel edicto præcepit legem esse constat: & hinc emanarunt

## PRINCIPVM CONSTITVTIONES

Quæ, primo à Theodosio, deinde à Iustiniano, in Theodosianum & Iustinianum Codicem, quo ad præsens vtimur, congestæ fuerunt.

His itaque legibus latis, super earum singulis, vt naturaliter euenire solet, interpretatio desiderabatur. Et à principio quidem post leges XII. tabularum

## LEGVM INTERPRAETANDARVM

### POTESTAS

Apud Collegium Pontificum residebat: vt qui diuinitus instituti, & religionibus Deorum immortalium, & summæ Reipublicæ præessent, & in re dubia, tanquam diuinum oraculum congrua responsa darent. Qui augendæ potentiæ suæ causa, artem suam promulgare nolebant, sed apud se ius ciuile occultum retinebant, vt refert Pomponius, & mordaciter redarguit Cicero. Igitur populo tacitè assentiente,

## PUBLICI IVRIS CIVILIS

### PROFESSORES,

Viri grauissimi esse cœperunt, & primus Titus Coruncanus fuit. Postea Sextus Papirius, qui leges Regias in vnum contulit, easdemque

que in publicum exhibuit. Tum Appius, de-  
inde Claudius, qui leges XII. tabularum cō-  
ponit. Symphorinus item, quem populus  
Romanus, Sophoni, id est, sapientem appel-  
lauit. Scipio etiam Nafica, qui Optimus à  
Senatu appellatus fuit, & cui publicè domus  
in sacra via data fuit, quò facilius consuli pos-  
set. His successerunt alij, omni ætate viri cla-  
rissimi, & apud Populum Romanum maxi-  
mæ authoritatis, qui iuris scientiam publicè  
profitebantur, & consulentibus responde-  
bant; ipsique Imperatores sua propria re-  
sponsa postea, in eorum authoritate aliquan-  
do fundare non sunt dedignati, *Diuusq; Augu-  
stus primus constituit, ut Iurisperiti ex illius au-  
thoritate de iure responderent.* Et tum demum  
sententiæ atque opiniones eorum

RESPONSA PRVDENTVM

nuncupari cœperunt; quæ eam authorita-  
tem tenebant, vt iudici ab eis recedere non  
liceret, cum ita ab Augusto fuerit constitu-  
tum. Et primus fuit Mafurius Sabinus, qui à  
Cæsare hoc de iure respondendi obrento be-  
neficio, ex authoritate publica Principis, scri-  
pta responsa daret. Huic successit Caius Cas-  
sius Longinus: à quibus, eorum sectatores,  
Sabiniani, & Cassiani, appellati fuerunt, qui  
in ijs, quæ sibi ab illis tradita fuerant, satis

perseuerabant. Cùm ex altera parte Labeoni, qui ingenij acumine, & doctrinæ fiducia plurima innouare instituit, successerit Nerua, & huic deinde Proculus, à quo Proculeani, eorum sectatores appellati fuerint, qui circa novas opiniones inuestigandas maximè versabantur, & Cassianis seu Sabinianis vt plurimum aduersabantur.

Itaque in ciuitate Romana, Imperatorum tempore, vltra communes ritus, qui diuturnis moribus præscripti, sine alia scriptura seruabantur, erant

#### SEX IURIS SCRIPTI PARTES.

Lex scilicet, Plebiscitum, Senatusconsultum, Magistratum Edicta, Principum placita, Responsa Prudentum: de quibus suo loco dicemus.

Ex istis igitur sex iuris partibus vniuersum constat Romanum ius, quod nos *Corpus Civile* appellamus, ex quinque enim, constitutionibus Principum exceptis, conflata sunt, quinquaginta *Pandectarum Volumina*, quæ *Digesta* appellantur. Ex antiquorum verò Imperatorum constitutionibus, quinquaginta tantum à Iustiniano denuo additis, compositus est *Iustinianæ Codex*. Et ex nouissimis eiusdem Iustiniani conflatum est *Nouellarum*, seu vt vulgo dicitur, *Authenticorum* volumen.

Et

Et in Tyronum gratiam, pro clariori & faciliiori Romani Iuris doctrina, sic Iustiniano præcipiente, à Treboniano, Theophilo, & Dorotheo, compositus est *Institutionum Liber* in quatuor deinceps partiales libros diuisus. Quorum primi:

TITVLVS PRIMVS,

*De Iustitia & Iure.*

**Q**Uoniam superius in Accessu ad Iuris vtriusque cognitionem, Iuris & Iustitiæ naturam sufficienter exposuimus, ideo in explicatione huius, atque sequentis tituli, quibus notitia æqui bonique simpliciter & per se consideratur, breuiiores erimus, ne cram-  
bem eandem repetere videamur. Quæ igitur bruta animalia faciunt incitatione naturali, ea si homines ratione faciant, iure naturali faciunt, hocque ipsum *Ius naturale* dicitur, vt liberorum procreatio atque educatio; sui defensio & iniuriarum repulsio; rerum ad conseruationem vitæ aut valetudinis necessariarum appetitio. Quæ verò bruta non faciunt, ea si omnes homines ratione faciant, iure gentium faciunt, illudque ipsum naturalis æquitas, & naturalis ratio, seu *Ius Gentium* nuncupatur, quia omnibus hominibus ex æquo inter ipsos competit, &  
F 1                      sponte



sponte naturæ, sine vlla institutione exoritur, vt honesta & laudabilia appetere, turpia & probrosa vitare; iusta & bona facere, iniusta & iniqua fugere; non admittere in alium, quod in te admitti nolis, & similia. Quæ denique non omnes homines faciunt, sed quædam hominum congregata in vnum locum multitudo, vtilitatis publicæ causâ facit, ea demum iure ciuili faciunt, illudque ipsum *Ius Ciuile* vocatur, quod nimirum quisque populus ipse sibi constituit, & est quasi ius proprium ipsius ciuitatis, vt ius Atheniense, ius Romanorum, ius Corinthiorum.

*Iustitia igitur est, immutabilis, & ratione naturali gubernata voluntas, obtemperandi iuri, tam naturali, quam communi omnibus gentibus, quàm etiam proprio suæ ciuitatis. Et Iurisprudentia est ars distinguendi iustum ab iniusto, per singulos rerum, factorum, & euentuum articulos, in perplexis legum & rationum momentis.*

Summa autem æqui bonique capita, quo omnium officia virtutum referuntur, sunt numero tria: *Honeste viuere*, seipsum ad rationis normam componendo. *Alterum non ledere*, iniurijs & maleficijs abstinendo. *Summum cuiq; tribuere*, æquitatem in contractibus colendo, fidem & industriam in commisso munere exhibendo, conferendoque demum o-

peram

peram ac facultates ad tutelam societatis ciuilis. Primum hominem priuatim format. Secundum delicta vetat. Tertium rectè facta exigit, pro religione officij quod quisque sustinet.

Ex his itaque Iuris positionibus, quia vnūquemque & priuatim bonum, & publicè vtilem esse oportet, ideo ius quoque ipsum, quo actiones nostræ regulari debent, duplex erit: *Publicum aliud*, quod ad salutem regimenque totius Reipub. spectat. Et *aliud priuatum*, quod ad singularem vtilitatem pertinet.

T I T V L V S II.

*De Iure Naturali, Gentium, & Ciuili.*

**I***us naturale est*, communis naturæ instinctus, quo bruta etiam animalia moderantur, ut cibum appetere, prolem procreare, vim vi repellere.

*Ius gentium est*, insita animis hominum notitia de honesto & turpi, bono & malo, iusto & iniquo.

*Ius verò ciuile est*, quod ad vsum suæ ciuitatis populus aliquis constituit. Quemadmodum itaque ius naturale ad omnes animantes pertinet: ita ius gentium, ad omnes homines; & ius ciuile ad omnes incolas vnus Reipublicæ.

Et quia quælibet Respub. partim suo proprio, partim communi omnium hominum iure utitur, propterea ius gentium, seu commune, tacito quodam foedere Respub. & gentes inter se coniungere censentur: ex eo enim necessitatibus exigentibus, per quandam ratiocinationem processerunt, dominiorum distinctio, commerciorum institutio, regnorum maiestas, iurisdictionis auctoritas, bellorum licentia, & consequentia servitutum.

Naturalia itaque Iura, quæ apud omnes gentes peræquè observantur, vocantur *Primum ius gentium*, & sunt semper firma atq; immutabilia. At *posterius illud siue Secundarium*, quod ipsum sibi quæq; ciuitas constituit, sæpè mutari solet, vel tacito consensu populi, vel alia postea lege lata.

Suntq; Iuris ciuilis (Romani præsertim) scripti, sex species. Nam non scriptum alias *Consuetudo* vocatur: Illud expresso Legislatoris iussu semel constituitur: Istud tacito populi consensu, per antiquam & vniformem observationem collecto, paulatim inualefcit. Illud partim legibus constat, partim interpretatione legum. Istud frequentia actuum, cum ratione congruentium, & semper vniformium.

Leges

Leges aut statuit vnus, cuius regimen vocatur *Monarchia*, & sic natæ sunt *constitutiones & placita Principum* : aut plures, nempe *Optimates*, quorum regimen vocatur *Aristocratia* & sic processerunt *Senatus consulta* varia : aut denique omnes, per magistratus à se constitutos, quod regimen vocatur *Democratia*, & sic ortum suum habent *Plebiscita*. Et hæ propriè dicuntur esse leges primariæ : quæ verò ad earum interpretationem accedunt, secundariæ sunt, qualia sunt *Edicta Prætorum & Responsa Prudentum*. Ex quibus collige, legem nihil aliud esse, quam supremæ potestatis decretum, iubentis aliquid, permittentis, vel vetantis, ad ordinandum ciuitatis statum, vel ciuium mores, vel eorum res & negotia, publicatū & sancitū. Attendēdo tamen ad iura Romana, quæ explicamus, propriè

*Lex est*, quod populus Romanus Senatorio Magistratu interrogante, veluti Consule, instituebat.

*Plebiscitū est*, quod plebs plebeio magistratu interrogante, veluti Tribuno, constituebat.

*Senatusconsultum*, quod Senatus iubet, atque constituit.

*Prætorum Edicta*, sunt ordinationes, quæ à Magistratibus proponebatur sui officij tempore duraturæ. Quæ à successoribus in albū trans-

translatæ, paulatim vim Iuris habere ceperunt, & postea à Saluio Iuliano in vnum collectæ, ab Adriano Imperatore pro legibus confirmatæ.

*Principum Placita sunt*, generales Imperatorum constitutiones: vel etiam particularia responsa super alicuius dubij iuris interpretatione reddita. Leges enim interpretari, vti rem solo imperio dignam sibi soli reseruauerunt, cum ea tempestate ipsi tantum leges condere liberum esset.

*Responsa Prudentum*, antiquitus erant Pontificum, & aliorum iuris peritorum receptæ interpretationes. Post Cæsares verò sunt sententiæ & opiniones eorum, quibus permissum erat de iure respondere.

### T I T V L V S III.

#### *De Iure Personarum.*

**S**Vperioribus duobus titulis, causam Iuris prudentiæ, & generalem Iuris considerationem, quasiq; Proemium legum absoluimus. Præsenti verò titulo ipsam legum substantiam, sui Iuris constitutionem aggredimur: quæ partim *circa personas*, partim *circa res* versatur.

Secundum itaque Ius gentium, omnes homines aut liberi sunt, aut serui. Libertas est, naturalis



turalis facultas faciendi id, quod cuique libet, quatenus nec iure, nec vi impeditur.

*Seruitus est* constitutio Iuris Gentium, qua quis dominio alieno cōtra naturā subijcitur.

Hinc *sciendum*, leges non derogare libertati, quibus hominum vita in ordinem redigitur, quia cum recta ratione congruunt. Licet enim natura homini liberum arbitrium dederit, rationis attamen in illud imperium non abstulit; quandoquidem ex sapientiæ decreto, vera libertas continetur mentis & rationis imperio in animum: extra illud verò cupiditatum tyrannidi seruit. Similiter & Politica libertas in eo consistit, ut ius & leges, non verò liberum Principis arbitrium dominetur.

Serui autem dicuntur, non quod seruiant dominis, sed quod seruentur capti in bello, & non occidantur. Qui etiam mancipia vocantur, eo quod ab hostibus manu capiantur. Fiunt autem dupliciter serui, aut *Iure Gentium* aut *Iure Civili*. Iure Gentium, *vel nascendi sorte*, puta ex ancillis in seruitute constitutis; *vel captiuitate in bello*, non per viam, à prædonibus aut piratis, quia ab his capti, non fiunt serui, sed vi coacti seruiunt; in bellis verò ius spectatur magis, quam vis hostilis, ac propterea liber qui in potestatem hostis redigitur

redigitur, fit seruus. Iure autē ciuili *seruus fit, cum seipsum quis vendi patitur*, maior annis viginti, vt partem pretij habeat.

In seruorum itaque conditione, nulla est differentia, nisi fortē ministerij: quod alij dicantur *Actores*, quibus & rerum & administrationis summa committitur; alij *Procuratores* quibus supellex & cellaria conceditur; alij *Dispensatores*, qui cæteris seruis dementum distribuunt: alij *Silentiarij*, qui in reliquos tempore mensæ, silentij custodes vindicēsq; esse solent: alij *Vicarij*, qui vulgaris & infimi ministerij sunt, vt topiarij, pastores, saltuarij, hostiarij, dietarij, aquarij, &c. alij *Ordinarij serui*, qui in peculio suo, & quasi sub imperio habebant prædictos Vicarios cum suis peculijs: alij denique *Mediastrini*, qui habebāt curam sartorum tectorum, &c. &c.

In liberis autem hominibus multæ sunt differentia, aut enim sunt *ingenui*, aut *libertini*; aut *sui iuris*, aut *alieni*; aut *in dominica potestate*, aut *in patria constituti*, de quibus singillatim.

## TITVLVS IV.

### *De Ingenuis.*

**V**bi legitimum matrimonium est, ibi *fo*  
boles paternæ, non materna conditione  
censeri

cenſetur : atque nobilitas propterea à patre  
deriuatur, quamuis mater ignobilis ſit, non  
à matre, quæ viro ignobili iuncta, amittit no-  
bilitatis prærogatiuam. Quia igitur cum  
ſeruo legitimum matrimonium eſſe non po-  
teſt, ideo qui inde natus eſt, certum patrem  
habere non cenſetur, ſed ſequitur conditio-  
nem matris, quæ incerta eſſe non poteſt. Hinc  
*Ingenuus dicitur quaſi ingenitam libertatem ha-  
bens*, eſt enim qui ex libera matre natus eſt. Nā  
ſi mater, non tantum tempore partus, aut  
conceptionis, ſed ſi intermedio tantum tem-  
pore libera fuit, ingenuum parit. E contra,  
qui genitus eſt ab ea, quæ ex quo prægnans  
eſſe coepit, ſemper ſerua, etiam partus tem-  
pore erat, ingenuus eſſe non poteſt.

Caterum quia ſeruum eſſe, & in ſeruitute  
eſſe, diuerſa omnino ſunt, nam vno proprie-  
tas, altero poſſeſſio ſignificatur : ideo non  
officit ei, qui ingenuus natus eſt, in ſeruitute  
uiſſe, & poſtea manumiffum eſſe, quia veri-  
tati, & origini ingenuitatis omnium Docto-  
rum opinione, manumiffio quocunque mo-  
do facta, non præiudicat.

T I T V L V S V.

*De Libertinis..*

**L**ibertini ſunt, quos ſeruitute liberauit be-  
nigna

nigna dominorum voluntas : quod vocamus *manumissionem*, qua scilicet seruus emit-  
titur ex domini manu, id est potestate.

Manumissio autem varijs modis contingit.  
*Vel testamento* & vltima voluntate, qua domi-  
nus seruum libertate donat : *vel epistola*,  
qua dominus hanc libertatem suam seruo  
significat : *vel adhibendo seruum conuiuium*, &  
coram amicis libertatem dando : *vel in tem-  
plo* : *vel coram Pratore*, qui festucam seruo inij-  
ciebat, quæ vocatur vindicta, eumq; alapa  
percussum circum agebat : quo ritu libertas  
adumbrabatur, secundum quam quocumq;  
se conuertere seruo liceret. Prætor autem  
huic negotio auctoritatem suam præstare  
potest, etiam dum ambulat, aut domi sedet.

Forma denique manumissionis supradi-  
ctæ, non eiusdem semper vigoris erat; sed  
alia plenam libertatem præstabat, vt vindi-  
cta & testamentum : alia verò, tanquam mi-  
nus solennis, minus plenam, ita vt ea manu-  
missi vinculo adhuc aliquo dominis obstrin-  
gerentur. Vnde libertinorum non vna fors  
erat : quidam namque ciues Romani, & qui-  
dam Latini tantum, nonnulli verò postremæ  
conditionis Dedititij nuncupabantur. Et  
hi erant, qui in seruitutem ob flagitium com-  
pediti, vel stigmate iniusti, aut Magistratui  
oblati

oblatis fuerant. Sed hæc Iustinianus abrogauit, omnesque libertinos non modò inter se, sed & cum ingenuis exæquando, ciuitate Romana donauit.

TITVLVS VI.

*Qui, & ex quibus causis manumittere non possunt.*

**D**Vabus legibus manumittendi facultas restricta est, *Prima*, quæ hoc titulo explicatur, *Lex Aelia Sentia* vocatur. *Alter*a, *Lex Fusia Caninia*, quæ sequenti. Et illa quidem duo capita complectitur: quorum priore impeditur manumissio in fraudem creditorum facta, quando scilicet manumittentis bona, per serui dimissionem diminuuntur, nec sufficiunt ad exsolutionem æris alieni. Altero, interdicitur minori viginti annis manumissio serui, nisi ad eam se moueri causa aliqua pietatis, vel utilitatis suæ in iudicio ostenderit. Iustinianus hoc relaxauit: & priusquàm quis decimumoctauum annum attigisset, testamento seruis libertatē dare permisit, quod nimirum decimoquarto anno habeat potestatem disponere de toto patrimonio in testamento: vnde non videtur arcendus esse à danda libertate, fauorabiliore quippe reliquis rebus. Nam cui licet quod plus est, ei non debet negari quod minus est.



## TITVLVS VII.

*De Lege Fusia Caninia tollenda.*

**R**estringebatur quoque manumissio Lege Fusia, quæ certum numerum præfiniebat, ultra quæ testator manumittere non posset; semper enim effusior solet esse morientium liberalitas in rebus quas relinquunt, ideo moderanda erat, ne nimia ubique manumissione splendor ciuium inquinaretur mixtura & colluie libertinorum, præsertim cum ditiores complures seruos habuissent, & sæpissimè millenos. Hinc Fl. Vopiscus in vita Taciti, *Seruos, ait, omnes urbanos manumisit utriusque sexus: intra centum tamen, ne Caniniam transire videretur.* Sed cum Iustiniani tempore, imminuto splendore ac iure Ciuium Romanorum, imminutus quoq; esset & seruorum numerus; ideò legem hanc abrogauit, absurdum existimans, cum nullus esset modus finitus manumittendi seruos inter viuos, cum præfiniri ultimæ voluntati, cuius maior est fauor & libertas. Hinc regula ducta est.

*Quicquid conceditur inter viuos, multò  
magis concedendum esse in ultimis  
voluntatibus.*

TITVLVS VIII.

*De his qui sui, vel alieni iuris sunt.*

**E**Xposita prima iuris personarum diuisione, quæ est Iuris Gentium, sequitur altera quæ videri potest esse Iuris Ciuilis. Nam quidam homines *sui Iuris* sunt, quidam verò *alieno Iuri subiecti*: Rursus qui alieno Iuri subiecti sunt, aut sunt *in potestate parentum*, aut *in potestate dominorum*:

Et quidem dominica potestas vsq; ad arbitrium vitæ & necis in seruum *Iure Gentium* extenditur, tanquam qui captus Iure belli statim occidi potuisset, etiam ex interuallo possit. Sed *Iure Ciuili* hoc temperatum est, vt etiam homicidii teneatur dominus, qui seruum occiderit extra causam, ob quam alium fas esset occidere. Quia eo ipso quo quis captiuum ministerio seruauit, transgressus de Iure belli videtur: & cessante conflictus ardore, cessat quoque ius illud belli in defensione vel vltione fundatum, & præualet ius naturale, quod seruum pro homine habet, & homicidium damnat. Appositè Seneca: *Cùm in seruum omnia liceant, est aliquid quod in homine licere comune ius animantium vetet.* de clemen: 18. Ideò ex cõstitutione Imp: Antonini, si dominus æquo asperius seruum tractat, cogitur auctoritate

Iudicis à seruo implorati, cum alteri vendere. Nam quamuis priuatorum res non sint in dominio Principis, sunt tamen sub eius imperio, atque ideò vsum earum regere potest, & còercere abusu, præsertim qui ipset ad damnum Reipub. & honestatis, vt in proposito.

NOTA, quod ab anno 1250. seruitus penes Christianos, etiam captiuorum, desit in vfu esse, quamuis disciplinæ Christianæ non omnino sit repugnans, præsertim si clemens & moderata fuisset.

## TITVLVS IX.

### *De Patriâ potestate.*

**P**atria potestas est, *ius parentum in liberos à natura ipsa datum.* Quo enim iure parentibus educationem & institutionem liberorum natura mandauit, eodem regimen quoq; & imperium in ipsos concessit. Vnde olim ius vitæ & necis pater in liberos habebat: nunc meritò mutatum, quia patria potestas in pietate, non in atrocitate debet consistere. Sed vtitur Iuris Ciuilis prærogatiua, potestq; *Primò*, vendere suum filium in casu necessitatis. *Secundò*, potest pro eodem impubere, vel furioso testari, substituendo videlicet ei pupillariter, vel exemplariter. *Tertiò*, non potest vocari in iudicium à filio sine licentia. *Quartò*

*Quartò*, non potest filius sine patris licentia, nisi iam emancipatus, cum aliis in iudicio esse. *Quintò*, quidquid acquirit filius, patri acquirit: sed hoc iam Principum constitutionibus temperatum est, ut infra de Peculio dicemus, quia parentes liberis potius acquirere, quam liberos parentibus, lege naturæ oportet. Vsumfructum tamen in bonis suorū liberorum parentes habent, quod & in Polonia nostra Vladislaus Iagello obseruari iussit, ut videre est in Statuto Herborti, sub titulo, *Materna bona.*

T I T V L V S X.

*De Nuptiis.*

**N**uptiæ sunt, *viri & mulieris coniunctio ad indiuiduam vitam consuetudinem.* id est, ad consortium prosperæ & aduersæ fortunæ, & ad conuictum perpetuum: qua sanè animi destinatione, tanquam propriâ notâ, à concubinato distinguuntur, qui corporis potius, quàm animi est coniunctio: Nuptiarum verò, consensus est perfectio & forma, non corporalis coniunctio; quæ ideò dicuntur *Coniugium*, à iugo, quo par vnum ad mutuam fidem, castitatem, & auxilium deuincit. At nomen *Connubij* & *nuptiarum* à ritu prisco manauit, quo sponsa caput nubebat, id est vela-

bat, in symbolum pudoris & subiectionis. Nam diuino & humano iure subiecta est vxor imperio mariti: quæ tertia domesticæ potestatis est species, reliquis tamen moderatior. *Matrimonium* autem dicitur, quia hoc voto mulier nubit, vt mater fiat: præcipuus enim finis est procreandorum causa liberorum, quæ olim solemnns formula erat in tabulis nuptialibus.

*Triplex autem consensus requiritur ad matrimonium.* Primò eorum qui matrimonio iunguntur. Secundò eorum in quorum sunt potestate. Tertiò deniq; Iuris.

Quod ad primum attinet, quoniam consensus incapaces sunt impuberes, ideò ad nuptias non nisi puberes admittuntur, anno scilicet ætatis 14. mares: fæminæ 12. si vigor genituræ præuertit, ne alioqui in vagas libidines effundantur; vel quoties matrimonium pacis stabilimentum est, vt inter Principes & Dynastas.

Quod ad secundum: & naturali ratione requiritur ad nuptias consensus eorum, in quorum potestate sponſus & spōsa existunt, quia ipsa natura parentibus deferendum honorē dictat, qui potissimum in obtemperando ipsis cernitur: & civili ratione, quia iniquum sit inuitis parentibus suum heredem obtrudere & incon-



& inconsulto amore, atq; impari matrimonio imminuere familiæ dignitatem. Hinc ius diuinum quoque parentum auctoritatē exigens, liberos quidem qui contra eam, sine causa, ineunt nuptias, obstringit peccato.

Quod verò ad Iuris cōsensum attinet: prohibentur nuptiæ inter consanguineos, tam iure naturali, quàm ciuili, quàm etiam Pontificio. *Et quidem natura damnat* innata verecundia sua inter parentes liberosq; , quantumcumque gradu etiam disiunctos, coniunctionem, quæ *nefaria*. dicitur, quia contra fas naturæ est, cuius ordo turbatur, confusis pietatis nominibus, & violata reuerētia sanguinis. Et hæc quidem vtraq; *linea, ascendentium*, dico, & *descendentium*, vocatur *Recta*. Est & tertia, quæ *transuersa* dicitur, vbi primum gradū tenet frater & soror, inter quos similiter ipsa natura coniunctionem damnat, Iure Canonico approbante. Etsi D. Thomas existimet tantum Iuris positiui hanc prohibitionē esse. *Iure verò ciuili* ex fratre vel sorore genitis coniungi prohibemur: nam cum patruus & amita loco parentum sint, propemodum contra fas naturæ illa coniunctio est, & propriè *Incesta* dicitur. Pari modo eundemq; in gradum prohibentur nuptiæ ratione affinitatis, quæ nihil est aliud, quàm necessitudo intercedens

cum coniugis cognatis, matrimonii societate eos inuicem cōmunicante, adeò vt quo gradu & genere quisque coniugi tuo cognatus est, eodem tibi affinis existat. At verò inter cognatos hinc vxoris inde viri affinitas non existit. Aliud quoq; impedimentum oritur *ex cognatione legali*, quæ scilicet per adoptionem contrahitur, propter pudorem & vinculum ciuile, in tantum, vt etiam dissoluta adoptione, idem iuris maneat. Simile affinitatis est illud, quod *publica honestatis impedimentum* appellatur: nam vt hæc à nuptiis, ita illud à sponsalibus existit, vel matrimonio non consumato, & pertingit pariter ad quartum gradum. *Iure demum Pontificio*, non tantum ex nuptiarum societate, sed & ex cōfusione sanguinis per illicitum concubitum, dummodo non violentum, affinitas oritur. Vnde quemadmodum defunctæ vxoris tuæ, ita & à te viatiæ sororem ducere vxorem vetaris. Sed & aliud impedimentum est *à cognatione mystica* inter baptisatum eiusq; parentes, & baptisantem, vel eos qui de sacro fonte susceperunt. Idem cōtingit per sacram Confirmationem: adeò vt hoc impedimētum etiam dirimat nuptias per confirmatum eiusq; parentes, & patrilinos aut matrilinos contractas. Vnde si pater ipse patrilinus fiat filii sui, separandus ab vxore est

vxore est. aliud, si in necessitate baptisauerit  
filium. *c. ad limina. 30. q. 1.* Prohibitiones au-  
tem istæ idcirco à iure sancitæ sunt, vt plura  
necessitudinum genera, charitatem generis  
humani continuarent, diuersis familiis per  
nuptias coniunctis: quæ si permissæ inter co-  
gnatos essent, intra naturæ limites beneuo-  
lentiæ fœdera arctarentur, cùm illæ sapissimè  
familiam non egrederentur, conciliante ille-  
cebrâ & propinquitatis, & ab incunte ætate  
familiaritatis.

Quod si vitio aliquo de impedimentis su-  
pradiçtis laborat matrimonium, ne nomen,  
quidem suum tuctur, quia nec vir, nec vxor,  
nec nuptiæ, nec matrimonium, nec dos intel-  
ligitur: & liberi qui inde nascuntur, illegitimi  
sunt, inq; triplici statu gradatim deteriore re-  
ponuntur. Vel enim *naturales* sunt, id est ge-  
niti ex amicâ assumptâ in concubinatum, &  
coniugalis conuictus imaginem, & vocantur  
propriè *nothi*. Vel suscepti ex meretrice per-  
petuæ fornicationi destinata, & vocantur *spu-  
rij*. Vel deniq; nati sunt ex incesto aut adul-  
terio, & vocantur deteriore cognomine *hy-  
brida*. Et hi quidem posteriores nusquam na-  
talibus restituebantur antiquitus, nunc verò  
nulla adhibetur diligentia in examinâda ori-  
gine legitimandorum, sed cõmuniter oblati

muneribus aut precio fiunt legitimi Principum favore & indulgentia.

*Tripliciter attamen de iure contingit nobis natalibus restitui. Per subsequens matrimonium: Per rescriptum Principis: & per oblationem Curiae.*

*Per subsequens matrimonium* dicimus legitimatorem fieri, si quis postea matrimonium contraxerit cum muliere ex qua sobolem illegitimam susceperat; quia ex insecuto matrimonio, benigna æquitate Iuris, præsumitur affectu coniugali usurpatam ante mulierem fuisse, vel certè antè nata soboles causam dedit matrimonio: unde iniquum esset, sobolem quæ deinceps nascitur, quasi solam legitimam, excludere ab hæreditate antè natam, quippè cui acceptum ferre debet statum suum. *l. 10. C. de naturalib.*

*Per rescriptum Principis* legitimatio procedit, quando Principis gratia impetratur, quancumque maculam natalium abolentis.

*Per oblationem Curiae*, olim legitimandi forma in usu erat, cum filius naturalis dabatur ad ministeria Curiae, quæ plurimi honesti declinabant; sed præcipuè offerebatur illis aut potius iniungebatur exactio tributorum, ubi cogebantur sæpissimè onera tenuiorum supplere. Et ob eam causam prohibebatur iis alienatio

alienatio prædiorū, si quæ possidebant, sed quasi obsidum loco erant, ne subterfugerent ministeria Curia. At hoc totum iam exoleuit, sæpiusque nothi legitimantur à Principibus, munere aliquo oblato, aut in ministerio diutius existentes. In Polonia tamen nullo supradicto modo legitimantur, sed semper illegitimi manent, nec ad mæchanicas artes vllas, aut sacerdotia admittuntur, quod alibi vltimarissimum vidimus.

T I T V L V S XI.

*De Adoptionibus.*

**P**Otestatis patriæ duæ sunt species: altera *Adrogatio*, altera *Adoptio* dicitur. Illa Principis autoritate, eos qui sunt sui iuris adrogamus: Hac verò in alterius potestate existētes imperio magistratus adoptamus. Ratio distinguendi est, quod *Adoptio* minore cautione atque auctoritate indigeat, cū dirigatur consilio & potestate patris natiui, qui in *Adrogatione* ferè deficit, ideoque Principis, tanquam communis parentis, interuentu opus est.

*Adoptio* itaque quæ est simulacrum quoddam procreationis liberorum, est legis actio, per quam in ius & locum liberorum nobis eligimus ex aliis genitos.

Et quia



Et quia ars naturā debet imitari, ideo exigitur ratio ætatis inter adoptantem & adoptatum, quasi inter genitorem & natum: nemoq; adoptare aliquem potest, nisi quem antecedit ætate 18. annorum. Eadem ratione, & castratus, ut nuptias contrahere, sic etiam adoptare prohibetur, quia adoptio in his tantum personis locum habet, in quibus etiam natura potest habere. Unde per consequens & feminae adoptare prohibentur, quod potissimum adoptio pertineat ad acquirendam patriam potestatem, cuius incapaces sunt feminae. Indulgentia attamen Principis adoptare possunt in solatium filiorum amissorum.

Discrimen inter adoptionem factam ab extraneo, & quovis ascendentiū istud est, quod patria potestas non transeat in patrem adoptati, nec de bonis eius quidquam transit ad patrem adoptivum, quod bene valet in avo materno adoptante, aut aliquo alio ex parentibus adoptati existente, quia in hoc casu concurrunt in vnam personam, & naturalia, & adoptionis iura.

Quod si verò servus à domino adoptatus, vel apud acta filius nominatus fuerit, eo ipso libertatem exemplò nanciscitur.

## TITVLVS XII.

*Quibus modis Ius patriæ potestatis soluitur.*

**S**Ex modos dissoluendæ patriæ potestatis hoc titulo tractat, cum antea constituendę tres specificè modos exposuisset, nuptias videlicet, legitimationem & adoptionem.

*Primus itaq; modus* dissoluendæ patriæ potestatis est, *naturalis mors parentis*: nisi tamen agatur de auo, qui mortis tempore nepotes, cum patre ipsorum, in potestate sua habebat: mors enim patris filios non liberat, si superest liberis auus, in cuius potestate erat, siquidem hoc casu patriæ potestas, penes auum fuit, non penes patrem, qui cum in potestate alterius ipse esset, alios in potestate habere non potuit.

*Secundus modus est, civilis mors patris vel liberorum*, scilicet deportatio, & seruitus panæ; non item verò relegatio. Nam deportationis panâ eximitur quis in perpetuum de ciuitate, id est numero & iure ciuium: vnde consequenter amittit ea, quæ iuris ciuilis sunt, veluti est potestatis huius vis. Tales sunt qui in Germania appellantur banniti, in Polonia infames seu proscripti: nam & recto illos recipere nefas, & offendere in bonis aut corpore impune est. Relegatio verò tantum ex oppido aut

pido aut provinciâ expellit, aut certo loco vel infulâ concludit damnatos, salvo Iure ciuitatis. Serui demum pænæ efficiuntur, qui ad laborandum in effodiendis metallis, vel ad triremes condemnantur. Porro in aliud opus publicum damnati, ciuitatem, non verò libertatem perdunt.

*Tertius modus est, captiuitas* : quæ non tam soluit, quàm suspendit patriam potestatem, idq; propter *postliminium*. Quod nihil est aliud, quàm Ius, quo homines, vel res hostium potestate liberatæ, pristino statui restituuntur. Et quemadmodum lex Cornelia apud hostes quandoque morientem, fingit initio mortuum; ita Postliminium personam vel rem quandoque ex hostibus reuersam fingit nunquam ibi fuisse.

*Quartus modus, amplissima filij dignitas*: quod absurdum sit, eum esse in potestate priuatâ, qui publicâ potestate Rempub. administrat. Planè ordo sacer non dissoluit patriam potestatem, nisi quod ad eius exercitationem attinet: excepto Episcopatu. *Auth: sed Episcopalis. C. de Episcop.*

*Quintus modus est adoptio*. quia filius nō potest esse in potestate duorum patrum, sed permittente patre naturali, transit in potestatem adrogantis.

*Sextus de*

*Sextus deniq; modus est, emancipatio: quæ ita filium potestate patris liberat, quemadmodum manumissio seruum potestate domini. Quare hodie solemnitarum ambagibus sublatis, sola professione patris apud Magistratū filius fit emancipatus: quinimò sola concessione ducendi uxorem assequitur libertatem; atque ipso accessu ad vigesimum quintū ætatis annum.*

Quamuis autem inuitus pater emancipare liberos non cogitur, tribus attamen casibus compelli eum ad emancipandum auctores dicunt. *Primò*, Si eos crudeliter tractet: hoc enim casu etiam seruus inuiti domini euadit potestatem. *Secundò*, si eos ad peccandum compellat: indignum enim se imperio reddit, qui eo non ad formandum vitur, sed ad corrumpendum abutitur. *Tertiò*, si sibi accipit, quod filio erat testamento alicuius relitum, sub conditione emancipandi liberos; cogitur enim implere fidem. Porro vicissim filius inuitus non emancipatur. *Nov. 89. Paul. 2. Sent: 25.*

T I T V L V S XIII.

*De Tutelis.*

**P**ostquam exposuisset de iis qui in alienā potestate sunt; sequitur deinceps tractare de iis

de iis, qui sui Iuris sunt. qui partim sub Tutelâ vi-  
uunt, partim in curatione, partim sui arbitrij exi-  
stunt omnimodô, Vt igitur ædici dicuntur; qui  
ædes tuentur: sic tutores, qui pupillum de-  
fendunt: Tutelâ enim dicta est à tuendo, & de-  
finitur à Iustiniano, *Vis ac potestas in capite libe-  
ro, ad tuendum eum, qui propter etatem seipsum  
defendere nequit, iure civili* ( hoc est Lege XII.  
Tab.) *data ac permiffa.* Per quam definitionē  
potestas Tutoris, non tantum à reliquis spe-  
ciebus potestatis, patria videlicet atq; herili,  
distinguitur, sed & à curatione. Nam tutor  
ad regimen personæ impuberis, cum bonis  
suis; curator verò ad administrationem pa-  
trimonii & negotiorum iam adulti ad 25. æta-  
tis annum vsque, principaliter constituuntur.

Est autem triplex Tutela. *Testamentaria*, quæ  
ex Iuris permiffu, patris testamento ordina-  
tur. *Legitima*, quæ legis prouidentiam commit-  
titur proximis pupilli cognatis. Et *Datiua*,  
quæ, in defectum cæterarum, officio Magi-  
stratus mandatur, tanquam legis viuæ & ani-  
mata.

Si quis igitur filiis tutores dedit, pertine-  
bit id & ad filias (quia sæpè pronuntiatio ser-  
monis in sexu masculino pertinet ad vtrumq;  
sexum) & ad posthumos quoque, (quia is qui  
in utero est, pro nato habetur, cum de com-  
modo



modo eius agitur) nō etiam ad nepotes, cū tutor certo consilio & destinata voluntate liberis assignandus sit: nepotes verò secundi gradus liberi sunt, non primi; nisi fortè seorsim à patre fuerint in potestate aui: aliàs reciderent in potestatem patris. Qui ijs demum, quos in potestate habet, designare tutorem potest; non etiam emancipatis, quibus datus tutor Magistratus auctoritate confirmabitur, supplente defectū potestatis patriæ. § *ult. h. t.*

T I T V L V S XIV.

*Qui testamento tutores dari possunt.*

**P**Otest autem tutor constitui etiam filiusfamilias, quamvis ipse sit in potestate alterius. Potest & seruus, legata ei libertate: quod magistratus tamen facere non potest, quia non habet potestatem in res alienas, sicut testator in suas. Vnde seruus alienus simpliciter & sine conditione libertatis tutor datus, nullius est momenti, nisi redimatur à domino & libertate donetur: quia non est nouum, ut testator etiam de rebus alienis disponat, obligetq; hæredem eas redimere. § *5. infra de legib.*

Furius quoque, vel minor 25. annis Tutor dari potest: nam intelligitur tacita conditio vel dies inesse, si ille ad sanitatem, vel

H

cum istæ

cùm iste ad 25. annos peruenerint. Potest enim datio Tutoris finire tempore: siue ut certo die incipiat primùm Tutor esse; siue ut certo die desinat: interea autem alius à magistratu substituetur, quia quamdiu spes est tutelæ testamentariæ, cessat legitima. Idem iuris est, si palam tutor sub conditione datus est: id enim testatori permittitur, non etiam Magistratui. Verum enim uero ad partem, vnam administrationis, vel patrimonij inutiliter tutor datur; quia personæ, non causæ aut rei tutor datur. Potest tamen testator in plures tutores administrationem diuidere, patrimonio pluribus locis diffuso, vel nouâ accessione aucto.

## T I T V L V S   X V .

### *De legitima agnatorum tutela.*

**Q**Uod si verò testator liberis tutores non dedit, lex 12. tab. proximos eorū agnatos, vel vnum, vel plures gradu pares ad tutelam vocat. Sed etsi testamento quidem datus est tutor, sed is mortuus est ante patrem familias, vel simul cum eo, adhuc locus erit tutelæ legitimæ, quia res ad effectum non peruenit. Intestatus enim dicitur non ille solummodo qui omninò testamentum non condidit, sed etiam ille qui condito testamento nihil in eo

hil in eo disposuit de tutela liberorum, aut nihil inde in re secutum est.

Itaque agnati tantum modò ad tutelę onus olim vocabantur, quia ad illos quoque pertinebat fortuna successionis, quod videlicet per masculinam stirpem proximam nobis coniungerentur: sed hodie etiam cognati, qui per faminam nobis sunt coniuncti, promiscuè ad tutelās vocantur, quod iura cognationis magis communione sanguinis, quàm cognominis æstimanda sint: hoc enim ciuile, illud naturale est; iam autem præualere debet ius naturale, velut immutabile, non vtique ciuile, quod corrumpi potest.

T I T V L V S XVI.

*De capitis diminutione.*

**C**apitis diminutio est prioris status commutatio, hoc amissio libertatis, vel ciuitatis, vel familiæ. Nam qui ex ordine Senatorio, vel Equestri, vel Iudicum, vel aduocatorum remouetur, non dicitur capite minui, sed tantum dignitate, illa autem tria capiti & vitæ proxima sunt, & ideo amissâ dicuntur *Capitis Diminutio*, siue *Maxima* libertate cum seruitute mutatâ: siue *Media* iure ciuitatis per exilium amissô: siue *Minima*, mutatâ familiâ per adoptionem.

Quaecunq; autem ex his species, tollit ius agnationis, & consequenter à tutelâ legitimâ olim remouebat. Cognationis verò ius tantum per mediam & maximam capitis diminutionem collitur.

## T I T V L V S XVII.

*De legitimâ Patronorum tutelâ.*

**E**X ratione Legis 12. Tab. quæ tutelâ adgnatis idcirco defert, quia hæredes ab intestato sunt, inductum est, ut patroni libertorum suorum tutelam susciperent, quæ ideo legitima dicitur, l. 3. *D. de legit. tutor.* æquum enim est eos pupillum tueri, ne bona eius dilapidentur, qui & ad eius successionem venirent, si præmoreretur, & ab illò colerentur, si superuixisset. Iam autem secundum naturam est, ad eum spectare incōmoda, ad quem spectat & emolumentum.

## T I T V L V S XVIII.

*De legitimâ parentum tutelâ.*

**E**Xemplo patronorum producta est lex 12 Tab. ad parentes, ut scilicet tutores sint ipso iure filij quem impuberem emancipauerint. Quæ sanè tutela, vel lege, vel interpretatione, vel moribus inducta, legitima quoq; appellatur.

T I T V L V S XIX.

*De Fiduciaria tutelâ.*

**F**ilijfamilias à patre manumissi, ipse pater tutor est legitimus, ut titulo superiore diximus, eo verò defuncto, in tutelam impuberis fratris, succedit frater, si est maior annis 25. & dicitur tutor Fiduciarius. Non idem est, si testamento datus fuerit tutor à patre: quia testamentaria tutela semper legitimamexcludit, l. 9. § 1. ff. de tutel. & ration. Alioqui quamvis magistratus duobus pupillis fratribus dederit tutores, & vnus ad legitimam ætatem peruenerit: is alterius tutelam in se transferet. d. l. 9. § 1.

T I T V L V S XX.

*De Attiliano Tutore,*

*Et eo qui ex lege Iuliâ & Titia dabatur.*

**S**i quinque species tutelæ supra memoratæ pupillos deficient, ea superest quæ *Datiua* appellatur. Potestas autem dandi tutores ijs demum Magistratibus competit, quibus specialiter à Principe, lege vel SC. est attributa.

T I T V L V S XXI.

*De Auctoritate Tutorum.*

**A**uthoritatis verbum quidam ab *αὐτός*. deducunt, quo veteres ratam alicuius potestatem



statem significabant, & sine h scribunt. Auctoritas igitur tutoris nihil est aliud quàm *consensus atq; approbatio negotiis pupilli à tutore adhibita*. Non valet autem hæc auctoritas, si post tempus, aut per epistolam adhibetur: debet enim tutor statim præsens in ipso negotio auctor fieri. § 5. *h. t. l. 9. § 5. ff. eod.*

Quod si tutoris auctoritas talis non intervenit negotio pupilli, non potest ex eo obligari pupillus, quia deest in eo fundamentum obligationis, scilicet animi iudicium & consensus. *l. 189. ff. de reg: Iur.* Planè si pupillus alium sibi obligavit, veluti paciscendo cum creditore suo, ne is ab ipso peteret: id valebit. *d. § 1.* nam quod in fauorem alicuius constitutum est, non debet ad damnum eius extendi; quod sanè in proposito contingeret, si pupillus non posset conditionem suam facere meliorem etiam sine tutoris auctoritate, quæ ideo à lege desideratur, ne ille sua imprudentia incurrat in damnum. Attamen in hæreditate suscipiendâ indistinctè tutoris auctoritas necessaria: siue quod hæc res tam magni momenti sit, siue quod vix hæreditas obtungit absq; aliqua obligatione adeuntis.

Porro in contractibus, in quibus vtrinq; oritur obligatio, veluti in emptione, venditione, pupillus alterum sibi obligabit, ipsi vicissim

cissim non obligandus. *d. § 1. l. 13. § 27. ff. de auct. emp.* hoc enim pupillo indulgetur, ut ne quidem in illicitis eius dolus præsumatur aut culpa, ne dicam in obligationibus, in quibus tamen ex doctrina Clarissimi I C. Diodori Tuldeni, tenetur naturaliter, si ex culpâ commisit; civiliter verò, si ex dolo, præsertim si pubertati proximus est, aut doli capax. Ac actionibus in rem indistinctè pupillus adstringitur. *Costal: ad l. 1. ff. Commod.*

Cæterum quia tutor in sua causa auctor esse, non magis quam testis aut iudex potest, ideo si litem cum pupillo habeat, in eam ipsi substituetur curator. & proinde nec contrahere cum pupillo tutor poterit: nec debitorem aut creditorem, fieri tutorem iura permittunt.

T I T V L V S XXII.

*Quibus modis tutela finitur.*

**T**utela quia ad certa negotia non datur, sed ad regimen personæ impuberis propriè pertinet, ideo suâ naturâ extenditur usque ad pubertatem pupilli. Finitur attamen varias ob causas hæc undecim modis, *Primò*, pubertate pupilli, quæ *alia est simplex*, incipiens in masculo à 14. anno expleto; in femina verò à 12. *alia plena* à 17. ut sup. in utroque: &

alia plenissima à 18. vt supra. *Secundò.* Adrogatione, quia in patriam potestatem redactus incapax est tutelę. *Tertiò.* Deportatione. *Quartò.* Seruitute. *Quintò.* Captiuitate pupilli, vel pupillę. *Sextò.* Morte pupillorum, vel tutorum. *Septimò.* Capitis diminutione. *Octauò.* Euentu temporis, si cui videlicet testamento tutela mandetur in triennium, vel quamdiu patruus peregrinetur: triennio itaque elapso, vel patruo pupilli reuerso, desinet esse tutor. *Nonò.* Euentu conditionis, si tutor detur duraturus donec conditio adiecta perficiatur. *Decimò.* Remotione tutoris suspecti. *Vltimò.* Excusatione ipsius tutoris.

**N O T A,** antiquo iure mulieres in perpetua tutela fuisse, non quidem eorum qui negotia earum gererent, sed quorum auctoritate egerent: nec ante sui iuris euadebant, quàm in manum viri conuenissent, aut Virgines Vestales captę essent. Quod etiamnum obseruatur in Polonia.

## T I T V L V S XXIII.

### *De Curatoribus.*

**C***Vra est potestas in capite libero ad curandum bona eius, qui per iudicium ea curare nequit. Iudicij autem detectus in negotijs peragendis semper præsumitur ante 25. annum. Vnde*  
minor

minor ætas respectu ipsius iudicij admittit probationem in contrarium: pupillaris non item, cum ex se pateat.

Curatores partim *dati* sunt, partim *legitimi*: at testamento non dantur. Nam quod tutor testamento datur, id contingit ex permisso legis 12. tab. quæ tantum de tutela loquitur. Ideoq; circa curatoris dationem, auctoritate iuris destituitur voluntas testatoris: ex æquitate tamen confirmanda decreto Magistratus.

Differunt autem Tutor & Curator multis modis. Et *primò* quidem quia tutor datur impuberi, Curator minori 25. annis. *Secundò*, quia ille primariò datur personæ, secundariò rebus: hic verò è contra, rebus primariò, deinceps personæ. *Tertiò*, quia habenti tutorem non datur alius tutor, habenti verò curatorem datur alius curator aliquando. *Quartò*, quia tutelam interdum cogitur quis subire; curam non item. *Quintò*, quia ille præstat auctoritatem, hic consensum tantum. *Sextò*, ille passim datur in testamento, & aliquando confirmatione non eget: hic non item, sed semper eget illa. *Septimò*, Pater cogitur esse tutor filij sui impuberis ab ipso emancipati: curator autem eiusdem minoris non item. *Vltimò*, quia pupillus cogitur esse sub tutore:

minor non item sub curatore, nisi testamentario.

**NOTA**, hodie passim moribus inualuisse, ut maritus vxoris suæ legitimus sit curator, quamuis à curatione hac iure Romano arcebatur.

**NOTA SECUNDO**, Curatorem posse dari. *Primò* pupillo, tutore eiusdem legitimè impedito. *Secundò* minori. quamuis nolenti, si sit testamentarius. *Tertiò*, Mente capto, licèt maiori. *Quartò*, prodigo, qui nec largiendi nec absumendi modum tenet. *Quintò*, furioso, dum est in furore.

**NOTA TERTIO**, habenti tutorem dari quandoque alium tutorem varias ob causas. *Primò*, si primus tutor fiat surdus ad tempus, aut mutus. *Secundò*, donec de causa suspicionis primi videatur. *Tertiò*, donec primus stat regulatus. *Quartò*, si primus se ab administratione bonorū in alia prouincia existentium excuset. *Quintò*, si primus se simpliciter ad tempus excuset. *Vltimò*, si primus absit Reipublicæ causa.

## TITVLVS XXIV.

*De satisfactione tutorum vel curatorum.*

**A** Quibus tutoribus vel curatoribus exigatur satisfactio, & à quibus non: itemque quis co-



quis eorum à quibus non exigitur, administraturus sit, titulo præfenti explicat.

Satisfacere igitur est rem pupilli saluam fore: de quo integer libro 46. Pandectorum est titulus 6. Et Satisfactio siue Cautio id dicitur, cum eum cui à nobis debetur aliquid, vel deberi poterit, de eo consequendo securum reddimus, vel per nudam promissionem, vel per dationem pignoris aut fideiussoris. Et quia commune est tutoribus atq; curatoribus fideiussiores præstare, qui pro ipsis spondeant, seq; obligent, ad reparandũ damnum, si quod patrimonio pupilli euenerit culpâ tutoris; ideo ad implendum id compelli possunt à Magistratu, ablato ex bonis eorum pignore: quod si nihilominus non satisfaciant, remouentur vt suspecti. l. 2. C. eod.

Sed testamentarius tutor non tenetur satisfacere, quia fides eius & diligentia ab ipso testatore adprobata est. Similiter & dativus à magistratu maiore, quia idoneus electus est, facta de eius facultatibus & moribus inquisitione. Aliud est, si simpliciter ad petitionem, vel etiam ex inquisitione à minore magistratu datus fuerit. Ita vt contra eum non exigentem satisfactionem, vel in idoneos fideiussores admittentem, actio Subsidiaria. Nam satisfactionis finis est, vt si tutores peruersè administraverint, neq; soluendo sint, pupillus inde-

lus indemnitatem à fideiussoribus consequatur, si autem in eam nec horum facultates sufficiunt, ultimum ipsi refugium est in actione aduersus magistratum (puta municipalem siue minorem) qui in idoneos fideiussores admisit, vel etiam nullos, contra iuris ordinem, à tutore exegit. Tutor autem postquam satisfecit, rem pupilli saluam fore, & iurauit se ex officio omnia ad pupilli utilitatem facturum, administrationem aggredietur, non subitario, sed facto coram Iudice inuentario, rebusq; pupilli omnibus mobilibus & immobilibus descriptis, cum aestimatione eorum. Quod si hæc facere neglexerit, contra eum, tamquam in dolo hærentem, in litem iurabitur super eo quod interest: non & contra hæredes. Vnde & legitimus agnatus, vel frater tutor constitutus satisfacere tenetur: non item patronus, aut pater, quia pro vinculo satisfactionis cedit fides patroni, & affectus naturalis parentis.

Debet autem Magistratus procurare, vt administratio sit penes vnum ex pluribus tutoribus, illum scilicet quem vel testator designauerit, vel maior pars tutorum eligit, vel in eorum dissensu ipse Magistratus constituet, aut administrationem diuidet: nam plures ad administrationem admissi, sæpè  
dissensi-

diffensione aut æmulatione se inuicem impediunt; sæpè etiam mutuâ præsumptione & fiducia opera alterius omnes cessant. Reliquorum itaque tutorum officium erit, administrantem monere, consilio instruere, actû eius obseruare, rationes inspicere: & si fraudem vel negligentiamprehenderint, postulare in iudicio vt remoueatur. Quod sineglexerint, periculum ad ipsos redundabit, si is qui administrauit non est soluendo. Plures autem tutores simul administrantes singuli in solidum tenentur.

Si verò creditor debitori pupillo tutor obtingit, caueat ne sponte bonorum administrationi se ingerat, alioqui actione priuabitur, *authent. minoris C. qui dari tut.* nisi proximi sanguinis necessitudo, aut testatoris iudiciû, cum creditorem esse scientis quem tutorem aut curatorem constituit, præsumptionem, calliditatis fraudisquæ excluderint. *authen. ad hac. quando mul. tut. off. Coras. cent. 1. c. 60. ex SC.*

Ex his igitur, quæ diximus colligitur *satisfactio* tutorum, partim ab obiecto ad iudicia pertinente, partim à causâ formali communi contractibus & tutelis, *esse quadruplicem*, aliam *fideiussoriam*, accessoriam ad stipulationem: aliam *pignoratitiam*, aliam *iuratoriam*: & aliam  
pro

pro qualitate personarum, nuda voluntate  
*interpositam.*

Et iuramentum sanè est assertio, vel negatio  
de aliquo possibili, licito & honesto sacre rei atte-  
statione firmata. Quæ est duplex, necessaria  
& voluntaria.

*Necessarium seu iudiciale iuramētum est, vel de  
calumnia, & credulitatis dicitur; vel verita-  
tis, & dicitur decisivum litis, vel æstimationis,  
& affectionale appellatur.*

*Voluntarium verò seu extraiudiciale iuramen-  
tum est, vel assertorium, vel promissorium, vel  
confirmatorium, vel enunciativum tantum.*

Tria autem ad iuramentum comitantia re-  
quiruntur. Veritas, iustitia, & iudicium ipsius  
iurantis. Verba verò expressa non necessariò  
requiruntur, sicut nec rei corporalis tactus  
ad validitatem iuramenti.

Et qui factum alienū cum iuramento pro-  
mittit, non obligatur ea obligatione, quæ aliàs  
ex promissione facti proprii oriretur; sed alia,  
ad faciendum videlicet quantum in se  
est, ut is, pro quo promisit, ipsum im-  
pleat promissum. *Hieronymus*

*Lampugnanus Introduct.*

*cap: 3. 9. 24.*

## TITVLVS XXV.

*De excusatione tutorum, vel curatorum.*

**Q**uemadmodum quis cogi potest ad Magistratum, aut officium Reipub: suscipiendum, etiam carceribus *Vinius dec: 144.* ita necessario tutelæ officium subire tenetur, qui vel à magistratu, vel à lege, vel à testatore, tutor constitutus est: quia tutela non iure amicitiae, sed eius consortij, quod inter ciues est, defertur veluti ciuile munus, quod nemo deprecari potest, nisi qui immunitatem habet: cuius variae causæ numero 15. hoc titulo recensentur, quæ partim ad animum, partim ad corpus, partim ad fortunam spectant.

Et quidem *prima causa est*, Inimicitiae capitales inter patrem pupilli & tutorem. *Secunda*, senectus tutoris seu ætas 70. annorum. *Tertia*, militia Ecclesiastica: hodie tamen Clericus eget licentia suorum superiorum a libi, in Polonia verò non. *Quarta*, ignorantia litterarum. *Quinta*, lis inter pupillum & tutorem. *Sexta*, præfectura vigiliæ aut militum excubantium contra hostes assiduè. *Septima*, paupertas cogens quotidianis operis victum quærere. *Octaua*, perpetua infirmitas tutoris. *Nona*, administratio trium tutelarum vel curarum simul: quarum numerus



rus ex numero patrimoniorum, non pupillorum desumitur. *Decima*, absentia Reipub. causa: reuersus attamen tenetur veterem tutelam reassumere, nouam verò subire post annum tantum. *Vndecima*, Familiæ onus, nempe si quis habet tres liberos Romæ, vel in Italia quatuor, vel in Prouincijs quinque: quod tamen apud nos in Polonia non obseruatur. *Duodecima*, professio publica scientiæ alicuius, excepta Iurisprudentia; nisi sit in consilium Principis assumptus. *Tredecima*, administratio rerum fiscalium vel ærarij Principis. *Quatuordecima*, Militia Reipub. ne scilicet milites à bellicis exercitijs auocentur. *Vltimò*, tutela iam expleta circa vnum pupillum potest se quis excusare à cura eiusdem facti puberis.

Ad allegandam autem excusationem dantur tutori 30. dies, continuo computandi ab eo die quo se tutorem cõstitutum cognouit: si niodò intra centesimum milliarem habitat: nam si longius distat, plus temporis ad iter conficiendũ insumer, ita tamen vt intra quatuor menses iudicium de propositis ab illo excusationibus finiatur. Quæ si falsæ aut iniustæ fuerint, tunc pupillo ad emendam tenebitur: & si se administrationi immiscuit, tunc causam proponere non poterit.

T I T V L V S XXVI.

*De suspectis Tutoribus, vel Curatoribus.*

**L**Ex 12. tab : iussit tutorem suspectum corā Magistratu conuinci, & ab officio remoueri. Suspectus autem est, non tantū qui perperam administrat, sed & cuius indoles vel vita coniecturam præbet malæ administrationis. Vnde tutor magis ex moribus, debitor verò & fideiussor, aut hæres magis ex facultatibus æstimatur. Ac propterea *Primò* ille tutor aut curator dicitur esse suspectus, qui data pecunia suscepit tutelam. *Secundò*, qui non præstat alimenta pupillo, vel simpliciter, vel asserens mendacio pupillum esse inopem. *Tertiò*, qui non fecit inuentarium. *Quartò*, qui non defendit pupillum vel minorem à lite, aut persona. *Quintò*, qui est vitiosus, scortator, aleator aut potator immodicus. *Sextò*, qui dolum ob avaritiam, vel culpam ob negligentiam commisit.

Remotus itaq; *ob dolum*, punitur amissione honoris, fitq; infamis infamia à iure irrogata: qui verò *ob culpam* tantū remouetur, id est ob imperitiam vel negligentiam, retinet honorem saluum. Quia *dolus est* fraudulens machinatio alterius decipiendi causa facta: & quia voluntatis vitio constat, ideo infamia

I

notatur,

notatur. *Culpa verò est* priuatio rectitudinis moralis in actu positiuo, vel negativo, qua læsio alteri illata est, præter tamen sic operantis intentionem. quæ triplex est. Alia *lata*, ignorantis quod omnes scire tenentur. Alia *leuis*, ignorantis, quod diligens paterfamilias scire tenetur. Et alia *leuissima*, ignorantis quod diligentissimus paterfamilias scire tenetur.

Suspectum igitur tutorem vel curatorem quilibet postulare potest, etiam mulier, si honesto affectu erga pupillum mouetur, non importunâ inuerecundiâ incitatur. Adeoq; & tutor vt suspectus remotus, potest contritores suos suspectos postulare, vt tantò magis infida sit societas malorum: præsertim cùm magis scire possit fraudes quarum particeps fuit. Sed ipsi pupillo hæc accusatio non permittitur: neq; enim illi credendum est, si de eius moribus iudicare velit, cui regendus ipse commissus est: maximè ob imbecillitatem iudicij. Adultis verò, & iam iudicio aliquo præditis, & regimine illo exsolutis, permittitur accusatio: sed ita demum si approbatur ex sententia propinquorum.

Finita tandem tutela datur pupillo: *Primò*, actio tutelæ directâ simpliciter: eius verò hæredibus directâ utilis. Tutori autem datur contraria iimpliciter: eius verò hæredibus utilis

utilis contraria. *Secundò*, datur actio ex stipulatu tacita. *Tertiò*, actio hypothecaria. *Quartò*, negotiorum gestorum, tum directa, tum contraria.

Secundùm igitur differentiam iam dictã, hoc iudicium *vel civile* dicitur, cùm tantùm remotio: *vel criminale*, si præterea pœna postulatur. *Bart: in l. 1. § 1. ff, b. t.*

*Finis Libri Primi.*

# INSTITUTIONVM

## IVRIS CIVILIS

### LIBER SECVNDVS.

#### TITVLVS I.

*De rerum diuisione, & acquirendo ipsarum  
Dominio.*

**T**Ransgreditur hoc secundo Libro Imperator ad alterum Iuris obiectum, videlicet res ipsas, de quibus ius personis dicitur. Rerum autem duplex est causã, de qua quæri & ius dici solet, nempe dominia, & obligationes.

ones. De dominiis itaque primo loco tractatur, tum quia natura priora sunt, tum quia ex dominijs & obligationes, & actiones oriuntur, veluti effectus ex causa.

Res itaq; est id, quod habet esse ordinatum ad hominis immediatam vtilitatem. Diuiditurque multifariam secundum diuersas considerationes eius.

Et *Primò* quidem *res aut sunt corporales*, quæ videlicet sui natura tangi possunt, vt vestis, lapis, &c. *aut incorporales*, quæ in iure tantum consistunt, vt vsus, seruitutes. &c.

*Secundò*, res aut sunt in nostro commercio, vt nostra vestis, aut extra nostrum commercium, vt res sacra.

*Tertiò*, res aut communes sunt iure naturali, vt mare, aer: aut publicæ, vt flumina; aut vniuersitatis, vt theatra & fora: aut nullius, vt res sacra: aut priuatorum, quæ ex varijs causis cuiq; acquiruntur, *vel de Iure Gentium, vel de Iure Ciuili*: idque vel titulo particulari, vel titulo vniuersali, vt infra latius patebit.

*Quartò*, res omnes aut seruiunt, aut non seruiunt, & liberè à possessoribus sine vlla obligatione alteri præstanda possidentur.

*Quintò & ultimò*, res aliæ diuini iuris sunt, & aliæ iuris humani. *Res diuini iuris* sunt partim sacra, vt templa & aræ: partim *religiosæ*, vt monaste-



monasteria & monumenta mortuorum: partim *sancta*, ut mœnia & portæ urbium. Sacra dicuntur, quia adhibitis ceremonijs per Antistites seu Pontifices cultui diuino dedicantur. Religiosæ dicuntur, à relinquēdo, quod eas in vsus profanos conuerti non liceat, sed sint relictæ ad vsu pium & quasi diuinum. Sanctæ dicuntur, quod sanctione legum peculiari aduersus iniurias hominum sint munitæ: Qua ratione etiam legati sancti dicuntur, quia omnium gentium arcano fœdere etiam inter hostes tuti sunt & pacati, tanquā pacis & fœderum conciliatores. *Res verò humani iuris* distinguuntur in *publicas* quæ ad multitudinem: & *priuatas* quæ ad singulos spectant, vel quæ in singulorum sunt dominio.

*Dominium* autem est *ius quo res cuiusq; propria est*: Vnde & proprietas appellatur. Siue, *dominium est plena & legitima in rem potestas, disponendi scilicet de eâ arbitrato suo.*

Acquirimus autem hoc dominium rerum, *partim iure Gentium, partim iure Civili.* Et quod de priuatis rebus non vnus Reipub. lege, aut more, sed plurium consensu gentium obseruatur, id ius gentium esse dicimus: quod verò vnaquæque ciuitas aut Resp. de rebus ciuium suorum sanxit, id ius ciuile rectè dici putamus.

*Primus itaq; acquirendi modus Iure Gentium, in rebus quæ nullius sunt. Occupatio, id est apprehensio rei ex earum numero, quas in naturali communione relictas diximus. Quod enim nullius est, & alicuius esse potest, id naturalis æquitas concedendū dicitur occupanti, quia malignitatis esset, impedire utilitatem alicuius, quæ sine vlla cuiuspiam iacturâ contingit.*

Sub hoc autem generali modo occupationis, continentur eius variæ species, veluti *venatio, piscatio, aucupium, prada belli, inuentio lapillorum, & thesauri.*

Et *venatio* quidem est prima species occupationis, qua feræ bestię in nullius dominio positæ occupanti acquiruntur, etiam in agro alterius, (nisi is ingredientem prohibuerit venatorem) quia hominis dominatui ab auctore naturæ Deo destinatæ & subiectę sunt. Hodie tamen passim venationem sibi Principes reseruant, priuatis eam interdicens. Unde etiam ad reparanda damna tenentur venatores, qui feras insectando fruges conculcant.

*Conar. ad Reg: Peccatum. par: 2. § 8. n. II.*

Similiter *Piscatio* hodie ad paucos redigitur, quæ olim iure naturali communis omnibus fuit.

*Aucupium* attamen liberius paulò exercetur, quia

tur, quia àèr in quo volucres degunt, communis est vbiq̃ue. Diuersum verò in piscibus, qui non àère cōmuni, sed aqua aliena continentur, vnde eius pars sunt.

*Præda verò belli* similis est venationi, vbi ea quæ excursibus paucorum solum hostile aut itinera infestantium paratur, singulis cedunt militibus. At quæ communi conflictu per exercitum acquiruntur, arbitrio Ducis, partim in ærarium publicum rediguntur, partim pro merito aut dignitate cuiusq̃; diuiduntur. Interdum verò in prædâ & direptionem militibus permittuntur.

*Inuentio* quoq̃; gēmarum & preciosorum lapillorum in littore, eiusdem conditionis est vt & mare, vnde coalescunt. Quod si verò tale quid vnus prior quidem inspexerit, & alter præuenerit apprehendendo; huius erit non illius; etsi enim ille inuenisse videtur, qui oculis deprehendit, tamen occupatio impletur manibus apprehendendo, non oculis deprehendendo. Quemadmodum autem occupando rem communem, eam facimus propriam: ita deferendo propriam, eam facimus communem, ita vt cedat occupanti: si scilicet eam abijcimus animo à nobis abdicandi. Vnde aliud est circa merces quæ in tempestate, exonerandæ naus causâ, iactari solent:

non enim ideò eas iactamus, quod eas nolumus in patrimonio nostro esse, sed vt reliqua seruemus, atque vitam ipsam.

Ad res pro derelicto habitas proximè accedit *Thesaurus*, qui definitur pecunia ante memoriam hominum recòdita. Vnde non erit thesaurus, si constet à quorum maioribus sit reconditus. Etenim ad thesauri naturam non sola temporis vetustas sufficit, sed simul requiritur, vt ignoretur, quis recondiderit: tunc enim perinde est, ac si dominum non habeat. Igitur thesaurus cedit inuenienti: cum distinctione tamen, primò loci, deinde modi quo inuenitur: nam in proprio loco inuentus, totus est inuentoris: in alieno verò fundo inuentus, siue religioso ac sacro, siue fiscali vel publico, cum domino eius diuidendus est.

*Secundus modus acquirendi Iure Gentium est Accessio.* id est acquisitio rei vnus ad rem alteram accedentis, ex vi solius adiunctionis: quæ est duplex: Naturalis & Industrialis.

*Naturalis alia est concreta*, vt Alluuiò, quæ est incrementũ latens, quo fluuius ripas proximas prædio alicuius auget, ab ijs aliorũ flectendo cursum suum: vel etiam terram ac glebam appellendo, quam vicini prædio abradit. *Alia discreta*, vt Colluuiò, quando fit insula in mari, aut fluuiò. *Et fetus animalium*, qui ex

qui ex brutis tuo dominio subiectis nascuntur. Quod itaq; per alluionem agro tuo (occupatorio subaudi vel artificiali: nam secus se habet in agris limitatis, aut assignatis, aut quæstorijs, assignatis, diuisis, limitatis, redditis, commutatis, subseciuis, & centuriatis) flumen adiecit, iure gentium tibi acquiritur. Quod autem per colluionem enascitur, id si in mari accidit, occupantis fit; ita tamen, ut qui occuparunt subsint iurisdictioni & imperio eius, qui id iam pridem in id mare suo territorio adiacens usurpat: si verò in flumine, tum si in medio est, communis erit eorum, qui ab utraq; parte fluminis propè ripam prædia possident: si verò alteri proximior est parti, tum eius, aut eorum erit, qui ab ea parte prope ripam prædia possident.

*Industrialis* itidem quoq; *alia est discreta*, ut sola fructuū perceptio, seu utilitas ex re proueniens. *alia concreta* in species complures diuisa, ut est specificatio, mixtio, confusio, suffutura, conflatio, pictura, inædificatio, inscriptio, & satio.

Quantum ad fructum. *Fructus* apud Grammaticos à ferendo dicitur: & significat omne id, quicquid fundus aut corpus aliquod profert renasciturum. Hic autem fructus significat, id lucrum quod superest deductis expen-



sis, quæ fiunt in fructibus quærendis, colligendis, & seruandis. Hinc vulgata fructuum diuisio sequitur, in Naturales, Industriales, & Ciuiles. *Naturales fructus sunt*, qui sponte naturæ, & tanquam gratuito eius munere, citra hominis laborem proueniunt, vt arborum pratorumq; prouentus. *Industriales fructus sunt*, quos scilicet industria hominis à naturâ vel promeretur, vel extorquet, vt sunt frumenta, trugesq; *Ciuiles, deniq; fructus sunt*, qui non ex rebus nascuntur, sed ex iure eius connexo, vel ex obligatione earum proueniunt, vt locatarum rerum mercedes. Iterumque *fructus alij sunt Pendentes, alij Percepti*. Pendentes dicuntur, qui adhuc fundo cohærent. Percepti dicuntur; quàmprimum à solo separati sunt, etsi nondum in horreum reconditi, quos aliquando & Percipiendos vocant: siue de usufructuario, siue de bonæ fidei possessore, siue de colono agatur. Igitur pendentes seu exstantes fructus, à quocunq; possessore restituendi sunt vnâ cum re principali, tanquã eius accessio, quia pars fundi sunt, quando Prætor hereditatem restituere iubet. Percepti verò & consumpti non item, quia mobilibus annumerantur, quæ bonæ fidei possessor lucrat. At malæ fidei possessor omnes omnino fructus cogitur restituere: exstantes quidem vindica-

vindicatione, consumptos autem condictione, etiamsi non est ijs locupletatus. *l. mala. C. de condic. ex leg.* quia quicumque malæ fidei possessor dicitur *Prædo*. Si quid tamen bona fide expendit, potest ex illis fructibus deducere impensas pro cultura & cura, idq; vtilēs tantum & necessarias; quia æquitas non patitur possessorem vniuersalem cum cuiusque damno & iniuria locupletari, etiā voluptuarijs impensis, si illi sunt profuturæ, nec rei pristinum statum læsuræ: quæ tamen per actionem nunquam repetentur, nisi à bonæ fidei possessore.

Hinc sciendum, *triplices esse impensas*: Necessarias, Vtilēs, & Voluptuarias.

*Necessariæ sunt*, quæ fiunt pro conseruatione rei simpliciter, & absque quibus res interitura, aut deterior futura est, vt ædificiorum fultura & resectio, vt ripæ fundo proximæ munitio, vt in locum demortuarum arborū aliarum submissio, &c.

*Vtilēs sunt*, quæ fiunt pro melioratione tantum eiusdem rei, aut quæ redditum rei augent, vt oliueta, arbusta, pastina instituere, &c.

*Voluptuariæ sunt*, quæ fiunt quidem pro aliquo ornamento ipsius rei, principaliter tamen fiunt causa tantum ostentationis ipsius expendentis, vt picturæ, incrustationes, aque  
salien-

salientes, balnea, viridaria, lauri, platani, cupressi, &c.

Quantum verò ad industrialis accessionis species concretas attinet, *Prima* inter eas est *Specificatio*, qua vnum totum in aliud essentialiter mutatur; habetque similitudinem cum generatione Physica, ut si ex tua vva faciam vinum. & tunc, si bona fide feci, putans esse vvam meam, vinum mihi acquiritur: teneor tamen, vel illud tibi dare, soluta mihi impensa & opera, vel valorem tuæ vvæ tibi soluere, aut tantundem vvæ tibi tradere. Si verò mala fide feci, tunc vinum fit tuum, nulla etiam mihi impensa operavé soluta.

*Secunda est Mixtio*, qua aliqua tota diversi generis accidentaliter mutantur in tertium totum, ut si ex tuo vino & meo melle faciam mulsum: tunc quia separatio fieri nequit, petet quisque pro ratâ suæ portionis, ita ut ratio habeatur ingredientiarum pretiosioris, si eius non vult fieri dominus in toto.

*Tertia Confusio*, qua aliqua tota eiusdem generis, tertium totum, eiusdem etiam generis per accidens constituunt, ut si meum vinum Romanum cum tuo Vincentino confundam: tum dic ut supra.

*Quarta Suffultura*, qua vnius materia ad vestimenta pertinet, submissa materię alterius  
pertinen-

pertinentis etiam, in eam sic transit, ut eandē cum illa concipiatur habere existentiam, ut si tuam purpuram meo holoserico supponā: tūc dic, ut supra proportionaliter discurredo.

*Quinta conflatio*, qua totum aliquod, in aliud totum mutatur, secundū accidētia tantū extrinseca, ut si ex tuo argento faciā vas, seu ichyphum: aut ex tuis arboribus nauem tum si species resolui potest in pristinam materiam, tum ea à te vindicari poterit; si non, tunc materia cedit formæ, cuius potentia vincitur.

*Sexta Pictura* seu scriptura: tum id quod tuę chartę ab altero inscriptum est, erit tuum: quod verò pictum in tabula tua, cedit pictori, præstantia namq; artis ad se trahit vtilitatē tabulæ. Interdum & ad scripturam eadem, pariter præstantia pertinet, si vel litteræ aureę sint, vel excellentis ingenij opus.

*Septima Inadificatio*, qua domus in alieno fundo constructa in ipsummet fundum transit. Porro cū quis ex alienā materiā in suo struit ædificium, eius quidem efficitur dominus, quia materiæ dominus eam repetere & recuperare prohibetur, ne ruinis vrbs deformatur: & naturali ratione superficies cedit solo. Verumtamen actione *de tigno iniuncto* æstimationem materiæ in duplum consequitur dominus.

*Vltima*

*Ultima Satio atq; Plantatio*, qua res vnus ad agriculturam pertinens, in rem alterius coalescit, vt alterius planta tuo fundo insita, postquam eum radicibus comprehendit, tua fiat. Idem iuris & de frugibus est, si in tuo fundo seminauerim.

*Tertius acquirendi dominij modus idemq; communissimus est, Traditio.* cum scilicet dominus possessionem rei suæ eo animo in aliquem, transfert, vt ipsum efficiat dominum. Ad quod requiritur *Primò Potestas*, nēpe vt traditio fiat à domino : quia nemo potest plus iuris in alium transferre, quam ipse habet. *Secundò, causa* efficax ad trāsferendum dominium, veluti emptio, venditio : absque eā enim non constat de voluntate domini & certa scientia. Hincque *tertiò* requiritur *voluntas domini*, sine qua non sufficit à procuratore rem tradi, nisi de domini voluntate expressa vel tacita tradatur, aliās nesciretur sitne donatio, an depositum, an verò mutuum? *Ultimò* requiritur *translatio rei* in apprehendentem, quæ in rebus mobilibus contingit cum manu prenduntur, in immobilibus verò, cum in possessionem earum quis inducitur. Etenim citra hanc apprehensionem, non trāsferet dominium sola causa seu conuentio. v. g. emptio venditio *l. 20. C. de Pact.* adeò vt re duobus vendita, ille eius



le eius efficiatur dominus, cui prius est tradita; non is-cum quo prius de emptione est conventum. *l. C. de R. V.* Vt autem traditio venditæ rei dominium transferat in emptorem, necesse est ex lege 12. tab: ab eo exsolutum esse precium; vel certè venditori satisfactum, eumue fide emptoris acquisivisse. § 34. *b. t.*

*Ultimus acquirendi dominij modus Iure Gentium est nuda voluntas domini.* quæ sufficit ad rem transferendam, interdum etiam sine traditione: veluti si rem quam tibi aliquis commodauerit, aut locauerit, aut apud te deposuerit, postea verò eam aut vendiderit tibi, aut donauerit, aut dotis nomine dederit. &c.

## T I T V L V S II.

*De rebus corporalibus, & incorporalibus.*

**S**ECUNDA rerum diuisio à substantia earum hoc titulo ponitur, cuius nos mentionem titulo præcedenti fecimus, quod nimirum rerum alie corporales sint, alie incorporales.

Corporalium verò rerum, quædam dicuntur esse *mobilia*, quæ moueri de loco possunt, vt vestis, nauis. quædam *immobilia*, quæ terræ coherent, vnde & *res soli* dicuntur, veluti prædia & domus.

Mobilia item alia dicuntur *preciosiora*. quæ  
quanti-

quantitate non censentur sed specie, ut vasa argentea, vel ærea; alia *viliora*, quæ illa censentur, & pondere, numero, atq; mensura constant, ut res ad victum pertinentes.

Incorporalia autem dicuntur esse iura, quæ etsi propriè nec mobilium, nec immobilium genere continentur, attamen adnumerantur immobilibus, quibus cohærent, veluti hæreditas, ususfructus, & obligationes quoquo modo contractæ: Sicut & iura prædiorum, tam urbanorum, quàm rusticorum, quæ etiam servitutes vocantur.

### T I T V L V S III.

#### *De servitutibus rusticorum & urbanorum prædiorum.*

**I**N numero incorporaliū est *Servitus*, quæ *quadrupliciter diuiditur*. Nam alia est *Personalis*, qua persona servit personæ: & de hac dictum est superius *lib. 1. tit. 3.* alia *Semipersonalis*, qua persona servit rei: alia *realis*, qua res unius servit rei alterius: quæ dicitur *prædialis*, vel rustica, vel urbana: & alia tandem *semirealis*, qua res unius alteri personæ servit à vero domino.

Ex his *servitus definitur* sic in genere, *ius percipiendi utilitatem à re aliena*. Nam hic non agimus de illâ servitute quæ personam personæ subijcit:

næ subijcit: sed de eâ, quæ ad exemplum illius, vel prædium vnus prædio alterius, vel rem vnus personæ alienæ obnoxiam facit. Quare *seruitus* hic *realis* nihil est aliud, quàm *conditio prædij, quâ id subijcitur prædio alieno ad aliquem ex se usum illi communicandum.*

Sunt autem *Prædia*, alia *Vrbana*, & alia *Rustica*, quæ non loco distinguuntur, sed materiâ & usu: nam quæ ad habitationem pertinent, urbana vocantur, quamuis ruri collocata: rustica verò, quæ ad fructus destinantur, veluti agri, pascua, siluæ, horrea, horti, quamuis in vrbe sint. Secundùm hanc igitur distinctionem, ipsæ quoq; *seruitutes*, cùm nihil sint aliud, quàm qualitates prædiorum & iura quædam, *partim rustica, partim urbana* sunt, prout vel ad rustici, vel ad urbani prædij commoditates referuntur.

*Seruitutes* itaque *rusticae reales* numerantur à Doctoribus *nouem*: *Primò. Iter*, quod est ius eundi & ambulandi hominis per fundum alienum, etiam super iumento, vel vehiculo. *Secundò. Actus*, qui est ius nō tantùm eundi, sed etiam agendi iumenta, per fundum alienum: Nam iter est, quâ homines, actus quâ pecora transeunt. *Tertiò. Via*, quæ est ius vehendi, agendi, & ambulandi; debetq; habere latitudinem octo pedum vbi recta extenditur, sed ec-

cim verò vbi obliquatur. *l. 8. ff. de seru: Rust.* ita vt per eam possint commodè, & lapides, & ligna trahi, absq; fructuum læsione. *Quartò.* Aquæductus, qui est ius ducendi aquam, per fundum alienum. *Quintò.* Adpullus pecoris ad aquam alienam. *Sextò.* Ius pascendi pecora in fundo alieno. *Septimò.* aquæ huius de puteo alieno. *Octauò.* ius coquendæ calcis. *Nonò.* ius fodiendæ arenæ.

*Seruitutes verò reales urbanae sunt numero sex: Prima,* Tigni immittendi, qua liceat trabes suæ domus in pariete vicini figere. *Secunda,* Onera ferendi, per quam cogitur vicinus, perpetuâ refectione custodire sui parietis integritatem, vt idoneus sit ad sustinendum vicini ædificiũ. *Tertia,* Stillicidij recipiendi, per quam vicinus tenetur recipere in suam aream aquam pluuialem, quæ de tectis vicini labitur guttatim. *Quarta,* Stillicidij non recipiendi, vbi abundat aqua, ne aream vicini inundet. *Quinta,* Altius tollendi ædes vicini, vt suæ à vento v. g. australi defendantur. *Sexta,* Altius non tollendi easdem, ne propriæ ab Aquilone v. g. priuentur, aut aspectu locorum amæniorum.

*Semireales autem seruitutes sunt numero tres; vsus, videlicet, vsusfructus, & habitatio, de quibus titulis sequentibus.*

**NOTA**, omnes istas ſeruitutes cōſtitui, tam contractibus inter viuos, quàm vltima voluntate : non tamen ex tempore, vel ſub conditione, quia ſic ne promitti quidem ſeruitus poteſt, quæ cauſam ſemper perpetuam & titulum requirit. Ex quo ſanè titulo oritur ius ſeruitutis conſtituendæ ; id eſt actio perſonalis quâ compellam promiſſorem, mihi conſtituere ſeruitutem. Namq; ea tunc demum cōſtituta mihi intelligitur, cū cepero ea vti (id enim vice poſſeſſionis eſt) cum patientia concedentis, quæ loco traditionis eſt.

Finiantur autem iſtæ ſeruitutes varijs modis, puta venditione, ſtipulatione, præſcriptione, conſolidatione, ceſſione, abuſu rei, interitu eiſdem, & remiſſione.

## T I T V L V S IV.

### *De Vſufructu.*

**EX**poſitis ſeruitutibus prædiorum, ſequitur de ſeruitutibus perſonalibus : inter quas eminet vſufructus : & definitur ſic :

Vſufructus eſt *ius alienis rebus vtendi, fruendi, ſaluâ rerum ſubſtantia*. id eſt, vt ſubſtantiam rei neque immutet, neq; corrumpat, ſed integram & illæſam ſeruet: vt ſi vſumfructum habeas gregis vel pomarij, tenearis in locum demortuarum pecudum vel arborum ſubſtitu-



ere alias: quatenus scilicet ex sobole siue fatu suppetant, non verò de tuo.

Constituitur autem ususfructus *voluntate domini*, quà testamento, quà contractu, non tantùm in fundo & ædibus, verumetiam, in seruis & iumentis, & cæteris rebus, exceptis ijs, quæ ipso usu consumuntur, vt vinum, oleum, frumentum, vestimenta, & pecunia. Interim & *à lege* constituitur, veluti ille qui patri competit in bonis aduentitijs filijfamilias: nisi id disertè prohibuerit ille à quo bona ista profecta sunt. Constituitur aliquando & *consuetudine*: passim enim superstes coniunx (excepto iure Polonico) retinet usumfructum in bonis coniugis sui prædefuncti. Nonnunquam & *à Iudice* inducitur ususfructus, veluti si cùm communis ager commodam diuisionem non reciperet, vni sociorum usumfructum, alteri proprietatem adiudicet. *l. 6. § 10. ff. com: diuid.*

Quod verò dicitur fructuarium posse causam proprietatis meliorem facere, non deteriorem *l. 13. ff. eod.* id intelligendum est de cultu rei, non autem de mutatione formæ. Vnde ædificare non poterit in fundo cuius usumfructum habet, nisi fortè horreum, quia ad recipiendum fructus spectat.

Ex quo principio sequitur, vt amittat usumfructum

fructum qui eo abutitur, si scilicet id spectet ad grandem substantiæ corruptionem: nam modica rei corruptio æstimatione damni re- compensatur. Extinguitur quoq; vñsfructus, morte fructuarij, vt & interitu substantiæ; tum quoque capitis diminutione maximâ & mediâ, vt banno imperiali seu infamia, non autẽ professione religionis in monasterio. Item, rei mutatione, non vtendo, in iure cessione, dominij comparatione, temporis lapsu, &c.

T I T V L V S V.

*De Vñu, & Habitatione.*

**H**Æc quoque seruitus personalis est, id est, à re personæ debita. Nam vñuarius est, qui habet facultatem vtendi oleribus, pomis, floribus, fœno, stramētis, lignis ad vñum quotidianum ipse, nemini verò eam poterit, aut locare, aut vendere, aut gratis concedere. Quod sanè facere potest vñufructuarius, qui habet facultatem omnes rei fructus percipiendi, non tantum ad necessitatem, sed etiam ad voluptatem; nec tantum pro se, vt vñuarius, sed & pro alijs, mercimonijq; causâ.

Simile est vñui lus habitationis; hoc tantum addito, quod qui illud habet etiam locare, ædes possit, is verò qui vñum tantum habet,

ipse solummodò cum familiâ & interim hospite vti debeat. Deinde habitatio in factò potiùs quàm in iure consistit, videturq; quasi domus ipsa esse: neque capitis diminutione, aut non vtendo, sed tantùm morte finitur.

## T I T V L V S VI.

*De Vſucapione & longi temporis præſcriptione.*

**M**odi acquirendi dominij *Iure Gentium* titulo primo sunt explicati, sequuntur, nunc modi acquirendi *Iure Ciuili* introducti, inter quos primus est Vſucapio. 2. Præscriptio. 3. Donatio. 4. Ius accrescendi. 5. Legatum. 6. Fideicommissum particulare.

Est autē Vſucapio *acquisitio dominij per continuationem possessionis temporis lege definiti*. Ad quam hæc quinque requiruntur: *Primò*, Bona fides, videlicet quod accipiens credat se rem à domino accipere, vel non à domino quidē, attamen de voluntate domini, qui eam dereliquit, aut neglexit. *Secundò*, Iustus titulus, vt donationis, v. g. vel emptionis, quia falsus titulus, non est titulus; neq; sufficit enim quòd putes te emisſe, si non emeris: vnde necesse est rem accepisse ex iusto titulo & sincerâ cōscientiâ. *Tertiò*, Tempus ad vſucapionem definitum; nempe si res est immobilis decennium, vel etiam vicennium, si dominus absens fuit, id

fuit, id est in alia Prouinciâ remotâ habitauit: si verò mobilis triennium. *Quartò*, Traditio causans possessionem, quæ est præambulum necessarium ad acquirendum rerum dominium præcedens illud, vel natura tantum, vel etiam tempore. *Quintò*, continuïtas possessionis. Nam si eam aliquâ parte temporis intermiseris, prior possessio non imputabitur vsucapioni; quippe quæ illo modo dicitur interrumpi. *l. 2. ff. b. t.* Deniq; *necesse est rem non esse per ius exemptam ab vsucapione*, quæ in quibuldam rebus locum non habet, veluti in rebus Diuini Iuris, quæque aliæ extra commercium sunt § 2. *Et 5. b. t.* Similiter rem furto vel vi ablatam, vel cum crimine Repetundarum quæsitam, quamuis bonâ fide acceperis, non poteris vsucapere, nisi redierit ante inpotestatem domini; tunc enim purgatur vitium, quod alioqui rem comitatur. Etiam res ex bonis pupilli eximitur ab vsucapione. *l. 3. C. de præscr. 30. l. 10.* tum res Fisci. *l. 2. C. cõmun. de usu. l. 1. C. de quadrien.* res dotales. *l. 4. l. 16. ff. de fun. dot.* res testamento prohibitæ alienari. *l. ult. § fin. C. comm. de leg.* res quæ à cuiusq; arbitrio pendent, quas vocant meræ facultatis, vt domum astrictius tollere, *l. 2. ff. de via.* res denique aduentitiæ filijfamilias *l. 1. C. de annual. l. 4. § ult. C. de bon. libe. qui i*

scilicet administratio & actio non ipsi sed patri competit, & proinde ipsi non valenti agere præscriptio non labitur.

Est autem Præscriptio, *exceptio quâ actor à iudicio repellitur, quia intra tempus lege præscriptum, non instituit actionem suam.* Hæc hodie sic ferè differt ab vsucapione, quòd per illam debitori liberatio ex tempore; per hanc possessori dominium acquiratur.

## T I T V L V S VII.

### *De Donationibus.*

**D**Onatio à donatione dicitur. Et est *acquisitio de iure civili per liberalitatem in aliū collatam, nullo iure cogente.* Vel sic: Donatio est *præstatio alicuius rei gratuita, id est sine mercedis diserta vel tacita conuentione.* Hæc olim non perficiebatur, nisi traditione vel stipulatione; hodie quocunque modo donantis voluntate declaratâ & acceptâ confirmatur: eiusque impletio non ad liberalitatem, sed ad fidem pertinet; quæ est pars iustitiæ, & proinde rectè iuris necessitate cōstringitur. Nec potest reuocari, nisi ex causa ingratitudinis: quæ fit non omissione officij, sed cōmissione maleficij aduersus benefactorem, si videlicet iniuriam grauem, vel corpori, vel honori, vel patrimonio.



patrimonio donatoris quis inferat, aut ei insidias struat.

Est autem Donatio duplex; alia *inter vivos*, alia *mortis causa*. Illa, solius liberalitatis causa facta. ista, mortis metu impendente, puta, valetudinis, nauigationis, peregrinationis, vel belli.

Quælibet autem est duplex: vel *pura*: vel *conditionalis*. Hæc, cùm ei conditio apponitur, si hoc aut illud feceris: vel si me mori cõrigerit. Illa, cùm sine vlla conditione donũ alicui confertur, simpliciter propter liberalitatem.

Ad donationem impropriã pertinet quoq; *Donatio nuptialis*, quæ scilicet ad subsidiũ matrimonij confertur; partim à muliere, & vocatur *Dos*: partim in eius compensationem, à viro, & dicitur *Donatio propter nuptias*. Quæ, quia ad compensationem dotis spectat, & soluto matrimonio ad maritũ reuertitur, ideo impropria donatio dicitur.

T I T V L V S VIII.

*Quibus alienare liceat vel non.*

**D**VO paradoxa hoc titulo proponuntur, *ut non dominus alienet. & dominus non alienet*: Quia enim suprà dictum est, dominium esse

ius siue potestatem disponendi de re arbitratu suo, ideò contra hanc definitionem opponitur, quòd aliquando non liceat domino rem alienare suã. Nam dotale, & etiam quasi dotale prædium maritus inuita muliere, per legem Iuliam, ab Augusto latam, prohibetur alienare, quamuis ipsius sit, dotis causa ei datum. Contra autem creditor, pignus ex pactione, quamuis eius ea res non sit, alienare potest. Dummodo ante id denunciauerit debitori testibus adhibitis. *l. 4. C. de distr. pign.*

Hic **NOTA**, neq; pupillum, neque pupillam, vllam rem sine tutoris autoritate alienare posse: adeò, vt si is pecuniam mutuam dederit, eam statim repetere possit rei vindicatione, tanquam cuius dominium penes ipsum remanserit. Non ideò tamen minus si illa pecunia fortuito casu perierit, id enim damno erit eius qui accepit: cùm dominij translatio inhibita in fauorem pupilli non debeat ad eius damnum deflecti. Si autem nummi quos mutuo minor dederit, ab eo, qui accepit, bona fide consumpti sunt, condici possunt ex præcepto Iustiniani: si verò mala fide, ad exhibendum de his agi potest.

Est autem condictio crediti, vel condictio indebiti, *alia ex numeratione, & alia ex consumptione*. Ex numeratione, si utilis sit numeratio. Ex

tio. Ex cōsumptione, si inutilis sit numeratio, & si bonæ fidei sit consumptio. I. C. Intellige autem hoc de alienatione facta à minore sub curatore constituto, non quidem immobilium (nam ad eā decreto magistratus opus est) sed mobilium tantum, & quidem eorum solummodo quæ vetustatem non ferunt.

T I T V L V S IX.

*Per quas Personas cuiq; acquiratur.*

**O**Mne quod acquiritur, aut dominium est, aut possessio, aut obligatio. De acquirendo dominio aut possessione in hoc titulo agitur; de acquirenda verò obligatione libro sequenti.

Dominium itaque rerum, de Iure Ciuili titulo vniuersali, acquiritur quatuor modis. 1. *per Adrogationem.* 2. *per Additionem bonorum causa conseruandarum libertatum.* 3. *per hereditatem.* 4. *per Bonorum possessionem.*

Istud autem dominium acquiritur nobis, non solum *per nosmetipsos*, sed etiam *per seruos*, quia domino pro instrumento sunt; itemq; *per filios familias*, quia vna cum patre persona censentur; & interdum *per procuratorem*.

**N O T A**, quod Monachus hodie nihil sibi acquirit, ad instar serui, sed omnia monasterio.

rio. c. 6 extr. de stat. mon. Filius autem familias quicquid à patrimonio patris separatum possidet, id totum vocatur *Peculium*. quod est quadruplex. Aliud *Profectitium*, & Aliud *Castrense*, Aliud quasi *Castrense*, & aliud *Aduentitium*.

*Peculium Profectitium est*, quod ad filium peruenit, siue proficiscitur ex re patris: veluti si filio donetur impuberi aliqua res ab amico contemplatione patris: vel si filius exercendo pecuniam patris lucratus est aliquid: id totum secundum antiquam observationem acquiritur patri. Vnde & illud quod liberis per sponsores donatur in baptismo, pleno iure patri cedit (nisi nominatim aliud cautum fuerit ab illis) quia & infans proprio affectu nihil meruisse videtur, & filius familias adultus omnes operas suas patri absque omni dubio debet circa res eius.

*Castrense peculium est*, quod ad filium familias peruenit occasione militiae: id totum eius est, nec usufructu quidem tenus pertinet ad patrem.

*Peculium quasi Castrense est*, quod ad similitudinem castrensis filius ex officio in Republica, aut ex studiorum liberalium honore acquirit, veluti aduocatus, consul, aut medicus factus; id totum pleno iure est filij familias

lias, ac si paterfamilias ipse fuerit. Eodem referuntur illa quæ ex beneficijs Ecclesiasticis filiusfamilias acquirit; quod hæc nimirum ad militiam sacram pertineant, quæ rogatæ & armatæ militiæ par aut potior est.

*Peculium denique aduentitium est*, quod filiofamilias obuenit ex industriâ priuatâ, veluti ex mercaturâ aut artificio, itemque ex successione vel etiam donatione. Huius peculij pater vsum fructum habet, filius verò proprietatem: sed post emancipationem in dimidiâ tantum parte retinet pater vsumfructum. *l. 6. C. de bonis quæ liberis. § 2. b. t.*

## T I T V L V S . X.

### *De Testamentis Ordinandis.*

**D**iximus paulo superius, dominium non tantum per res singulas acquiri, sed etiâ per vniuersitatem rerum: hæc autem rerum vniuersitas potissimum acquiritur successione seu hæreditate, quæ partim ex testamento, partim ex lege proficiscitur.

*Testamentum igitur* (quasi mentis testatio) *est voluntatis nostræ iusta sententia de eo, quod quis fieri vult post mortem suam.* Et est duplex. Aliud nuncupatium, & Aliud in scriptis.

Nuncupatium testamentum est, *ultima morien-*



*morientis voluntas, non scriptis, sed verbo tantum;  
in presentia testium comprehensa.*

*Scriptum verò testamentum est, ultima defuncti voluntas solemniter in testium presentia scriptis comprehensa.*

*Sciendum autem primo, ad validitatem Testamenti requiri testes numero septem, qui præsente testatore, omnes simul collecti, illud subscribant, & signent proprijs (vel interdum alienis) sigillis; quod non debet aperiri, nisi mortuo ipso testante. Hæredis autem nomen ab ipso testatore, vel ab vno testium dictante testatore sit scriptum, si periculosum est eius nomen tam multis testibus innotescere.*

*Sciendum secundò, non posse testes fieri ad subscriptionem testamentorum, qui vel corporis vitia habent, ut muti, surdi, cæci: vel mentis defectum patiuntur, ut furiosi, impuberes, prodigi: vel qui per legem reijciuntur à talibus actibus propter vitæ probra, veluti damnatus de crimine; siue propter conditionem, ut seruus, & in potestate testatoris positus: vel denique ob sexum, ut mulier; quæ nihilominus in codicillo, & dispositione militis, vel inter liberos, aut tempore pestis, cum masculi non possent haberi, vel ad piam causam testis esse poterit: nisi sit meretrix, vel de-*  
*prehensa*

prehensa in adulterio. l. 3. § penult. & l. 18. ff. de testib.

*Sciendum tertio.* Neminem posse idoneum testem fieri in re propria: non prohiberi tamen à testimonio in testamēto filium vel fratrem testatoris, si emancipati sint, similiter nec maritū, aut vxorem, aut ministros. Quinimo filios familias de castrēlibus testanti pater esse testis potest, si testetur ex privilegio militis.

T I T V L V S XI.

*De militari testamento.*

**Q**Voniam miles arma potius quàm iura nosse debet, ideo supra dicta diligēs observatio in ordinandis testamentis militibus propter nimiam imperitiā eorum constitutionibus Principum (primus autem id privilegium concessit Iulius Cæsar) remissa est. Ut tamen certa sit militis voluntas, nec in damnum eius, cui consultum esse cupit, aliquomodo cedat, necesse est ut duos saltē testes ad hunc actum aduocet. Quod si verò scripturam adhibuerit etiam sine testibus testamentum eius valebit: qui tunc tantum desiderantur, cum sine scriptis voluntatem suā remanētem nuncupat in ipso prælio; aliud, si in castris. Idem valet quoque, si moriens in pugna voluntatem

tem suam, vel sanguine in clypeo, vel gladio in terrâ descripserit.

Cessat autem hoc priuilegium, si miles extra expeditionem, id est castra & exercitum, in hybernis agit: multoque proinde magis, si bellum sopitum est, & milites exauthorati sunt; nam tunc per otium facultatem habent se instruendi.

Sed & si quis ante militiam sine solemnitate testamentum condidit, & deinde miles factus, coram testibus, aut per scripturam approbauit illud, valebit quasi ex noua voluntate factum; licet in eo emendauerit, aliquid detraxerit, aut adscripserit.

## T I T V L V S XII.

*Quibus non est permixsum facere Testamentum.*

**P**ostquam de formâ testamenti dictum est, sequitur nunc dicendum de causa efficiente. Quamuis enim omnibus competat fauorabilis hæc testandi facultas, non tamen omnibus licet facere testamentum, sed pluri-  
mi iure gentium vel ciuili, prohibiti inueniuntur. Inter quos:

*Primò est Impubes, qui usu mentis caret, nec attingit annum 14.*

*Secundò Filius familias, non solum de peculio pro-*

lio profectio, sed nec de proprietate aduentitij, neque ad pias causas, quamvis pater cōsentiat, & postea testans sui iuris factus decedat. Aliter tamen qui castrense, vel quasi castrense peculium habent.

*Tertiò, Mentecaptus*, perpetuam videlicet habens mentis alienationem.

*Quartò, Furiosus* actu, pro tempore nimirum tantum dictam habens alienationem, licet in lucido postea intervallo decedat. Factum tamen testamentum tempore intervalli valebit.

*Quintò, Prodigus*, ne potius ad socios prodigalitatis & scorta, bona sua deferat, quam ad propinquos aut hæredes. Nisi facta commutatione morum, frugi per triennium vixerit.

*Sextò, Servus*, aut ab hostibus captus: nisi testamentum ante captiuitatem factum fuerit. Idem de obside intelligendum.

*Septimò, Morti aut pæna damnatus*, hoc est ad bestias, aut ad metallum: cuius testamentum etiam ante talem damnationem factum irritatur.

*Octauò, Læsa Maiestatis reus*, qui ne quidem pendente iudicio testamentum rectè conder. *l. vl. C. ad l. Inl. Maiest.* Et tamen id secutâ absolutione conualecet. *Faber. h.*

*Nonò, Cæcus utroq; lumine*, nisi omnia scribantur

bātur à Notario, octo testibus adhibitis. Quāvis id aliās in nuncupatio testamento non requiritur. Verū hodie hanc tam curiosam solemniū observationem remitti cæco inter liberos disponenti, frequentior est opinio.

*Decimò, Surdus & mutus simul à natura*, nisi scribere sciat, aut miles sit, aut deniq; à Principe in hoc priuilegiatus, idque sine solemnitatibus. Quod tamen in Polonia, in Magna familia, contrariè factum vidimus. & tu in surdastro & mutastro intellige.

*Vltimò, Dubius de suo statu*, quamuis de eo mota tantū sit eidem controuersia. Sed & Religiosus professus testamentum condere nequit, etiam de rebus, quæ ante emissam ab eo professionem erant suæ, licet superior consentiat.

## T I T V L V S XIII.

### *De Exheredatione liberorum.*

**H**Oc titulo & sequenti tractatur de materiā testamenti: debet enim continere liberorum, quos testator habet, vel institutionē, vel exheredationem, id est, expressam eorū repulsionem ab hæreditate. Alioqui enim ex præteritione eorum testamentum vires amittit.

*Est igitur exheredatio, expressa ademptio hæredi-*



hæreditatis, vel partis à venientibus ad illam, ex lege 12. tab: fuitatis iure.

*Præteritio verò est, tacita ademptio hæreditatis, vel partis à venientibus ad illam eodem iure.*

Antiquo etenim iure multiplex hac in parte differentia fuit circa liberos primi, aut vltioris gradus, mæculos aut fæminas, iam natos aut posthumos, suos aut emâcipatos, quæ hoc titulo exponitur, sed iure nouissimo est antiquata. Secundùm quod non aliter legitima est exhæredatio patris, siue præteritio matris, parentum ué maternæ lineæ, quàm si fiat ex causâ iure probatâ, & à testatore adscriptâ. Adeò vt eo non obseruato, deficiat ipso iure testamentum: saluis tamen legatis, & aliis capitibus præter institutionem.

*Causas autem exhæredationis Iustinianus in d. Nouell: 115. ad 14. capita reuocauit. Ex quibus* decem pertinent ad violationem pietatis parentibus debitæ: reliquæ quatuor sunt, quæ non directo pietatem lædunt, sed ad aliamtutitudinem pertinent. Harum

*Prima est, Insidiæ à filio salutis patris intentatæ, veluti veneno.*

*Secunda, Accusatio: nisi in crimine læsæ Maiestatis. Debet tamen filius patrem hostili animo aduersus Remp. animatum antè mo-*

nere, quam ad accusandum profligare.

*Tertia*, Delatio, cum insecuto damno.

*Quarta*, Iniuria iniectis violentis manibus.

*Quinta*, Contumelia atrox per verba.

*Sexta*, Impedimentum obiectum quo minus ex animi sententiâ testaretur.

*Septima*, Incestum cum Nouerca.

*Octaua*, Neglectio parentis furiosi.

*Nona*, Desertio eiusdem in captiuitate hostili.

*Decima*, Desertio eiusdem in carcere propter æs alienum inclusi.

*Undecima*, Hæresis.

*Duodecima*, Professio artis arenarij vel mimi: nisi talis & ipse pater sit.

*Tredecima*, Societas sceleris cum maleficis.

*Vltima*, Si filia pudicitiam prostituat: nisi id faciat patre negligente ipsam nuptijs collocare post 25. ætatis annum. Aliud erit, si tantum amoris vnius pudorem impenderit. Sed nec talem exhæredare mater potest, quæ promiscuè se aut quæstus causa publicat, si ipsa talis est. Quod si verò filia viuo patre aut matre ad bonam frugem se composuerit, aboleri hanc exhæredationis causam

pleriq; putant.

## T I T V L V S XIV.

*De Hæredibus instituendis.*

**D**Iximus superius, quòd hæreditas testamentaria consideratur, vel prout relinquitur alicui, & tunc dicitur *Institutio*: vel prout adimitur, & dicitur *Exhæredatio*: vel tandem prout testans negatiuè se habet ad prædicta, & dicitur *Præteritio*. De Exhæredatione & Præteritione Titulo superiore egimus; nunc verò agendum est de Institutione.

Hæredis itaq; Institutio non materiam tantum testamenti principalem, sed etiam formam continet, quâ à reliquis ultimæ voluntatis speciebus differt, & sine quâ consistere non potest. Ideo in hac testamenti perfectio & integritas cernitur.

Nihil enim aliud est *Institutio hæredis*, quàm designatio successoris in omne ius defuncti, quod non minus onera, quàm commoda continet.

*Hæres verò est*, qui venit ad successionem defuncti, ex leg: i 2. tab. siue ex testamento, siue ab intestato, siue in tota hæreditate, siue in quota eiusdem institutus. *Et est triplex.*

*Primus dicitur necessarius*, qui sic institutus velit, nolit, tenetur adire hæreditatem, & est seruus respectu sui domini, vt supra, ab eodẽ institutus.

*Secundus dicitur Suus, & necessarius simul, attento Iure Ciuili, & est, qui primam tenet passiuæ potestatis patriæ locum apud ipsam defunctum, vt filiusfamilias, neposfamil. &c. in suis casibus. Et hic fit ipso iure hæres, quauis paterf. vel simpliciter, vel ex defectu solemnitatum testamenti, decesserit intestatus. Hodie verò de Iure Prætorio talis hæres potest se ab ipsa hæreditate abstinere: vnde suus tantum in effectu (licet secus quoad nomen) asseri potest.*

*Tertius dicitur extraneus, qui à iure testantis exemptus est, qui liberè potest adire, vel non adire hæreditatem (etiam ab intestato sibi delatam) qualis est etiam. 1. filius emancipatus respectu patris, vel nepos emancipatus respectu aui. 2. filius respectu matris. 3. seruus proprius respectu domini à quo institutus est, & postea ab eodem inter viuos manumissus; & è contra in omnibus casibus. Vnde hæres ab intestato est tantum duplex. Alius Suus, & alius Extraneus. qui tamen non semper in effectu sunt hæredes, sed tum solum cum passiuam saltem habent testamenti factionem; id est, cum saltem aliquid ex testamento defuncti capere possunt.*

Hinc Nota differentiã Legatarij ab Hærede, quia Legatarius non personæ defuncti substitui-

substituitur, nec ari alieno eius illigatur (cum non in ius & statum vniuersum rei familiaris veniat) sed in certarum rerum corpora succedat. *l. si hereditatem. 32. ff. mand.*

*Institutio autem heredis. Alia est expressa, ut si testans dicat, Instituo Titium. Alia Tacita, ut si aliâs vltimatè disponens codicillando dicat: Quisquis mihi hæres erit, rogo eum, ut det Petro centum.*

Item *Institutio expressa duplex* esse videtur. *Alia pura* siue vniuersalis, siue particularis, quæ sine cohærede instituta, reliquas partes omnes hereditatis, iure accrescendi, proximis cognatis præripiet: nisi testator miles sit. Et *Alia Conditionalis*, sub conditione tamen possibili facta, alias conditione Impossibili, Difficili, aut Perplexâ, apposita, vim puræ obtinebit. Quæ nihil aliud est, quàm incertus euentus, ex quo suspenditur dispositio; habitura scilicet effectum illâ eueniente, defectura verò illâ deficiente. Est autem *conditio possibilis triplex*: *Alia fortuita* à casu pendens, veluti si bellum finietur, quæ viciat institutionem liberorum. *Alia arbitraria*, consistens in potestate heredis: veluti si monumentum mihi extruxerit. *Alia denique mixta*, quæ vtriusque qualitatis est particeps, veluti si Ioannam duxerit: sed magis hæc ad naturam arbitrarie



accedit: quia si hærede in nuptias parato, Io-  
anna recuset; pro impletâ habebitur condi-  
tio. Plures verò conditiones simul positæ, vel  
*disiunctiue* concipiuntur: & sic sufficit impleri  
vnam. vel *coniunctiue*: & sic omnium partiū  
veritas desideratur.

Utraque demum Institutio hæc tam Pura  
quàm Conditionalis, *Aut in primo gradu est*, &  
dicitur simpliciter Institutio, vt Instituo Pe-  
trum; *Aut in secundo*, & dicitur Substitutio, vt  
instituo Petrum, & si Petrus hæres non erit,  
instituo Paulum, aut ei substituo Paulum. De  
qua Substitutione titulo sequenti: nunc verò  
videamus quomodo quælibet hæreditas de  
Iure diuidatur.

Legali ergo diuisione, *Hæreditas in duodecim*  
*partes diuiditur*. quarum quælibet dicitur *Vn-*  
*cia*. Duæ simul, *Sextans*: tres partes simul, *Qua-*  
*drans*: quatuor, *Triens*: quinque; *Quincunx*: sex  
partes seu medietas hæreditatis, *Semis*: septem  
partes hæreditatis, *Septuns*: octo, *Bes*: nouem,  
*Dodrans*: decem, *Dextans*: vndecim, *Deunx*:  
duodecim simul, *Libra*, seu *As*.

Quod si igitur in assignandis partibus, ex-  
cedatur numerus duodenarius, tunc primæ  
duodecim partes dicuntur *pondium* (diuisa ni-  
mirum hæreditate in vncias viginti quatuor)  
secundæ verò duodecim dicuntur *dupondium*.

Etsi plu-

Et si plures hæredes adhuc erunt, tunc tertio in duodecim partes hæreditas diuidēda erit, quæ appellabuntur *tripondium*. Si itaq; plures instituti ex partibus excurrētib; ultra assēm, & alius præterea sine parte: is habebit quod deest dupondio. Si verò distributio dupondium expleuit, & deinde adhuc alius institutur non adscripta parte: is trientem auferet non semissem hæreditatis. At si primæ duodecim non fuerint omnes assignatæ, tunc residuæ per ius Accrescendi acquirentur illis, quibus cæteræ sunt assignatæ, seruata tamen proportione Geometrica. Et hæc de Institutione in primo gradu: nunc videamus de Institutione in secundo vel vltiori gradu, quæ dicitur Substitutio.

T I T V L V S XV.

*De vulgari Substitutione.*

**S**ubstitutio est ordinatio siue designatio hæredis in locum instituti priore gradu, si is fortè hæres non extiterit. Exempli causa. Institutio est. *Titius mihi hæres esto.* Substitutio verò est. *Si Titius mihi hæres non erit, Sempronius mihi hæres esto.*

Est autem duplex Substitutio hæc. Alia directæ, id est verbis directis facta, quæ in suis casibus

substitutus potest auctoritate propria hereditatem capere. Alia obliqua, seu verbis obliquis facta, quæ fideicommissum vniuersale dicitur, quæ videlicet substitutus eger auxilio instituti, ut ipsam valeat consequi hereditatem, ut nimirum illam adeat institutus, & postea illam substituto restituar.

Et quidem *Directa Substitutio est sextuplex*, Alia Vulgaris, alia Pupillaris, alia Exemplaris, alia Reciproca, alia Compendiosa, & alia Militaris.

*Substitutio Vulgaris*, alia expressa, alia tacita, hoc est expressis vel tacitis vulgaribus verbis facta; simpliciter illa, ista secundum quid dicta; vel fit generatim, vel speciatim, à quouis tamen, utraq; & cuicumq;, & de quocunque, & in quemcunq; casum fieri potest.

*Pupillaris*, (de qua titulo sequenti) & quodammodo utilis, his tantum concessa est, qui liberos habent in potestate.

*Exemplaris* in fauorem furiosorum introducta (ut Ioannem filium meum furiosum instituo, & si Ioannes hæres non erit, vel erit, sed in furore decesserit, ei substituo Petrum) euanescit ex superuenientia sanitatis etiam hereditate non addita: non tamen euanescit in vim vulgaris substitutionis. Dicitur autem substitutio ista exemplaris, quia ad imitationem pu-

nem pupillaris est facta. A qua differt in hoc, quia in Pupillari quilibet potest substitui; in Exemplari verò non item; sed primo loco debent substitui filij talis furiosi; deinde illis nonstantibus, fratres, & sorores eiusdem. Postmodum verò, neque his existentibus possunt substitui extranei, capaces tamen.

*Substitutio Reciproca* vocatur illa, quæ est facta pluribus cohæredibus inuicem; ut Titium & Caium instituo, & eos inuicem substituo. Idq; expressè vel tacitè: si enim vnus nolit esse hæres, tunc alteri per ius accrescendi tota hæreditas acquiritur adeucti. Et si fuerint plures instituti ex inæqualibus partibus, & contingat ex ijs tertium repudiare hæreditatem: reliqui duo eius portionem participabunt non aequaliter, sed ex ijs partibus quæ ipsis in institutione assignatæ sunt. Vulgò hanc substitutionem Breuiloquam vocant.

*Substitutio Compendiosa* dicitur, quæ verbis directis conditionem continentibus plura tempora mortis futuræ, vel alterius effectus continet, ut Titium filium meum instituo, & quandocunq; decesserit, vel consul factus fuerit, ei substituo Caium. Diciturq; Compendiosa, quia sub compendio verborum continet primariò plura tempora, secundariò verò plures etiam substitutiones,

*Substitue-*

*Substitutio demum Militaris* appellatur illa, quæ à milite, maiori, etiam extraneo, ac post aditam hæreditatem facta est.

Sciendum tamen, duas substitutionis species primarias esse, Vulgarem & Pupillarem, reliquæ autem earum tantum accessiones siue sequelæ sunt.

## T I T V L V S XVI.

### *De Pupillari Substitutione.*

**Q**uemadmodum vulgaris Substitutio dirigitur in casum non aditæ hereditatis, ita Pupillaris in casum mortis filij impuberis. Itaque

*Pupillaris Substitutio est*, institutio in secundo vel ulteriori gradu facta pupillo ab habente illum in potestate patria. ut Titium filium meum impuberem instituo, & si Titius hæres non erit, vel erit, sed in pupillari ætate decesserit, ei substituo Caium.

Est autem *Duplex Substitutio Pupillaris*. Alia Expressa, quæ ab omni successione pupilli excludit matrem eius. l. 8. § 5. ff. de inoff.

*Alia tacita*, quæ non valet ad excludendam matrem, etiamsi substitutus sit frater pupilli. l. 8. C. b. t.

*Differentia vero vulgaris & pupillaris substitutionis hac est.*

*Primò,*



*Primò*, Quod vulgaris fuit inducta à lege  
12. tab. pupillaris verò ab ipsa consuetudine.

*Secundò*, Illa fit à quouis ; hæc verò tantum  
ab habente institutum in patria potestate.

*Tertiò*, Illa fit cuicunque hæredi, & cuius-  
vis ætatis : hæc tantum suo impuberi.

*Quartò*, Illa, vt sic, expirat aditione hære-  
ditatis : hæc, vt sic, pubertate tantum.

*Quintò*. Illa procedit in hæreditate tan-  
tum Instituentis : hæc etiam in hæreditate i-  
pſius instituti : cum tale testamentum vim  
duorum testamentorum habeat ; & sic ipsa  
institutio dicitur prima tabula, substitutio ve-  
rò dicitur secunda tabula.

*Sextò*. Illa habet locum contra omnes præ-  
tendentes in iure substituentis : hæc verò nō  
item contra matrem.

Iisdem modis dicas differre substitutionē  
vulgarem ab exemplari proportionaliter dis-  
currendo, vt supra ; vt quod prima fiat cui-  
cunque, secunda verò tantum filio furioso ;  
& quod hæc expiret, vt dixi, superuenientia  
sanitatis : atque hinc sanē quasi Pupillaris di-  
citur, quia per eam ad exemplum pupillaris,  
licet parentibus substituere liberis suis furore  
occupatis, non tamen quemlibet, sed ante  
omnes vel aliquem ex liberis furiosi, aut si ij  
desunt, ex fratribus sororibusuē. § 2. h. t. reli-  
quis

quis furiosi liberis legitima portione relictâ,  
DD. ad d. l. 9.

Et hæc substitutio paterni testamenti quædam appendicula est: potestque fieri etiam exhæredato. Masculo igitur usque ad quatuordecim annos substitui potest: feminæ usque ad duodecim annos. Et si hoc tempus excesserint, substitutio evanescit.

## T I T V L V S XVII.

*Quibus modis testamenta infirmantur.*

**H**AËtenus expositum est, quomodo testamentum constituatur, nunc dicendum est, quomodo ea semel cõstituta dissoluãtur.

*Duobus itaque modis potest infirmari testamentum.* Primo, ipso Iure, Secundo, Officio Iudicis. De primo modo, hoc titulo agemus. De Secundo, sequenti.

Et de Iure quidem, sex modis contingit infirmari Testamenta. *Primò*, statim ut est factum, si sit deficiens in solemnitatibus, & tunc appellatur, *Testamentum non iure factum. Iniustum, Imperfectum, aut Nullum*, quia ab initio & ipso iure non valet. § 6. b. t.

*Secundò*, iam post factum, natiuitate posthumi, siue naturalis, siue legalis: & tunc dicitur testamentum ruptum.

*Tertiò*

*Tertiò*, factione alterius testamenti: incit enim tacitè in secundo clausula derogatoria primi. Secus si talis clausula, quamvis expressa sit in primo testamento posita, etenim per illam non nocetur secundo, nisi incontinèti secundum testamentum sit factum, post dictum primum.

*Quartò*, petitione bonorum possessionis contra tabulas factas ab instituto.

*Quintò*, quavis capitis diminutione testantis, per quam scilicet amittitur testamenti condendi potestas: & tale testamentum vocatur *Irritum*.

*Ultimò*, defectu hæredis non aduentis hæreditatem, quod appellatur *Desertum*, siue *Destitutum*. Quod si verò institutus præmoriatur testanti, dicitur *Caducum*.

Quod si autem quæras. *Utrum secundum testamentum imperfectum rumpat aliquando primum perfectum?* Respondeo quod sic:

*Primò*, si in secundo testator dicat se nolle valere primum, & postea lapsi sint decem anni; nam validitas primi dicitur præscripta.

*Secundò*, si secundum sit à milite factum, militari saltem solemnitate.

*Tertiò*, si in secundo sint instituti venientes ab intestato.

*Quartò*, si ex primo testamento hærede non

non adeunte, hæres ex secundo adeat.

*Quintò*, si in secundo adsit clausula Codicillaris, videlicet, si hoc testamentum non valet iure testamenti, valeat iure Codicilli; qua sustinetur secundum testamentum, quavis deficiens in institutione, in vim videlicet alterius ultimæ voluntatis. Nam talis clausula in dicto casu adimit hæreditatem iam in primo testamento datam, quæ postea confirmatur inveniente ab intestato ad illam.

*Sextò*, si secundum sit factum ad pias causas.

*Septimò*, si ambo sint condita à rustico, qui testari potest quinque saltem tantum testibus adhibitis, eius tamen voluntate ad scripturam redacta, ac per dictos testes subscripta.

*Octavò demùm*, si secundum coram Principe sit factum, aut eidem insinuatum, & de hoc constet. Insuper iuramento firmatum testamentum reuocari potest, si vel iniquum sit, vel imperfectum, vel aliqua iusta reuocandi causa intercedat.

## T I T V L V S XVIII.

### *De Inofficioso Testamento.*

**R**escinduntur etiam testamenta & infirmantur officio Iudicis, quando est factum aliquod testamentum contra pietatem. Hinc datur

datur actio seu accusatio ob exhæreditationē sine causa, aut præteritionem, quasi testator non fuerit sanæ mentis, dum præteriit sine iusta causa aut exhæredauit eos, quos pietas iudicabat esse instituendos.

*Testamentum itaq; inofficiosum est*, quod contra officium pietatis factum est. Cuius accusatio primò competit liberis, deinde parentibus, deniq; fratribus aut sororibus, ut ita ipsis aperiatur via succedendi ab intestato. Quod sanè genus accusationis siue actionis, verecundiore nomine, in honorem sanguinis mitigatum, appellatur *querela inofficiosi*; quæ, extra triplicem istum ordinem personarum non competit reliquis cognatis.

Cessat tamen querela hæc de inofficioso testamento in quinque casibus. *Primò*, si potens illā proponere alio modo queat ad successionem defuncti venire. *Secundò*, si quid ei relictum sit iure institutionis; aut iure legati in Codicillo, unde legitimam supplere poterit. *Tertiò*, post quinquennium, quo præscribitur querela. *Quartò*, si talis agnouit legatū sibi in dicto testamento relictum.

*Vltimò*, cessat querela contra testamentum militis.



## TITVLVS XIX.

*De hæredum qualitate & differentia.*

**O**Mnis effectus testamenti consistit in aditione hæreditatis, cuius ratio vt noscatur, distinguendi sunt hæredes, in Necessarios, in Suos, & in Extraneos.

*Necessarius hæres est*, cui non licet hæreditatem reijcere, vt seruus à Domino institutus; qui velit, nolit, tenetur adire hæreditatem.

*Suus hæres est*, qui in potestate testatoris constitutus est, vt filiusfamilias, nepos, & omnes ferè liberi primi gradus, quos vinculum potestatis patriæ vnā quodāmodo cum parente personam constituit.

*Extraneus verò est*, qui à iure testantis exemptus est, & qui liberè potest adire vel non adire hæreditatē, etiam ab intestato sibi delatā.

Sui igitur, quia ipso iure, citra vllum factū aditionis, adeoque & citra auctoritatem tutoris hæredes existunt; ideo suscipientes hæreditatem dicuntur se *immiscere*, reijcientes verò, *abstinere*. Extranei autem dicuntur *adire* hæreditatem, reijcientes, *repudiare*.

NOTA, quòd circa aditionem hæreditatis tria tempora sint inspicienda. *Testamenti factio, Mors testatoris, & Tempus aditionis*. Vt igitur suus potiatur hæreditate, sufficit ipsum, eius ca-

eius capacem esse tempore mortis & con-  
dendi testamenti; etiamsi aditionis tempore  
capax esse desierit: quia scilicet hæc in eius  
personâ non desideratur. Diuersum est circa  
extraneû: qui tribus illis temporibus capax  
esse debet: sed medijs temporibus incapacẽ  
fuisse non obest. § 5. *b. l. si alienum 49.*

Additione igitur hæredes demum efficiun-  
tur, institutione tantûm destinati aut designa-  
ti: & succedentes in vniuersum ius defuncti,  
eiusq; personam repræsentantes, consequen-  
ter sese eius æri alieno quoq; subiiciunt: sin-  
guli nimirum pro portione ex qua hæredes  
sunt, circa cæteras enim extraneorum loco  
sunt. *Gomes de Contract. c. 10. n. 3.* Ideo eis cõ-  
ceditur *Ius deliberandi*, id est, spatium certi  
temporis facultasq; interea explorandi atque  
expendendi vires & onera hæreditatis. Et qui-  
dem tempus longius anno per Principem, aut  
longius nouem mensibus per iudicem non  
obtinetur; nec breuius dandum centû diebus

## T I T V L V S XX.

### *De Legatis.*

**Q**uamquam legata spectent ad modos ac-  
quirendi res singulas, tamen vt continu-  
etur series materiæ testamentorum, tractan-  
dum hoc

dum hoc loco Imperator putauit.

*Est itaq; legatum*, delibatio hæreditatis, qua testatur particulatim alicui quid attribuit ex eo quod alioqui vniuersum hæredis foret. *l. 116. ff. de leg. 1.* Vel, Est donatio quædam à defuncto relicta, ab hærede præstanda: quæ potest fieri diuersimodè. 1. purè. 2. sub conditione. 3. in diem. 4. ex die. 5. ante hæredis institutionem. 6. post illam. 7. inter hæredum institutiones. 8. post mortem hæredis. 9. post mortem Legatarij.

Relinqui verò potest, aut vni tantum, aut pluribus: idq; vel *diuisim* cum eiusdem rei dimidia, v. g. vni, & alteri dimidia relinquitur diuersis orationibus perfectis: vel *coniunctim*, seu re tantum, seu verbis tantum, seu utroque modo simul. Et legatarius tertio modo coniunctus præfertur alijs, cæteri verò à pari ambulant. Quæuis tamen coniunctio vno ex collegatarijs v. g. non agnoscente suam portionem, sufficit, ut eadem agnoscenti suam acquiratur per ius accrescendi.

Sed quæres *quenam res possint legari, quæ non?*

*1.* Primò potest legari, res legantis. *Secundò.* Res communis leganti, & tertio: quod tamen intellige, si legans sciebat talem rem pro parte esse alienam, tunc non potest legare, nisi pro parte tantum sua. *Tertiò.* res legatarij alteri; fa-

cta re-

ita recōpensatione. *Quartò.* res hæredis. *Quintò.* res aliena, si legans sciebat esse alienam: Domino tamen nolente illam præstare, hæres ad illius precium tenetur; nisi legatarius iā fuerit titulo lucratiuo factus dominus eiusdem rei, ut donationis, emptionis. &c. *Sextò.* res futura, ut fructus qui nascentur. *Septimò.* res incorporea, ut liberatio debitori. *Octauò.* dos mulieri; dum tamen in his duobus casibus quid plus debito legetur, vel re, vel causa, vel loco, vel tempore. *Nonò.* factū, ut inscriptio aut exstructio sepulchri. *Vltimò.* Optio; si verò legatum sit pluribus coniūctim factum, & illi non concordent in eligendo, tunc mittitur fors.

Non potest autem legari. *Primò.* res extra nostrum cōmercium. *Secundò.* res legatarij propria, illi metipsi. *Tertiò.* debitum creditori simpliciter. *Quartò.* res aliena, quam legās nescit esse alienam; & sic liberatio seruo alieno, quem ignorat alienum, non tenet; secus, si sciat, tunc enim hæres tenetur precium domino præstare, & talem seruum manumittere. Quod si dominus nolit illum vendere, nō propterea ob id extinguitur legatum, sed durat, donec est spes, quòd sit illum venditurus.

Quæres secundò, *Cuinam possit relinqui legatum, & cui non?*

Respondeo, quod non alij nisi ei qui potest hæres institui. Potest quoque legari & seruo hæredis, cum cōditione tamen, *cum liber erit*. alias domino acquireret. Et semper tenet legatum, licet falsa causa sit in eo adiecta, aut falso res sit demonstrata, aut sit erratum in nomine legatarij, dum tamen alias constet. Sicut è contra non potest relinqui ei, qui non potest institui hæres.

Legare autem nemo potest, nisi is qui factionem actiuam testamenti habet; sicut & qui fideicommissum vult relinquere particulare. Ille verò non potest, qui dicta factione caret.

Cum autem in iure res consistat, *vel in specie*, cuius cognitio per sui essentiam habetur, *vel in quantitate*, cuius cognitio habetur per aliquam ex tribus dimensionibus, numerum, videlicet, pondus, & mensuram, pro quouis legato, siue de specie, siue de quantitate competit actio personalis: pro legato autem de specie competit insuper actio realis: & pro legato tandem de quantitate vna cum prima competit etiam actio hypothecaria. Planè ex his tribus actionibus non potest eligi vindictio circa legatum generis, quantitatis, aut rei alienæ, aut alternatiuum, quia his casibus nō transit ipso iure dominium in legatarium.



*l. 84. § Stichum de leg. 1. Bronc : 3. affer : 63.*

Vt autem scias cuius commodo legatum augeatur, & cuius incommodo minuat, **N O T A**, quòd, *aut legatum cedit*, à die aditionis hæreditatis, & tunc augmentum ante aditionem factum accrescit legatario; quamvis adhuc illud non agnouerit: *aut non cedit* sic, vt quia sit sub conditione, vel in diem, vel ex die; & tunc augmentum factum ante purificatam conditionem, v.g. cedit hæredi. Si vero minuat factò hæredis, illi minuitur; si non factò illius, minuitur legatario. Idem dic, si res in totum pereat.

**N O T A** secundò. Accessorium rei legatæ aliquando deberi legatario, aliquando non. Vt legata ancilla cum natis, debentur hi legatario mortua illa, ante agnitionem etiam talis legati. Item, legatis seruis ordinarijs cum vicarijs, debentur secundi mortuis primis. Prout etiam legata domo debentur, & columnæ additæ post testamentũ: & omnia quæ ei adstructa sunt; adeoque & apotheca, si eadem contignatione connectitur. *Anchoran. conf. 291.* Denique legata libertate seruo, cum hoc, quod seruus redditus rationibus dominicis hæredi; eidem soluat, quod restabit in debito, debetur tali seruo ipsum peculium. Contra, legato seruo cum peculio, illo

M 4

mortuo

mortuo antequam legatarius agnouerit legatum, non debetur legatario ipsum peculium. Deinde, legato fundo instructo, non debentur instrumenta fundi, si fundus postea fuerit per legantem alienatus. Ultimò non debetur peculium seruo, si ei sit legata libertas cum peculio, non debetur illi, quod expendit in rationes dominicas.

**N O T A** tertiò, quòd ad dandum legatum grauari potest: *Primò*, cohæres ipsi cohæredi suo, suam etiam repudianti portionem. *Secundò*, hæres etiam ab intestato hodie ob dictam æquiparationem legati, ac fideicommissi particularis, donationisvè causâ mortis. *Tertiò*. legatarius, & quiuvis, alius aliquid ex morte legantis accipiens ob eandẽ æquiparationẽ. *Quartò*, hæres hæredis ipsius legantis. *Quintò*, hæres legatarij, vel fideicommissarij.

Non potest autem, substitutus filio legantis exhæredato, quamuis aliquid fuerit ei relictum. Deinde hæres ad sibi ipsi præstandum legatum, sicut & ille, cui nihil est relictum.

## T I T V L V S XXI.

*De ademptione & translatione legatorum.*

**L**egatum & eodem testamento, & codicillis, cum adimi, tum in aliũ transferri quibuscumque

bus suis verbis potest. Nec ad eiusmodi reuocationem solemnitas aliqua desideratur, sed quaecunque probatio sufficit. *l. 27. C. de fideicom.* Adimuntur autem legata & fideicommissa, sine vlla scriptura, nuda voluntate. *l. si iure 18. de lega. 3.* adēptione tacitâ, partim alienatione rei legata, partim reuocatione oneris eidem adscripti, partim deniq; amissione corporis legati, sine culpâ tamen aut mora hæredis.

**N O T A**, quòd si ad alium transferatur legatum, qui eius incapax sit, non eo minus priori ademptum erit. *l. 20. ff. b. t.* Diuersum puta, si quod vni purè quis legauit, alteri leget sub conditione; quia priori sub contrariâ cōditione reliquissè intelligitur. *l. 7. ff. b. t.*

**N O T A** secundò, rem in specie alicui legatam, non videri ad eum translata cui postea vniuersitas legatur, suo ambitu illam quoque rem complexa: quia semper generi per speciem derogatur. *l. uxorem 39. § felicissimo de leg. 3.* Translatio autem censetur fieri cum onere iniuncto priori, nisi nouum onus secundò adscripsit. *l. Caio 73. de aliment. l. 30. de admen.*

**T I T V L V S XXII.**

*De Lege Falcidia.*

**D**iximus Titulo superiore legatum i. pos-  
M 5 se relin-

se relinqui. 2. adimi. 3. trāsterri: hoc verò titulo præsentī dicendum est posse etiā minui, per legem scilicet Falcidiam, quæ potestatem quantūlibet ex bonis suis legandi, ex lege 12 tab. descendente, certo modo definiuit. Nam erat quidem superarctanda legandi licentia antea lex Furia (à Furio Tribunoplebis) lata, non vltra mille aureos vni legare permittens: sed hæc eludebatur pluribus legando personis. Deinde lex Voconia, prohibens amplius quàm hæredi relinqueretur, effundi in legatarios. Neutra tamen sufficiens ad rei consummationem videbatur: ac propterea successit lex Falcidia, ab auctore Falcidio Trib: pl. sic appellata: qua prohibetur testator vltra tres partes hereditatis legatis elargiri: adeò vt supra eum modum exhausta hereditate legatis, hæctenus de ijs pro ratâ cuiusque, id est proportionē Geometricâ, deducat hæres, quatenus saluam sibi habeat quartam partem hereditatis.

NOTA, quòd antequam legata præstentur, vel ex illis dictæ portiones deducantur, debeat deduci primo loco debitum, quod est super hereditate. Deinde impensâ funeris, ac monumenti necessarij. Tandem preciū seruatorum hereditariis manumissorum, vel emptorum de pecunijs hereditarijs ad effectum præceden-

precedendi cadauer defuncti, honoris gratia.

**N**O T A secundò, non à quouis legato deduci Falcidiam, atque *Primò*. à legato ad pias causas factò. *Deinde* à legato de legitima. *Tertiò*, de dote mulieri; nisi in plus re fuerit. *Quartò*, à legato per militem factò. *Quintò*, si legans prohibuerit illam detrahi. Idē de Trebellianica; respectu cuiusvis fideicommissi, donationisvè causā mortis.

T I T V L V S XXIII.

*De fideicommissariis hereditatibus, & ad S.C. Trebellianum.*

**F**ideicommissum est supremæ voluntatis dispositio, quā ei, ad quem aliquid ex hereditate perueniet, mandatur, ut id restituat alteri, vel etiam alteri aliud quid præster.

*Appellatur autem fideicommissum propterea, quia defuncti voluntas fidei hæredis committitur, non verò in iuris auctoritate collocatur, quemadmodum, legatum, institutio, & substitutio.*

*Et est duplex. Aliud fideicommissum Vniuersale. Aliud Particulare. Vniuersale fideicommissum, seu hereditas obliqua est, quo testator hæredi mandat, ut totam hereditatē, vel certē partem eius alteri restituat. Particulare verò fidei-*



*rò fideicommissum est*, quod res siue corpora, singula de hæreditate complectitur; & hodie eandem cum legato vim habet. § 4. *sup. de leg.* Iam autem liberum est fideicommissum relinquere, vel purè, vel sub conditione, vel ex certo die.

NOTA quod fiduciarius heres, id est is qui rogatus est restituere, si nolit adire hæreditatem, poterit ad id compelli à fideicomissario. Et hoc casu restituit totum: cum alioqui spontè restituens, possit deducere vel retinere sibi quartam partem: secundum cuius proportionem æs quoque alienum defuncti sustinebit, ut qui particeps est commodi, sentiat & onus.

*Senatusconsultum verò Trebellianum est lex à Trebellio Maximo, & Anneo Seneca, Consultibus facta*, ut si hæreditas ex fideicommissi causa restituta sit, omnes actiones, quæ iure civili hæredi, & in hæredem competerebant, ei, & in eum darentur, cui ex fideicommissio restituta esset hæreditas.

Sicut igitur per Falcidiam, quæ item est quarta pars, minuitur legatum ob exsolutionem æris alieni, ita per Trebellianicam solam fideicommissum vniuersale: particulare verò tum per Trebellianicam ex vi introductionis tum per legitimam ex vi æquiparationis.

T I T V L V S XXIV.

*De singulis rebus per Fideicommissum relictis.*

**S**ingulare Fideicommissum est liberalitas, qua quid alicui relinquitur in vltima voluntate verbis obliquis, vt argentum, aurum, pecunia, vestis, rogando hæredem vt ei restituat: veluti: *Rogo te heres vt fundum Seianum Titio restituas*, & est fideicommissum singulare: vniuersale verò: *Peto vt hereditatem reddas.*

**N O T A** legata ex ipso testamento, fideicōmissa verò ex fide hæredis pendere: & illa esse directa, hæc autem non item.

**N O T A** secundo, fideicommissum singulare non valere, si hæreditas soluendo non sit: sed benè vniuersale. quia hic fideicommissarius loco hæredis est; ille vicelegatarij. Planè autem deductio quadrantis ex SC. cessat, vbi hereditatem æs alienum absorbet.

**N O T A** tertio: singulare fideicommissum iniungi posse cuicumque aliquid à testatore capienti: etiam circa rem alienam; dummodo non excedat æstimationem eius, quod ille capit: hætenus enim quæ excedit inutile est. Amplius enim onerari quis à defuncto quam honorari non debet.

Excipe, si restitutio post tempus mandata sit: hoc enim casu simul computabitur incrementum

mentum vsurarum, vel additamentũ fructuum medio tempore perceptorum. l. 70. § 1. & 2. ff. de leg. 2.

## T I T V L V S XXV.

## De Codicillis.

**C**odicillus est, testati, vel intestati minus solemnis vltima voluntas. Et est duplex: Alius Nuncupatiuus, & alius Scriptus, vt dixi de testamento. vterq; tamen restrictior testamento & efficacior quod ad materiam attinet: solutior & liberior quod ad formã. Nam propriè tantũ Codicilli sunt, eorum quæ in testamento testatoris voluntati desunt, supplementum. Hinc

NOTA, differentiam inter testamentum & Codicillos. *Primò*, quod in testamento hæreditas potest, tum dari, tum adimi, tum transferri, etiã directè: in Codicillo verò obliquè tantũ, ita vt si directè prædicta fiant, obliquentur. *Secundò*, relictum in testamento petitur actione directã ex testamento: relictum autẽ in Codicillo per testamẽtum confirmato eadem actione: confirmato verò per aditionem hæreditatis, vt sup. petitur actione tantũ vtili ex testamẽto. *Tertiò*, potest quis cum pluribus Codicillis validis, non contrarijs tamẽ; mori: non item cum pluribus testamentis.

*Quartò*

*Quartò, ad testamentum requiruntur septem testes, ad Codicillum tantùm quinque, qui ordinationis solummodo sint testes. Iam autem testamentum solemnitatibus destitutum non sustinebitur in vim codicilli, l. ult. §1. C. b. t. l. 1. ff. cod. quia non sufficit ad validitatem civilis actus formã, si agentis deest intentio. l. 14. C. de testament.*

---

# INSTITUTIONVM IVRIS CIVILIS LIBER TERTIVS.

## TITVLVS PRIMVS.

*De Hereditatibus quæ ab intestato deferuntur.*

**P**ostquam explicatum est, quomodo ex testamento hæreditas acquiratur: sequitur, quomodo ab intestato deferatur, id est testamento non extante aut deficiente.

*Quatuor autem modis quis dici potest intestatus.*  
1. qui omnino testamentum non fecit. 2. qui non iure fecit. 3. qui fecit quidem, sed ruptum est, aut natiuitate posthumi, aut arrogatione

gatione filij : vel irritum factum, capitis diminutione. 4. si ex eo nemo hæreditatem adierit.

Igitur hoc casu defuncto hæredes certo ordine lex ipsa designat : successioq; ab intestatis legitima appellatur, siue *iusta hæreditas*, quod solius videlicet legis auctoritate dirigatur, inq; tres potissimum ordines gradatim in iure distribuatur. *Primus est descendendum*, id est filiorum defuncti, liberorumque & quos deinceps posteros appellamus : quos ad hæreditatem vocat ipsa natura, & commune parentum votū, quo eos sibi superstites optant. *Secundus est ascendendum*, cum turbato ordine mortalitatis vicissim liberis parentes succedunt, & qui vltrà maiores appellantur. *Tertius est ordo transversalium*, siue *collateralium*, in quo sunt reliqui à latere coniuncti siue cognati.

*Quantum ad successionem descendendum.* Si defunctus liberos reliquit, illi soli succedent æqualiter in ter se partiendo hæreditatem, sublato per Iustin. omni discrimine sexus, sui-tatis & emancipationis. Quod si liberi primi gradus, nempe filij filiæve, non sunt superstites, in horum gradum & locum intrant soboles ipsorum, scilicet nepotes neptesq; eius, de cuius successione agitur, id quod vocatur *Ius representationis*, quia nimirum personam patris sui



tris sui defuncti quisque repræsentant, vt eodem quò ipse censentur iure. Vbi quia plures personæ iure censentur vnius, ad quem ortus sui ratione referuntur, sicuti rami ad truncum seu stirpem; ideo dicuntur *succedere in stirpes*. Sicut è contra dicitur *Successio in capita*, cùm singule personæ seorsim neminemque referentes suo iure succedunt.

*Quantum ad successionem ascendentium:* Si defunctus liberos non reliquit, ordo successionis legitimæ, ad parentes eius deuoluit bona, æquis inter eos partibus diuidenda, nullo discrimine originis, hoc est non habitâ ratione, quæ ex paternâ, quævé ex maternâ lineâ ad defunctum peruenerint bona. Quod si pater & mater non supersunt, superiores parentes, veluti auus & auia, quâ paterni, quâ materni, succedunt nepoti quasi in stirpes, nempè illis de paternâ lineâ dimidiam, & illis de maternâ alteram dimidiam capientibus. Si verò defunctus præterea fratres aut sorores reliquit, ij vnâ ad successionem veniunt cum parentibus cuiuscunq, gradus: adeò vt cum patre & matre concurrentes, auum atque auiam excludant: dūmodo sint germani. Idem iuris illorum quoq; filijs est. *Nonell. 127.*

*Quantum deniq, ad successionem transuersaliū.* Deficientibus supradictis, primus locus est

N

fratrum

fratrum sororumq; utiq; germanorum: adeo  
 ut hi excludant fratres uterinos vel consan-  
 guineos, (quamvis in feudi successione con-  
 sanguineus concurrat cum germano: si mo-  
 do sit feudum ex pacto & providentia) Et  
 hoc amplius, pramorientes hanc germanita-  
 tis prerogativam in filios filiarve suas transmi-  
 tunt. Deinde consanguineis fratribus succe-  
 dent consanguinei: similiter uterinis uterini,  
 si soli sunt: si vero utriusque concurrunt, com-  
 munis quidem opinio consanguineis tribuit  
 bona paterni generis; uterinis vero materni.  
 Sed verius est, æqualiter illos succedere, sine  
 illa distinctione: quamvis aliud multarum  
 gentium moribus est receptum. Deniq; reli-  
 qui cognati in capita succedunt, ut preroga-  
 tivâ gradus reliquos excludentes, ita paritate  
 concurrentes: non habita ratione utrinque  
 coniuncti sint, an ab vno tantum latere; cum  
 superiores sint an inferiores: idq; in infinitum.  
 Filius tamen fratris defuncti in successione  
 sui patru, excludet patruum eius, de cuius  
 successione agitur, licet uterque sit in tertio  
 gradu, ille sursum versus, hic deorsum.

NOTA, quod quæ de successione liberorū  
 diximus, intelligenda sint de legitimis. Nam  
 nati ex coitu per leges damnato, veluti adul-  
 terio incestovē, omnis successionis incapaces  
 sunt.

sunt. Spuriij verò, id est ex publicè impudica geniti matri succedunt, reliquisque maternæ lineæ parentibus, etiam vnà cum legitimis liberis. *l. 1. § sed. & ff. ad SC. Tertyl.* nisi mater sit illustris: huic enim non aliter spuriij succedunt, quàm si legitima soboles deficit; ne stirpis claritudo colluie istâ & memoriâ maternæ infamię dedecoretur. *l. ult. C. ad SC. Orfic.* Deniq; naturales, id est ex concubina liberi etiam patri succedunt, vnà cum matre ipsorū in sexantem hæreditatis: nisi ille iustos liberos vel uxorem reliquit: tunc enim nihil ultra alimenta consequuntur. Legitimati verò per subsequens matrimonium, eodem modo vt legitimi succedunt, quâ parentibus, quâ cognatis.

NOTA secundò, quod si nulli superstites cognati sunt, quantumcunq; etiam longinquo gradu, succedit fideus, affinesque excludet. Affinitatis enim ratione nulla successio datur. *l. 7. C. com. de success.* non excludet tamen coniugem defuncti. *l. vn. C. Vnde vir.*

## T I T V L V S II.

### *De legitimâ agnatorum successione.*

**P**Ræcedente titulo de successione suorum fuit tractatū à Iustin. nunc proponit pro-

ximum ab intestato succedentium ordinem,  
Agnatorum nempe.

Et suorum quidem numero censentur esse  
linea descendenti. 1. filius legitimus, ac na-  
turalis emancipatus à patre respectu illius ex  
beneficio Prætoris. 2. Nepos respectu aui,  
filio tamen de medio sublato. 3. adoptatus  
ab extraneo respectu adoptantis, cui ab inte-  
stato decedenti succedit, vel solus, vel cum  
cæteris, si qui sint, filijs.

Agnati autem sunt, coniuncti per sangui-  
nem masculinum. 1. fratres germani (vel  
frater & soror) 2. fratres patruales, (vel so-  
brinus & sobrina) 3. cæteri ex transverso  
coniuncti, qui iuxta gradus prærogatiuam ad-  
mittuntur ad defuncti successionem. Inter  
quos masculi (quia familiam conseruant, pu-  
blica munera obeunt, Rempub: domi, mili-  
tiæque administrant) etiam si longissimo gra-  
du sint, vltro citroque hæreditates capiunt:  
fæminæ verò non item, quia de familia exe-  
unt, sed tantum proximitatis iure.

### T I T V L V S III.

*De Senatus Consulto Tertylliano.*

**D**ictum est supra patrem inter agnatos suc-  
cedere; consequens est & de successione  
matris

matris ac parentum maternorum subijcere. Hoc igitur SC. Tertyllianum pietatis intuitu, aliquatenus relaxauit rigorem legis 12. Tab: (quæ adeo masculis, agnatis, & perpetuitati familiarum fauebat in hæreditatibus, ut ab ijs & matrem repelleret) admittens eam ad luctuosam mortui sine sobole filij successionē: non tamen gratuito solatio, sed sub auctoremento fecunditatis, nempe si libertina quater, aut ingenua ter peperisset.

NOTA, quod lege Papiâ maior fuerit apud Romanos prærogatiua, & in hæreditatibus, & in honoribus capeſſendis, eorum, qui plures liberos suscepissent. Fuitque sub Augusto lex ista de maritandis ordinibus iterum seuerius renouata, ut notat *Suetonius in August.*

NOTA secundò, crebram apud Scriptores esse mentionem *Iuris trium liberorum*, quod quidam orbi priuilegio à Principibus obtinebant. *Plin: in epist: ad Traianum.* quidam etiã cum liberos haberent, in maiorem securitatem postulare solebant, ut immunitate fruerentur. *l. ult. C. de his qui num. liber. l. 10.*

# TITVLVS IV.

*De SC. Orficiano.*

**O**Lim lex 12. Tab. non omnes liberos, sed tantum suos ad hæreditatem vocabat:

N 3

& con-



& consequenter matri filius non succedebat. Caterum hoc S. C. filius succedit matri; & quamvis matri cognatus sit non adgnatus, matris tamen adgnatis de æquitate præfertur.

### TITVLVS V.

#### *De successione Cognatorum.*

**A**Ntiquitus quidem cognati tantum in sextum usque gradum, adgnati verò in decimum usque succedebant. Hodie etiam illos, cum istis sint exæquati, parem in gradum usque succedere rectè interpretes annotant. *Covar. tract. De success. col. ii.*

**N**OTAVulgò quæsitos, nullos habere agnatos, quum adgnatio à patre sit, cognatio à matre, hi autem nullum patrem habere intelliguntur. Eadem ratione ne inter se quidem possunt videri consanguinei esse, quia consanguinitatis ius, species est adgnationis. Tantum ergo cognati sunt sibi, sicut & matri cognati sunt. Itaque omnibus istis ex ea parte competit bonorum possessio, qua proximitatis nomine cognati vocantur.

### TITVLVS VI.

#### *De gradibus Cognatorum.*

**G**Raduū distinctio necessaria cognitu est, cum ad matrimonia, tum ad hæreditæes, bonorū

bonorum possessiones, tutelas, & testimonia: circa illa obseruatur Iuris Pontificij; circa has verò ciuilis computatio.

Et de Iure Ciuili sanè tot sunt gradus, quot personæ interuenientes ex utroq; latere ad inueniendam personam, penes quam desumitur gradus, vna dempta, siue in linea recta, siue in transuersali, tam in deferenda hæreditate, quàm in faciendo matrimonio.

De Canonico autè quoad faciendum matrimonium distinguas sic. aut linea est recta, & dic vt sup. aut est transuersalis. & hoc modo si contrahentium latera sint æqualia, vnũ tantum latus attenditur, computando vt sup. si verò sint inæqualia, tunc remotius tantum attenditur latus. eodem modo computando. At hodie de stylo Cancellariæ Apostolicæ, quando linea est recta, vel transuersalis laterum æqualium, tunc computatur, sicut de Iure Canonico: quando verò sunt inæqualia, attenditur vtrumque latus, & in supplicatione, quæ pro dispensatione porrigitur, vtrumq; debet exprimi, vt inter patrum v. g. & neptem in vno latere est primus gradus consanguinitatis, in altero verò est secundus. Et hæc omnia militant etiam in affinitate, ita vt omnes cõsanguinei Titij, v. g. sint affines Bertæ uxori eiusdem (eo etiam mortuo) in eo gradu, in

quo iidem sunt consanguinei Titio, cum distinctione, quòd consanguinei propriè dicuntur coniuncti: Affines verò propriè nuncupantur attinentes.

**NOTA**, quod ad computandum gradus cognationis oporteat scire, stipites, stirpes, lineas & gradus ipsos consanguineorum. Itaque *Stipes est* persona à qua plures aliæ descendunt. *Stirps verò est*, ipsa personarum descendendum à communi stipite collectio. *Linea est* tractus ad inueniendam personam, penes quam desumitur gradus. Et alia est recta inter ascendentes & descendentes. Alia transversalis inter fratres patrueles, &c. *Gradus tandem est* situs vnius personæ in ordine ad aliam ab eodem stipite descendentem. qui attingitur in tutela, hæreditate; & matrimonio.

## T I T V L V S VII.

### *De Seruili Cognatione.*

**C**Ognatio inter seruos non attenditur ad rationem successionis, cuius incapaces perinde sunt vt dominij: nisi peruenerint iam ad libertatem.

**NOTA**, quòd inter vindicatos in libertatem, sicut & inter ingenuos, quamdiu ex linea descendendum aliquis superest, excludi à successionem ascendentes & collaterales.

T I T V L V S VIII.

*De Successione Libertorum.*

**O**Lim licebat liberto patronum suum impunè testamento praterire; nunc, patronus in remunerationem tanti quo censetur liberti beneficij, consequitur solidam intestati hæreditatem. Condito autem per libertum testamento, tertiam saltem partem obtinere debet, si modo non infra 100. aureos libertus in bonis reliquerit. Sed utroque in casu superstites liberti liberi tollunt prærogatiuam patroni.

T I T V L V S IX.

*De Assignmente Libertorum.*

**A**Dsignare libertum, est testificari cuius ex liberis libertum cum esse voluit, ut scilicet eius sit peculiaris & proprius. Si itaque patronus moritur intestatus, tunc eius filij æquis portionibus succedunt in dicto iure patronatus. Si verò testatus & cum vltima dispositione, tunc tum purè, tum in diem, tum sub conditione potest vnum libertum assignare vni filio, qui illi succedet, alterum alteri, si plures libertos habet. Et hoc passim obseruatur in Lituania, alijsque Regni Poloniæ Prouincijs, quæ Statutis Lituanicis reguntur,

quando Nobiles, Kmetonum suorum filios in bellis strenuè se se gerentes, Boiarios faciunt. Hoc tantum obseruato, vt plures filios Nobilis habuerit, libertum verò solummodò vnum, tunc is semper minorem natu patroni sui filium, proprium absq; adsignatione patronum habebit. Quod si tempore mortis liberti non adsint filij, patroni, tunc agnati patroni postea cognati eiudem succedunt iuxta prærogatiuam gradus. Tandem nullis stantibus ex dictis hæreditas liberti tanquam vacans defertur fisco.

## T I T V L V S X.

### *De bonorum possessionibus.*

**E**X actio tractatu, quomodo per hæreditatē acquiratur Vniuersitas bonorum: sequitur, quomodo per *Bonorum possessionem*, quæ est secundum genus acquirendi per vniuersitatem: quæ fuit introducta à Prætore, modo ad supplendam, modo ad confirmandam, & modo ad corrigendam legem 12. Tabul.

*Est autem Bonorum possessio*, ius persequendi (Prætorij scilicet & possessorij actionibus) retinendiq; (exceptionibus) patrimonium defuncti.

*Diuiditurq; primò in Edictalem & Decretalem. Edictalis est*, quando Prætor edicto suo, omnibus



omnibus quibus interest proponit & pollicetur distinctas bonorum possessionis species. *Decretalis est*, quando per decretum singulas singulis, ut res tulit impartitur. Igitur edictalis & decretalis non diuidunt bonorū possessionem in species, sed vnam eandemq; distinguunt attributis. Et edictalis repudiari potest: non etiam decretalis.

*Secundò diuiditur* in Ordinariam & Extraordinariam. *Ordinaria est*, quæ speciatim Prætoris edicto describitur. Et est iterum duplex; ex testamento, & ab intestato.

*Ex Testamento rursus diuiditur bifariam:* Alia dicitur contra Tabulas, quæ datur principaliter liberis emancipatis, præteritis, aut iniquè exheredatis (hi quippe iuris civilis auxilio destituebantur. § 3. *sup. de exher.*) sed interim & suis, si hoc remedio uti malunt, quam iure dicendi testamentum nullum, quod ad 30. annos, perinde ut ius adeundi superest.

Alia verò secundum testamenti Tabulas, quæ institutis substitutisq; datur: etiam pendente conditione eos possidere bona permit- tens, ut si conditio deficiat, bona restituant legitimis heredibus; sin existat, iure domini retineant.

*Ab intestato verò quadruplex hodie bonorū possessio dicitur. Prima. Unde liberi, emanci-*  
*patione-*

patris necessaria. *Secunda. Vnde legitimi, agnatis ex abundantia comparata. Tertia. Vnde cognati, quæ deficientibus prædictis datur proximo cognato. Quarta. Vnde vir & uxor, quæ nullis ex dictis stantibus, datur uxori mortuo viro, & è contra: & ista supplet leg: 12. tab: nil dicentem in isto casu.*

Extraordinaria bonorum possessio, non comprehensa in ordine edicti vocatur *ut ex legibus* (excogitata instar conditionis ex lege, de qua ad C.) competens ei cui ex lege noua defertur successio, § 4. h. non cadens in speciem aliquam adipiscendæ hæreditatis vel bonorum possessionis vsitatam atque receptam: veluti si constituatur, ut Canonico, sine parentibus morienti, siue testato, siue intestato, succedat Collegium, vel Ecclesia. *Crass: ubi sup. quest: 29.* Talis etiam est bonorum possessio vètris, per quam uxor grauida in defuncti mariti bona, ex ijs interim alenda, mittitur, donec pariat, vel liqueat eam non esse grauidam. *l. 1. de ventr. in bonor. poss.*

NOTA, quod bonorum possessio ab hæreditate ut origine differt, ita & nomine; ne auctoritas ius dicentis custodientisq; confundatur cum potestate condentium iura; quia hæreditas iuris ciuilis est, bonorum possessio ex iurisdictione prætoris, & quidem à liberis intra annum,

tra annum, à reliquis intra 100. dies vtilis est agnoscenda. Dies autem vtilis sunt, quibus sciuerit sibi delatam esse possessionē bonorū, quibulq; eam à Prætorē petere potuerit, his opponuntur dies continui. Dies autem quibus aut nec sciuerit, aut petere non potuerit, illi non cedunt. *l. vtile. quis ordo in bonor. poss.*

T I T V L V S XI.

*De acquisitione per arrogationem.*

**T**ertium genus acquirēdi dominij per vniuersitatem hic explicatur: dum scilicet in potestatem arrogatoris, vnā cum sobole suā & patrimonio, transit arrogatus; non quidem lege 12. Tabularum, neq; Prætoris edicto, sed eo iure, quod moribus & consuetudine populi receptum est.

T I T V L V S XII.

*De eo cui libertatis causa bona addicuntur.*

**Q**uartum genus acquirendi dominij per vniuersitatem introductum est fauore conseruandarum libertatum, quæ testamento datæ simul cum eo periclitantur, vbi & scriptus & legitimus hæres adeundā hæreditate deterrentur mole aris alieni: tunc enim si  
quili-

quilibet, vel fidei, vel etiā manumittendorum aliquis, paratus est idoneè cauere ( id est satisfacto, aut pignoribus datis ) creditoribus, ei id petenti addicit vniuersa defuncti bona Iudex.

### T I T V L V S XIII.

*De successione sublati, quæ fiebant per bonorum venditiones, Et ex SC. Claudiano.*

**D**Væ partes sunt huius tituli. *Prima*, abrogatur quintus modus acquirendi vniuersitatem, *Bonorum emptio* : qua scilicet debitoris bona à creditore in ius vocati, si non comparuisset, Edicto Prætoris possideri iuebantur, ijsque vendendis Magistri constituebantur. postquā in celeberrimis locis per libellos venalia pependissent. Hoc quia cū infamia erat debitoris, ideo extirpatis bonorum venditionibus, tantummodò creditoribus datur officio Iudicis bona possidere.

*Secunda parte* abrogatur sextus modus acquirendi vniuersitatem per Senatusconsultum Claudianum, quo statutum fuerat, ut si libera mulier nesciente domino coiisset cum seruo eius, transiret in potestatem illius cum patrimonio toto : sin verò dominus consensisset, tantum eius liberta foret. Hoc SC. quāvis à Vespasiano renouatum, tanquam nimis asperum

asperum, abrogauit Iustinianus, quia per leges stupri pœna non est seruitus: iam autem absurdum esset, ut nequitia serui lucrosa domino foret. § 2. *h. l. vn. C. de SC. Claud.*

T I T V L V S XIV.

*De Obligationibus.*

**D**VO cōsideranda sunt in rebus secundū Iurisperitos, *Dominium & Commertium* illarum: de dominio hactenus tractatum est: de commertio autem quod consistit in *contractibus*, nunc tractandum: Itaq; vis omnis contractuum in *obligatione* cernitur, quæ à dominio sic est distincta, quòd dominium sit ius in re, obligatio autem ius ad rem, (nempe petendam à debitore) vel potius ius in personam debitoris, ex quo is compellatur dare, tradere, aut facere quidpiam.

*Obligatio ergo est iuris vinculum, quo quis necessitate adstringitur alicuius rei explendæ.*

*Et est quadruplex: Naturalis, Gentium, Civilis & Mixta, pro iurium adstringentium diuersitate. Unde à Iure tanquam à causa efficiente remota pender: ab homine verò tanquam ab efficiente proxima: ab actu tandem hominis, vel simpliciter, vel ut sic, tanquam ab instrumento; primò quidem modo causante*



sante delictum, vel quasi delictum; secundo autem modo contractum, vel quasi contractum. Et hi omnes *Conventionis* nomine veniunt, sicut praedicti nomine *Delicti*.

*Conuentio itaq;* (nomen generale) est: duorum vel plurium in idem consensus de dando vel faciendo aliquo. *l. 1. ff. de pact.*

*Et diuiditur in Pactum & Contractum.*

*Pactum* rursus, aliud est *nudum* non habens causam, ut est pollicitatio, seu offerentis promissum: & aliud *legitimum*, causa aliqua vestitum, ut est contractus tam proprius seu expressus, quam improprius seu tacitus.

*Nudum pactum* vel est gratuitum, veluti pactum donationis, aut liberationis: vel non gratuitum, veluti transactio, quando aliquo dato vel retento controuersia alicui remittitur.

*Contractus autem est* conuentio ex qua oritur vtrò citroq; efficax siue civilis obligatio.

*Et est duplex*, alius *Nominatus*, & alius non *Nominatus*, ut do, ut des, facio, ut facias, &c.

*Nominatus* deinceps, vel est *Iuris gentium*, ut factus Re, aut Consensu: vel *Iuris Civilis*, ut factus Literis, aut verbis: de quibus titulis sequentibus sigillatim.

T I T V L V S XV.

*Quibus modis re contrahitur obligatio.*

**O**bligatiois re contractæ quinque sunt species seu exempla: *Mutuum, Indebitum, Commodatum, Depositum, & Pignus.*

**MUTUUM** est contractus, quo res quæ pondere, numero vel mensura constant, in alium transferuntur ea lege ut restituat tantundem; id est eandem non modo quantitatem, sed & qualitatem: de eodem videlicet genere, non verò eandem speciem. Nam Mutuum à mutatione dicitur, quia quantitas cum quantitate mutatur, & in his rebus consistit, quæ facile mutationem & promiscuum usum recipiunt. Et ex hoc contractu nascitur actio, quæ vocatur *Certi condictio*.

**INDEBITUM** est contractus, quo re ipsa obligatur restituere acceptam rem ab illo, qui per errorem non debitum illi soluerat. Quod ni fecerit, datur agenti contra eum propter repetitionem *condictitia actio*.

**COMMODATUM** est contractus, quo usum rei nostræ, ita alicui gratis concedimus, ut eadem nobis reddatur in specie: & nisi reddiderit, tenetur *commodati actione*.

Differt autem Commodatum à mutuo quatuor modis: *Primò*, materiâ: quia in ijs rebus

O

consi-

consistit, quæ utendo non pereunt, quæ autem mutuo accipiuntur, consumuntur, ut vinum, oleum, frumentum, &c. *Secundò*, effectus; nam usus tantum rei transfert. *Tertiò*, fine: ideoque idem corpus reddendum est commodanti. *Quartò*, Forma: quod ad certum usum traditur, quo expleto reddi debet. Dicitur enim commodatum, quasi cum modo datum, quo distinguitur à precario. *l. 1. ff. de prec.*

**DEPOSITUM** est contractus per quem gratis aliquis recipit custodiam rei alienæ sibi commissæ: unde & Commendatum vocatur. Et est duplex: Aliud Depositum in specie, si res sit mobilis. Et aliud Custodia, si immobilis: dum tamen res non sit litigiosa, alias Sequestrum appellaretur.

*Est autem Sequestratio*, conventio seu placitum partium, quo custodiam rei nostræ litigiosæ, committimus alicui ut eadem nobis vel parti adversæ ex sententia iudicis reddatur. Et est duplex: Conventionalis & Iudicialis.

*Sequestratio Conventionalis est*, qua de consensu adversarij rem litigiosam alicui custodiendam tradimus. Et sequestratario acquiritur possessio relaxanda vincenti.

*Sequestratio Iudicialis est*, qua Iudicis auctoritate, ipsis etiam litigantibus inuitis, alicui rem liti-

rem litigiosam ita confidimus, ut eadem ex mandato Iudicis, vel partis consensu reddatur, cui reddenda venit. Et ipsi litigantes non priuantur possessione illius, sed tantum dubia redditur, donec restituta iudicis auctoritate stabiliatur.

Fit autem Sequestratio ex causa tantum urgentissima (nisi detor fideiussoribus caueat) *Primò*, si detinens rem immobilem sit de fuga suspectus. *Secundò*, si sit dubium de dilapidatione rei immobilis. *Tertiò*, si sit periculum veniendi ad arma. *Quartò*, si alter litigans sit contumax in præstanda cautione de facienda bonorum collatione alteri. *Quintò*, si servus, prætextu quod dominus sit tantum putativus, ad libertatem proclamauerit, sit enim tunc de illo ipsa sequestratio.

**PIGNUS** est contractus, per quem debitor creditori in securitatem obligationis tradit rem aliquam. Et est duplex: Aliud pignus in specie, & aliud Hypotheca.

*Pignus in specie est*, quando res mobilis pigno creditori traditur, ut vas argenteum.

*Hypotheca est*, quando res immobilis, ut domus, aut fundus, creditori obligatur. Qui statim ac ei solutum est debitum tenetur rem oppignoratam restituere, aut si in Hypotheca est, ab ipsa rei possessione discedere. Idemque si

res deperdatur, vel deterioretur, de Dolo, lata culpa, ac leui, tenetur: non item de leuissima, vel de casu fortuito.

Vt enim discerni possit, si res alienæ, vel alijs debite ex supradictis contractibus, penes nos perierint aut corruptæ fuerint, ad cuius id damnum pertineat: animaduertendum est, an necessitate id acciderit, aut inuictâ ignorantia, an voluntate nostra & consilio, an deniq; medio quodam modo, neq; planè ignorantis & coacti, neq; prorsus scientis & volentis. Ex primo genere existit *casus fortuitus*: ex secundo *dolus*: ex tertio *culpa*. Quæ sanè distinctio per omnes iuris partes diffunditur, & præcipuè delictorum penas distinguit & temperat.

Igitur *Casus fortuitus* est infortunium, quod neq; consilio nostro præuerti, neque viribus auerti potest, veluti inundatio fluminū, mortalitas pecorum, frugum calamitas, &c. Unde etiam *vis calamitosa*, *vis diuina*, aut *vis maior* appellatur, itemq; *casus improuisus*, *fatum*, vel *damnum fatale*. *Dolus* verò est, quæcunque machinatio ex destinata voluntate in damnum alterius. l. 1. ff. de Dol.

*Culpa* deniq; est, negligentia vel imperitia quæcunq; alteri damnosa. Et distinguitur in *latam*, *lenem*, & *leuissimam*.



*Lata culpa* fines sunt, non prospicere, curare, cauere, quod omnes sanæ mentis prouident, & procurant: ideoque doli suspicione non caret, vocaturq; *Dolus præsumptus*, siue ex versutia, siue ex socordia procedens: doloq; comparatur, & sub eo comprehenditur in pecuniarijs saltem negotijs. Distinguitur tamen à dolo, quod ille voluntate destinata & imperante; ista voluntate remissa & permitte[n]te constet: & dolus in commitendo, lata culpa magis in omittendo cernatur.

*Levis culpa*, verò modus duplex est. Alia enim existit non adhibitâ alienis negotijs eâ diligentia, quæ adhiberi proprijs solet. Alia autem omissa eâ diligentia, quam præstare diligens paterfamilias solet. Quemadmodum *leuissima culpa* committitur neglectâ ea sedulitate, quam diligentissimus quisque præstat: ideoque ei opponitur exactissima diligentia. Veluti, si quis nocte ostium domus apertum liquit, latæ culpæ reus est. Levis verò, si non clausit fenestras altiores quam ut de plano intrari possent. Leuissime deniq; si quis fenestras versus publicum, remotioresq; à locis in quibus dormiunt domestici, non muniuit ferreis perticis. Quod si nihil horum argui possit, & res sublata sit, furibus verbi gratia, per effossum limen ingressis, id dicetur casu accidisse

**E**X quatuor formis obligationum, quæ ex contractu nascuntur, hæc secunda est, ex contractu verborum descendens. Contrahitur autem obligatio verbis, ex interrogatione & responsione, cum quid dari fieri vè nobis stipulamur; vt promittis mihi centum aureos v. g. & tu respondeas, promitto.

*Est autem Stipulatio duplex*: alia certi, alia incerti. *Stipulatio certi est*, rei nimirum substantiâ, qualitate, quantitate designatæ. *Incerti est*, quando res promissâ nullos habet certos fines, vt fundus, non adiecto nomine, frumentum non designata mensurâ, domus ædificatio, non demonstrato loco; quæ sanè incertitudo vitiat stipulationem. Illa igitur *Conditionem certi*: ista, *actionē ex stipulatu* producit.

*Item stipulatio vel dandi est, vel faciendi.* Vtraque autem, aut purè, aut in diem, aut sub cōditione fit. *Purè*, veluti. Quinq; aureos dare spondes? *In diem*. Decem aureos primis Calendis Martijs dare spondes? *Sub conditione*, si Titius consul fuerit factus, quinq; aureos dare spondes? *Loca* etiam stipulationi solent inferi, vt Carthagini dare spondes?

T I T V L V S XVII.

*De duobus Reis stipulandi & promittendi.*

**D**VO Rei stipulandi vocantur, quibus ab vno eadem res coniunctim singulis nempe in solidum promittitur; vel etiam à pluribus, qui Rei promittendi dicuntur. Nam ad stipulationem faciendam saltem duæ personæ requiruntur, vna ex parte interrogationis, quæ dicitur Reus stipulandi, altera responsionis, quæ promittendi, vt, promittis mihi centum aureos? & tu respondeas, promitto. In eadem tamen numero stipulatione possunt plures Rei (Rei autem non tantum dicuntur criminis accusati, vel etiam à quibus in Iudicio petitur, sed generaliter ij de quorū re agitur) promittendi, & plures Rei stipulandi intervenire, ita vt quilibet stipulantium acquirat in solidum actionem, & quilibet promittentium obligetur ad solidum: quorum tamen vno solvente, suos deobligat correos, sicut vno ex primis recipiente in cæteris actionem perimit.

T I T V L V S XVIII.

*De Stipulatione Seruorum.*

**S**ERuus cum sit veluti quoddam instrumentum animatum, nihil acquirit sibi, sed do-

mino: Siue igitur stipuletur sibi quid dari, siue conseruo, siue indefinitè non comprehensâ personâ, totum redundat ad dominû. Tunc enim, cùm indefinitè, intelligitur sibi stipulatus: sed ad personam domini refertur obligatio, qui eius obtinendæ capax est, non etiam seruus. Nisi tamen stipulatus sit quod facti est, v. g. vt liceat sibi ire per fundum Titij: inde enim non dominus, sed tantùm ipse ire potest. quia quæ facti magis sunt, quàm iuris ad seruum pertinere possunt. *l. 44. ff. de Con: & dem. l. 3.* cùm in ijs ius naturale spectetur. Præterea non vt res vel quantitas cuiunque solvatur, tantundem est, sic etiam in factis per quem fiant idem est.

Quod si seruus plurium ex mandato vnus vel vni expressè stipuletur; ei soli acquirit, alias omnibus pro partibus dominij quod in eo singuli habent. nisi in personâ alicuius inefficax sit stipulatio: tunc enim huius pars accrescet consortibus. Quod verò seruus hæreditarius stipulatur ante aditam hæreditatem, eidem acquiritur: atq; ita hæreditati permixtum perueniet ad eum qui adibit hæreditatē.

## T I T V L V S XIX.

### *De Diuisione Stipulationum.*

**S**tipulationes ex doctrina Iustiniani quadrari-

drifariam diuiduntur, in Conuentionales, Iudiciales, Prætorias, & communes, id est, tam Prætorias, quàm Iudiciales.

*Conuentionales sunt*, quæ libera partium voluntate interponuntur, & tam latè patent atque conuentiones: ad quas confirmandas in nouissimâ ferè parte pactorum inseri solent.

*Iudiciales sunt*, quæ Iudicis de causa cognoscantis officio exiguntur.

*Prætorie sunt*, quæ extra iudicium solius imperio Prætoris, vel qui ei in Prouinciâ comparatur, Præsidis, expediuntur, vt cautio damni infecti: per quam ruinofarum ædiũ possessor vicino promittit de resarciendo damno, si quod inde acciderit. His coniunguntur Ædilitiæ: nam & Ædiles de quibusdam rebus, v.g. venditorem de sanitate pecoris cauere iuebant.

Deniq; *Communes sunt*, quæ aliquando Iudicis, alias Prætoris auctoritate conficiuntur, vt cùm tutor de indemnitate pupillo cauet. § 5. b. Sanè alio adpectu *Prætorie Stipulationes sunt*, quæ ex iurisdictione atq; edicto Prætoris descendunt: atque tunc hoc generis nomen res iam dictas species comprehendit: & ab Vlp. in l. 1. de Prætor. Stipul. Prætoricè respectu materiæ distribuuntur in *Iudiciales*, quæ ad iudicium stabiliendum pertinent, veluti



Iudicatum solui: in *Cautionales* quæ nouam actionem producant, vt rem pupilli saluam fore: & deniq; in *Communes*, vt iudicio susti.

## T I T V L V S XX.

*De Inutilibus Stipulationibus.*

**Q**uemadmodum quatuor modis (vltra sex illos modos quibus firmatur actus) firmatur Stipulatio. *Satisfactio*, videlicet diuisa in Fideiussoriam, Pignoratitiam, Iuratori- am ac Promissoriam, quarum prima tantum firmat stipulationem, quæ tam præcedere, quàm sequi potest obligationem ipsius principalis. *Constitutio*, qua quis citra stipulationem rogatus, se id, quod ipsemet iam, vel alius ciuilitè obligatus est, expleturum spondet, & hæc obligatione principalis sequitur. *Promissio*, qua quis citra stipulationem non rogatus se id, quod promissit, expleturum spondet: & hæc pariter sequitur obligationem ipsius principalis. *Et ex promissione*, qua quis citra stipulationem se id, quod alius naturaliter tantum obligatus est, expleturum spondet, vt si tibi promittam, quod iam pupillus tibi stipulanti promissit.

Ita quinque modis redditur inutilis stipulatio. *Primo*. si in ea sit appositæ conditio impossibilis vel turpis.

*Secundo*.

*Secundò.* si promittentis dissensus interuenit existimantis aliud fuisse in interrogatione, quàm verè fuerit.

*Tertiò.* si deducta fuerit in stipulationem, res inhabilis deduci, vt res extra nostrum patrimonium, vel factum alienum.

*Quartò.* si interuenierit personæ inhabilitas, vt quia alter stipulantium erat surdus, vel mutus, vel infans, vel prodigus interdictus.

*Quintò.* si formæ defectus interuenierit, si nimirum congruè interrogationi non respondetur, vt si interrogetur quis, an promittat dare decem aureos, & is respondeat promittendo se daturum quinq; Inter absentes quoque facti stipulatio vim nullam habet.

## T I T V L V S XXI.

### *De Fideiussoribus.*

**F***ideiussio est* contractus, qui verbis constat, accedens firmandæ obligationi alienæ; dū scilicet pro debitore principali alius præterea fidem suam interponit apud creditorem, eaq; succedaneam facit si contigerit debitorem fidei vel bonis deficere.

Possumt autem fideiussores adsumi in omnibus obligationibus, id est, siue re, siue verbis, siue literis, siue consensu contractæ fuerint: qui

rint: qui his tribus priuilegijs gaudent. *Primò*, vt in plus non obligentur, quàm principalis debitor, cùm plus in Accessione esse non debeat, quàm est in re principali. *Secundò*, vt nò possint molestari ante excussionem principalis: nisi fideiussor in solidum sit obligatus. *Tertiò*, quod si sint plures confideiussores, quisq; non molestetur nisi pro rata, dum tamen utatur beneficio epistolæ Adriani Imperatoris, quod dicitur Exceptio diuisionis: nisi vt supra sint in solidum obligati, vel quilibet interuenerit animo nouandi obligationem.

## T I T V L V S XXII.

### *De Litterarum Obligationibus.*

**O***bligatio litterarum est*, conuentio litteris concepta, quarum vi tantùm aliquis tenetur ad aliquid explendum. Vt si tibi chirographum feci, in quo fatear me decem aureos à te mutuos habuisse, quos verè mihi nò numerasti, ex vi solius talis scripturæ eos tibi sum obligatus restituere. Idq; adeò obtinet, vt nec liceat debitori adigere creditorem iureiurando, vtrum numerauerit pecuniã necne. *l. in contractib. 14. § illo C. de non num. pec.* Si igitur quis opinione numerandæ sibi à creditore pecuniæ, ei tradidit cautionem, quã scilicet ac-

licet accepisse se pecuniam, & redditurū proficitur: is non secutā forte numeratione, potest in iudicio repetere cautionem: sed non nisi intra biennium: post quod querela hæc proponi non potest. Vnde deinceps obligatus manet ex chirographo, id est literis: non enim ex re, quippè quæ non intercessit, sed neque ex verbis, neque ex consensu, quem utiq; excludit error. § *vn. b. t. aliter Forcatul. dial. 75.*

T I T V L V S XXIII.

*De Obligationibus ex Consensu.*

SEquitur genus contractuum quartum numero, eorum scilicet qui consensu perficiuntur: Non quin is in reliquis quoq; iam dictis desideretur, tanquam communis omnium spiritus (genus quippe eorum est conventio) sed quòd in hoc genere emineat, quod nihil requirit præter voluntatem mutuam. Vnde etiam in his cōtractibus alter alteri obligatur ad præstandum non id modò quod verbis cautum est, sed quidquid ex mente cōtrahentium actum fuisse, conditio negotij, & rei æquitas, atque fides ipsa euincunt. Et proinde hi contractus *Bona fidei* appellātur: quod bona fides largiore interpretatione spectetur in his, quippe magis necessarijs ad vitæ societatem:

tatem: idq; ad differentiam contractuum *stricti iuris*, ut sunt innominati contractus (excepta permutacione, & æstimatoria actione) item stipulatio & mutuum, in quibus non aliudivicem partes præstant, quam quod differtè cautum est. Non verò idcirco bonæ fidei appellantur, tanquam in aliquibus mala fides admittatur: dolum enim ab omni negotio leges excludunt. *l. 23. ff. de reg.*

*Contractus* igitur *consensu factus* est conventio consensu concepta, cuius tantum vi aliquis tenetur ad aliquid explendum.

Estq; quintuplex. Emptio & Venditio, Locatio, & Conductio, Societas, Mandatum, & Emphyteusis: de quibus postea singulis tractabitur titulis.

#### T I T V L V S XXIV.

##### *De Emptione & Venditione.*

**P**rima species obligationis ex consensu est Emptio & Venditio, quæ contrahitur simulatq; de precio conuenerit: quãuis nondum precium numeratum sit, ac ne arrha quidem (quæ firmandarum obligationum gratia datur) data fuerit. Nam quod arrhæ nomine datur, argumentum est emptionis & venditionis contractæ. Ac proinde arrha prærogatiua precij suo tempore persoluedi à Varrone vocatur. *lib: 5. de ling: Lat.*

*Est au-*



*Est autem Emptio & Venditio contractus*, per consensum in mercem preciumq; certum, obligans hinc venditorem ac mercem tradendam, & inde emptorem ad precium numerandum. Precium autem in numerata pecunia debet esse, alias non Emptio venditio, sed Permutatio erit. Item debet esse precium certum inter partes conventum, aut in arbitrium alterius collatum, cui statur; nisi ut iniquum, reducendum sit arbitrio boni viri ad ipsam aequitatem. Hinc

**NOTA**, requiri mutuum ipsorum contrahentium consensum, expressum, liberum ac praesentem: Vnde servus non potest emere, vendere, nec filius familias, ut sic, nec pupillus, nec furiosus actu, nec mente captus, nec prodigus interdictus; nec toto pupillo, nec contra, nec qui praestit subdito, &c. nec tenet venditio facta per dolum, vel errorem circa substantialia, nec per vim facti: secus, si per vim iuris, ut si dominus fauiat in servum.

**NOTA** secundo, quod res extra nostrum commercium (ut homo liber) vendi prohibentur: item res Ecclesiae: nisi ex causa; res furthua: vi possessa: liberi hodie a parentibus: res dotalis: res subiecta fidei commissio, salvo favore alimentorum, vel dotis, donati.

on isve

onisé propter nuptias, vel ob necessitatem, vel cum decreto Iudicis.

NOTA tertio, quod Emptio venditio tripliciter perfecta dicitur: *primò*, respectu obligationis natæ, per quam scilicet à placitis recedere non liceat: *secundò*, respectu executionis, quia hinc merx, inde pretium traditum sit: *tertiò*, ratione periculi ad emptorem spectantis, cum res pondere, numero, vel mensura constans, appensa, adnumerata, admensa est. Alioqui ut interitus mercis respiciat emptorem, non utique necesse est possessionem nactus sit, si modò nulla venditoris mora, nec eius levis culpa arguitur: quemadmodum & commodum atq; accessio rei venditæ etiam ante traditionem ad emptorem spectat. Aliud est in contractibus innominatis, in quibus res ante implementum periculo debitoris est.

NOTA ultimò, quod quando venditio est in facto esse, re integra potest solo partium dissensu rescindi: re verò non integra, non nisi per Retrovenditionem. At quando est in fieri simpliciter, ut cum de precio adhuc non est conuentum, potest alter contrahentium, altero etiam inuito ab illa recedere, si autem sit in fieri ex suppositione pacti de reducendo v. g. illam ad scripturam, potest, concluso etiam de

etiam de precio, ab eadem recedi, donec ultima syllaba fuerit expleta.

T I T V L V S XXV.

*De Locatione & Conductione.*

**S**imilis admodum Emptioni & Venditioni est Locatio & Conductio, secunda species consensu obligationum, quæ definitur sic :

Est contractus per quem usus rei vel operarum alicuius, ad certum tempus nobis conceditur pro cōstitutâ mercede. Locare enim est dare aliquid vtendum, vel faciendū. Conducere verò accipere aliquid vtendum, vel faciendum. *Locator* igitur is erit, qui mercedē siue pensionem accipit, nempe dominus rei. *Conductor* autem, qui eam præstat, nempe colonus pro fructu fundi, inquilinus pro usu ædium.

Locatio itaque & Conductio in hoc differt à Venditione, quod per eam id agitur, vt ipsa res alienetur : per locationem autem tantum usus rei in alium transfertur. Item, Venditio habet pretium, Locatio mercedem : & in illa emptor tenetur de dolo & alijs, in ista conductor tantum de ipso dolo. Si itaque convenisti cum aurifice de faciēdis tibi schyphis pro certa pecuniâ : siquidem ex eius argento

fabricandi sunt, venditio est: sin ex tuo, locatio est. Illo enim casu proprietatem rei suæ in te transfert; isto verò, vsum artificij in re tuâ collocat.

NOTA primò, quòd pensio ad pecuniam, reditus ad frumenti, aut rerum similiũ mensuram in annos singulos cõstitutam refertur.

NOTA secundò Locationem, Conductionem esse contractum Bonæfidei, in quo multa quæ non dicta, nec fortè cogitata erant, venire æquum est, veluti vt conductor, qui in mercede soluenda moram fecerit, vsuras de quibus nihil dictũ est, soluat. *l. 2. 12. 17. C. eod.*

NOTA tertio, quod *actio locati* competit locatori ad persequendã pensionem. *in princ. b. t.* sed ad eius remissionem aut diminutionem aliquando tenetur locator, ob vsum vel fructus fortuito interuersos, id est vastatos, si nempe deductis expensis, ultra dimidium iusti precij fraudaretur colonus soluendo pẽsionem. *Actio verò conducti* datur conductori contra locatorem non præstantem vsum rei conuentæ.

NOTA vltimò, in omni locationis contractu tacitè & naturaliter inesse hanc pactionẽ, *tempore locationis non iri expulsum conductorem.* Verumtamen quatuor sunt causæ iustè exigendi domo conductorem ante elapsũ cõuentæ

uentæ habitationis tempus. *Primò*, si pensio-  
nem non soluat. *Secundò*, si perperam & no-  
xiè versetur in domo. *Tertiò*, si collabentes  
locator ædes velit restituere. *Quartò*, si subori-  
atur necessitas per quam ipse indigeat habita-  
tione domus. v. g. si quis rui habitans, ad ma-  
gistratum urbanum vocetur. *Eadem C. locat.*

Cæterùm quia Locationi simillima est Em-  
phyteusis, quinimò pars eius altera idcirco  
hic breuiter de illa dispiciamus.

EMPHYTEUSIS igitur est conuentio qua  
in perpetuum, aut ad certam vsque posterorū  
seriem gradumq; alicui fruendus traditur fun-  
dus, retento directo, & translato vtili domi-  
nio, quamdiu scilicet pensio præstatur.

Distinguitur autem hic contractus à Loca-  
tione, Conductione, & ab Emptione, Vendi-  
tione, multis ex causis. *Prima*, quia Locatio  
est ad certum tempus: Emphyteusis autem in  
perpetuum. *Secunda*, quia ad emptorem spe-  
ctat casus fortuitus: ad Emphyteutam verò  
non redundat totius rei interitus, sed tantum  
deterioratio. *Tertia*, quia venditionis contra-  
passum est pretium; Emphyteusis merces aut  
pensio, de qua supra.

OBSERVA, quòd neq; alienare ius suum  
Emphyteuta potest, nisi domino consentien-  
te (is enim, si vult, præteretur extraneo em-



ptori: vel in eum consentiens, habebit quinquagesimam pretij partem ) neque impensas, quas in perpetuam agri vtilitatem fecit, repetere à domino ( quia hæc origo huius & nominis, & contractus, vt fundi steriles perpetuò fruendi alicui traderentur, vt eiusdẽ tanto propensiore curâ & impensiore culturâ fierent meliores ) per quod ipsum differt à colono, cui refundendæ sunt tales impensæ: nõ etiam quas ad fructuum perceptionem facit solito more. Alioqui ne quidem modicè expendere cogitur in ea quæ ultra conductionis tempus durabunt.

## T I T V L V S XXVI.

*De Societate.*

**T**ertia species consensu obligationum est Societas, quæ sic definiri potest:

*Societas est contractus*, quo inter plures, res aut operæ, siue lucrum & damnum inde obuentura communicantur. Estq; vel Vniuersalis, vel Generalis, vel Specialis, vel denique Particularis.

*Vniuersalis Societas* est cõmunicatio vniuersorum bonorum, quæ etiam hæreditates & legata, & donationes socio quæsitæ in communionem deducit. Atq; hæc non expressè tantum contrahi potest, sed & tacitè: veluti si fratres

si fratres post mortem patris, bonis indiuisis, lucris communicatis, & nec redditâ, nec petitiâ ratione vixerint. Quales nostra ætate Georgium & Christophorum Duces Zbarauios, rarissimum fraterni amoris exemplum in Polonia vidimus, qui supremis ferè in Repub. honoribus præditi, non patrimonij tantum, prouentus, sed alias quoq; obuentiones, cõmunes inter se habuerunt.

*Generalis Societas* est arctior illa priore, vtputa ad communionem eorum tantum perti-nens, quæ quotidiano quæstu quæruntur. Atque de eâ intelligetur actum esse, societate simpliciter siue indistinctè contracta. In hac igitur omnia lucra sunt cõmunicanda, bona verò præsentia tantum: in illa autem priore cõmunicãda sunt tam bona & lucra præsentia, quàm etiam futura,

*Specialis Societas* est, quæ est de bonis in specie, vt de vino v. g. & in hac ultra sortem cõmunicantur etiam lucra ex tali negotiatione facta.

*Particularis deniq;* est, quæ est de bonis in particulari, vt vino Albanov, g, oleo Tiburtino, &c.

NOTA de partibus lucri & damni. Aut enim socij non sunt pacti de illud diuidendo sic, vel sic; & tunc iuxta portionem capitali-

um Arithmetica proportionē seruata, si sunt æqualia, vel Geometrica, si inæqualia, lucrum diuidi debet. Aut socij pacti sunt de illo diuidendo: & tunc. Vel. 1. pacti sunt de participando lucro pro rata capitalium. Vel. 2. de maiori lucro, & maiori damno participando, quamuis capitalia sint æqualia. Vel. 3. de maiori lucro, & minori damno. Vel. 4. de participando aliquid de lucro, & nihil de damno; istamen solus, aut operam simpliciter, aut preciosiores, præstat, & semper tenet, Vel. 5. pacti sunt, quod vnus totum lucrum habeat, & alius totum damnum: & hæc velut societas leonina, non tenet. Tenet autem hæc regula generalis in lucris damniq̃ue distributione. *Cessante pacto, ex interpretatione iuris æquales erunt partes. Quod si partes tantum circa lucrum definite fuerint, eadem intelligentur & in damno.*

NOTA secundò, quod nouem modis finiatur Societas. *Primo* morte, siue naturali, siue ciuili, maxima videlicet, vel media capitis diminutione alterutrius sociorum. *Secundo*, impositione finis ipsi negotio. *Tertio*, perreptione rerum societatis. *Quarto*, si alter ex socijs cædat bonis. *Quinto*, renunciatione, tum ab vno ex socijs cum facta causa, tum ab omnibus, etiam sine causa. *Sexto*, stipulatione, qua  
prima

prima societas in aliam, aut alium contractū, nouatur. *Septimo*, publicatione bonorū vnius ex socijs; si bonorum sit societas: secus si industriæ. *Octauo*, aduentu temporis, si ad tempus sit facta. *Nono*, intentatione iudicij ab altero facta de dissoluendo societatem, si cæteri socij velint: alias is solus remanet obligatus, optione alijs seruata continuandi, vel nō ipsam Societatem.

Socius autem tenetur eam adhibere diligentiam, in rebus societatis, quā in suis tantum rebus adhibere solet. Vnde tenetur de dolo, ac lata culpa, illi in ciuilibus æquiparata: item de leui, & non ultra. Finita verò societate, cuique sociorum datur actio directa pro socio: eorum verò hæredibus, utilis tantum.

T I T V L V S XXVII

*De Mandato.*

**Q**uarta species consensu obligationum est Mandatū, quod à manu (quæ fidei symbolum est) datā dicitur. &

Est conuentio qua quis alterius negotium voluntariè in se explendum suscipit. Diuiditurq; in expressum, & tacitum mandatum.

*Expressum est*, de quo tantum propriè hic, pro quo datur Mandatario, vel tertio, ipsa.

Mandati actio directa, Mandanti verò contraria; eorum verò hæredibus utilis tantum.

*Tacitum est*, quod quasi contractus dicitur, de quo infra.

Expressum aut Mandatum, aliud est à causa formali, aliud à causa finali, & aliud à causa materiali.

*A causa Formali* deinceps, aliud est purum, aliud conditionale, aliud ad diem, & aliud ex die: in omnibus hisce autem utroque obligantur mandator & mandatarius: ille ut hunc indemne seruet, restituto si quid in negotia impendit, etiam si successu ea caruerint, dummodo citra culpam ipsius. Ipse verò mandatarius vicissim & principaliter obligatur ad implendum negotium: namque id ab initio quidem liberum fuit non suscipere (quæ est omnium natura contractuum) postquam verò suscepit, decipere non debet. Itaque si neglexerit, tenetur mandati, quanti eius interest curatum fuisse negotium.

*A causa Finali* verò fit 1. vel gratia mandantis tantum. 2. vel aliena tantum. 3. vel mandantis & aliena tantum. 4. vel mandatarii & aliena tantum. 5. vel gratia omnium prædictorum simul: & semper nascitur Mandati obligatio, & Actio. 6. vel gratia tantum Mandatarii: & habet rationem consilij tantum, nec actio-



actionem parit: nisi consilium sit fraudulentum, & dans illud sit author tertiæ personæ.

*A causa deniq; Materiali*, Aliud mandatum est *generale*, ad omnia negotia, vel lites, vel ad vtrumq; siue simpliciter, siue cum libera facultate. Aliud *speciale*, ad aliqua tantum negotia destinatum; quod ita aliquādo requiritur, vt non sufficiat generale (nisi Mandantis iuramentum interuenerit) vt 1. in causā matrimoniali. 2. præstationis iuramenti de calumnia. 3. in causā postulationis suspecti Tutoris. 4. in causā petitionis restitutionis in integrum. 5. in exactione per procuratorem faciendā à suo comprocuratore. 6. in causā contra generum mandantis: nisi mandatum generale sit cum libera facultate, tunc enim æquiparatur speciali. Quod speciale non sufficit in casu requirente mandatum in indiuiduo, vt si, 1. agatur de renunciatione sententiæ transitæ in rem iudicatam. 2. de resolutione contractum. 3. de paciscendo. 4. de dote. 5. de legitima. 6. si Mandantis præsentia exigatur: potest tamen hoc mandatum aliquando extendi ad casum similem casui expresso in mandato: nisi in eo expressa sit particula, Tantum v. g.

NOTA, quod mandatum ex amicitia perdat, atque ideo gratum sit: merces enim contraria est

traria est amicitiae, sed relatio gratiae convenit; ideoq; non definit esse mandatum, promissio Honorario: pro quo non competit Actio efficax.

**NOTA** secundò, turpium rerum nullam societatem, nullum mandatum esse, denique nullam obligationem. Ideoque si Titius, te mandante, aliquem occidit, vel vulneravit: vterque quidem obligamini ex delicto ad parem pœnam (idẽ est. de consilio, sed ita demũ si aliter non facturo datum est). sed ex contractu nulla inter vos obligatio orietur: v.g. si Titius à te repetat mulctam & impensas, in quas propter vulnus condemnatus est. Sanẽ qui reuocavit mandatum, quia iam ei imputari non potest securum delictum, exfors pœnae erit.

**NOTA** tertio mandatum finiri. 1. renunciatione, 2. reuocatione illius, 3. morte, vel Mandantis, cognita tamen Mandatario: vel Mandatarij, integro ipso mandato. Nam hæres Mandatarij exequẽdo illud nullam Mandati actionem habet, quamvis, si illud per errorem exequatur, tribuat accipienti v. g. rem bona fide conditionem vsucapiendi illam, v. si fuerit mandatum de vendendo equum. v.g.

Quod si quæras, vtrum Procurator possit sibi alium substituere Procuratorẽ? Respondeo, quod

deo, quod, aut hoc exprimitur in mandato, & tunc potest; aut non exprimitur, & tunc. Vel mandatum est ad negotia tantum, & nec potest, tanquam electa industria perionæ. Vel est ad lites; & tunc, aut lis non est adhuc contestata, & neque potest: aut est contestata, & potest tanquam factus dominus; & sic velut in rem propriam potest sibi constituere Procuratorē, qui tamen quoad litem prosequendam dicitur Procurator Substitutus.

T I T V L V S XXVIII.

*De Obligationibus quæ ex quasi contractu nascuntur.*

POST explicatos contractus proprios, sequitur improprij: dictio enim *quasi*, ut similitudinem, sic quoque improprietatem denotat. Nam quasi contractus carent conventionē, quæ effectrix causa est contractuum: & tamen effectū cum ijs coniunguntur obligationis ex ipsa æquitate, & quasi præsumpto consensu, vel ex ipso facto enascentis. Etenim ex vero contractu nemo obligatur, nisi qui consensit: hic autem obligantur ignorantes, ut furiosus & pupillus. Sic si negotia vel res alicuius, absentis fortē, vel desertas aut alias perituras curasti, nascitur inter vos obligatio, qua &

qua & tu domino ad reddendum rationes ad  
 ministracionis teneris; & ille tibi vicissim ad  
 restituendum, si quid de tuo vtiliter impen-  
 deris; idq; ad instar Mandati.

*Obligatio itaq; descendens ex quasi contractu est*  
 conuentio tacita habens caulam. Et est octu-  
 plex:

*Primò* dicitur quasi contractus Pignoris,  
 siue in specie de rebus mobilibus inuectis, v.  
 g. in domum per illius conductorem fauore  
 ipsius domini domus: siue quasi contractus  
 Hypothecæ in rebus immobilibus mariti fa-  
 uore vxoris pro dote illi data secundum nos.  
 At in sententia Iustiniani, quasi pignoris, quā-  
 do res est tradita, sed non ad effectū concedē-  
 di in illa securitatem illam accipienti, & quasi  
 hypothecæ, quando res non est tradita seu  
 cōsignata pro vlla assēcuratione, vt supra, sed  
 à sola lege ius pignoris, & ius hypothecæ fin-  
 gitur interuenisse, vbi verè à partibus non est  
 expressè conuentum. Vnde & tacitū Pignus,  
 ac tacita Hypotheca nuncupantur: aut ex Im-  
 peratore tacita tantum hypotheca, vt contin-  
 git in muliere habente tacitam hypothecam  
 super omnibus bonis mariti, siue mobilibus,  
 siue immobilibus pro sua dote recuperanda.

*Secundò* dicitur Tutelæ, dum à lege fingitur  
 inter pupillum & tutorem esse conuētum de  
 reddon-

reddendis rationibus, ac soluendo, quod alter alteri restabit in debito; unde, & pupillo finita tutela actio directa aduersus tutorem, datur; & huic actio contraria, vt suo loco dictum est.

*Tertio*, Negotiorum gestorum causans pariter suam actionem tum directam, tum contrariam ipsi domino, ac gerenti, vt sup. proportionaliter discurrendo.

*Quarto*, Mandati, si quid Mandatarius ultra scriptam summam expendit.

*Quinto*, ex Legato, cuius actio directa contra heredem competit ipsi legatario, per ipsum tamen agnito legato; utilis verò heredi filius legatarij.

*Sexto*, Familiae Eriscunda, cuius actio directa cohæredi contra cohæredem datur ad ipsam hæreditatem diuidendā. Nemo enim vitus in communiōe detineri potest: quippe quæ negligentiam colendæ reficiendæque & discordiam consortium gignere amat.

*Septimo*, Finium regundorum, & omnibus confinio agros habentibus datur actio directa ad ponendum terminos illorum contentiores.

*Deniq;* cum mutuo similitudinem habet actio indebiti, facta scilicet ab eo, qui per errorem facti se debitorem existimabat: perinde ob-



inde obligans ad restitutionem accipientem, unde fit *Condictio indebiti*. Nam principalis intentio magis ad dissoluendam, quàm constituendam obligationem tendit, ideoq; non est propriè contractus, sed ipsa æquitas restituendi fidem dicitur. ideoq; est quasi contractus.

## T I T V L V S XXIX.

*Per quas personas nobis obligatio acquiritur.*

**E**Xpositis generibus obligationum, quæ ex contractu, vel quasi contractu nascuntur, dicendum est, per quas scilicet personas nobis illas obligationes, & per consequens actiones acquirere possumus. Sicut igitur in libro secundo proprio titulo egimus, per quas personas nobis dominium acquiritur; sic per easdem intelligendum hic est acquiri nobis & obligationes. Hoc est, non solum per nosmetipsos, sed per eas quoque personas, quæ in nostra potestate sunt, veluti per seruos, & filios nostros: item per liberos homines, aliosque seruos, quos bona fide possidemus, & quorum usumfructum, vel usum tantum habemus.

## T I T V L V S XXX.

*Quibus modis tollitur obligatio.*

**E**Xplicatum est hætenus, quomodo obligatio

gationes contrahantur, & acquirantur: nunc dicendum est quomodo dissoluantur & tollantur. Tollitur autem omnis obligatio solutione eius quod debetur, facta creditori præstatione rei à quocunque etiam ignorante debitore.

*Solutio itaq;* est actus, quo debitor ab obligatione liberatur. *Et est duplex:* Alia negativa, qua tempore, vel dissimulatione, quis liberatur. Et alia positiua, qua rei præstatione satisficit creditori. Et hæc iterum duplex.

*Alia naturalis;* siue propria, qua verè creditori traditur, quod in obligationem venit: vel aliquid aliud in illius locum; de consensu tamen ipsius creditoris. Siue impropria, quando fictè traditur prædictum, contraria videlicet, aut nuda voluntate.

*Alia Civilis:* siue item propria, qua ipso iure debitor liberatur, aut Acceptilatione, aut Nouatione. Siue impropria, qua debitor ope exceptionis liberatur.

Non omnes tamen obligationes, prædictis omnibus modis tolluntur, sed vna vno, altero altera. In summà tamen, septem modis tolluntur obligationes. 1. per Acceptilationem. 2. per Nouationem. 3. per Solutionem in specie. 4. per Tempus. 5. per Nudam voluntatem. 6. per Exceptionem. 7. Per Dissimulationem.

*Acce-*

*Acceptilatio* est impropria solutio eius, quod debetur, per stipulationem facta. Quia nihil tam naturale est, quàm eo genere vnūquodque dissolui, quo est colligatum, ideò verborum obligatio non nisi contrariâ stipulatione dissolvitur, quâ creditor acceptum fert, id est accepisse in solutum se proficetur, quod non accepit. Vnde *Acceptilatio imaginaria solutio* dicitur. Et est duplex. Alia *Acceptilatio Simplex*, quâ directè obligatio tantùm verborum tollitur. Alia *Cōposita*, quâ quæuis alia obligatio tollitur, prius tamen *Nouatione* ad Stipulationem deducta, postea verò per aliam Stipulationem continentem ipsam *Acceptilationem* sublata, quæ *Aquiliانا Stipulatio*, ab *Aquilio I. C.* auctore vocatur, vt si de centum tibi mutuatis sic te interrogem. Centum, quæ tibi sum mutuatus, promittisne mihi dare? & tu respondeas. promitto. Postea tu me sic interroges. Centum quæ tibi stipulanti promisi, à me prius tibi debita ex mutuo, habesne accepta? & tu respondeas. habeo. Quia autem & hæc, & *Simplex Acceptilatio*, *Ciuiilis* & *Cōmenticia Solutio* est: irrita erit, si sub conditione, aut in diem expressè cōcipiatur: quæ amuis interdum tacitè interuenire conditio poterit, in non solutione dotis nuptijs, non secutis.

*Nouatio*

*Nouatio est* mutatio primæ obligationis in aliam: & fit ad instar stipulationis, vt centum, quæ tibi mutuatus sum, visné in deposito habere? & tu respondeas. volo. quæ enim mihi prius ex mutuo debebas, nunc debes ex deposito. Et hæc nouatio est duplex. Alia quæ vocatur *Translatio*, respectu delegationis: per quam obligatio transfertur à debitore in aliam personam, quam vice suâ scilicet adsignat creditori, eidem promittentem solutionem. Et alia quæ *Transfusio* dicitur, quatenus non mutatâ debitoris personâ, eius obligatio trās-funditur in nouam: quæ priorē, quocunq; genere contractâ abolet, stipulâdo denuo quod in eâ continebatur: siue diem vel conditionē adijciat detrahatvè, siue nil tale moueat.

*Solutio est* actus positivus naturalis, quo creditori verè datur, quod in obligationem fuit deductum, quidvè aliud in locum illius; de consensu tamen eiusdem. Et hæc omnem simpliciter tollit obligationem: & dicitur solutio tum facti, inspecta datione rei simpliciter; tum iuris, inspecto debito modo: quia rem facere quisque potest alterius, quamvis ignorantis, meliorem, non etiam deteriorē. Vnde non liberabit solutio alteri facta quàm creditori: nisi fiat iussu eius qui ius imperandi habet.

*Tempus est*, quo elapso tolluntur obligationes, vel priuatim constitutæ in diem, vel publica iuris determinatione finitæ. Veluti Prætoriam obligationem Iniuriæ, Re, vel verbis factæ, tolli Anno. Civilem autē Iniuriæ (pro-ut Civilis à criminali distinguitur) ex lege Cornelia esse perpetuam. Obligationem deniq; iniuriæ factę in scriptis nunquam tolli, tanquā quod scriptura semper loqui intelligatur.

*Nuda voluntas est duplex*: Alia expressa, qua tollitur obligatio ex Contractu, vel quasi, cum re integra, perfecta etiam venditione, ab illa contrario dissensu receditur. Alia tacita, seu nuda, seu simplex, qua tollitur obligatio tantum iniuriarum, ut si, qui ad animum reuocauit iniuriam, postea amicè salutauerit ipsum iniuriantem.


*Exceptio est* itidem duplex. Vel Pacti, de nunquam petendo. Vel iuramenti, de nunquam innouando. quæ tamen exceptiones probari etiam debent. Licet enim obligatio semel nata nunquam extinguatur, tamen per exceptionem perpetuam obligationis, & actionis, effectus suspenditur in perpetuum. Et sic passim elidi actiones dicuntur. Et licet de omnibus alijs modis tollendi obligationem possit etiam affirmari, quod sint exceptiones: Peculiare tamen nomen sunt sortitæ, tanquā ipso iure




ipſo iure perimentes ipſam obligationem. Alij verò modi quibus non ipſo iure perimitur obligatio, ſed ope tantum Exceptionis, dicuntur Exceptiones varijs nominibus nuncupatæ, vt diceretur inferius.

*Diſſimulatio eſt*, qua tollitur obligatio iniuriæ tantum, ſi lis non ſit conteſtata, aut ſi iniuria non ſit ad animum reuocata, iniquo videlicet illam animo, vt rem indignam, non ferens ipſe iniuriatus.

NOTA, quòd præter ſeptem modos ſupra ſcriptos, poſſunt & alij quatuor colligi: nempe *Compensatio. & bonæ fidei. infra de actio. Confuſio. l. debitor. 7. C. de pac. Interitus rei. l. ſi ex legati. 2. 3. ff. de verb. oblig. Maleficium creditoris. l. ſi quis in tantum. 7. C. unde vi. Antonius Contius.*





# INSTITUTIONVM IVRIS CIVILIS LIBER QVARTVS.

## TITVLVS I.

*De obligationibus quæ ex delicto nascuntur.*

**P**Rioribus duabus causis absolutis, ex quibus obligationes nascuntur, Contractus scilicet, & Quasi Contractus, restant posteriores duæ, Delicta, & quasi Delicta. quæ subsequentibus titulis explicantur.

*Est autem Delictum* factum illicitum, pæna coercendum ex lege humanâ. (differt enim à peccato, quod latius patet ad omnia, quæ contra ordinem rationis fiunt, ex quibus, ple-raq; famæ, Deo, & conscientiæ vindici relin-quantur.) Estq; duplex: Publicum & Priuatũ.

*Publica delicta dicuntur*, quæ ad dissipatio- nem status publici tendunt, vt seditio, homi- cidium, peculatus, ambitus, &c.

*Priuata verò sunt*, quibus priuatæ vitæ affli- gitur cōmoditas, vt est furtum, rapina, damnũ, & iniuria: de quibus in hoc & sequentibus titulis disseritur.

NOTANDVM quod & inter publica, & inter priuata delicta, *quædam sunt capitalia*, quæ pæna mortis aut exilij vindicantur: *quædam non capitalia*, quorum pæna aut est pecuniaria, aut coercitio quædam corporalis.

Rursus utrorumque, *quædam sunt ordinaria*, in quibus certa pæna legibus constituta est: *quædam extraordinaria*, quibus imponitur pæna pro modo delicti ex arbitrio iudicantis.

Persequimur autem pænam, *aut ciuilitè*, quando petimus eam nobis adiudicari: *aut criminaliter*, quando petimus, ut reus vel luat pænam in corpore, vel quid fisco inferat.

Ex priuatis itaq; delictis, primum est FURTVM. nempe contrectatio fraudulosa, lucri faciendi gratiâ, vel ipsius rei, vel etiam vsus eius possessionisvè, & duplex. Aliud manifestum, & aliud non manifestum.

*Furtum manifestum est*, cùm fur reperitur in loco delicti, vel alibi etiam, antequam tamè se reponat in loco, quo destinauerat rem asportare, dummodo ei retro acclametur.

*Non manifestum est*, quando non sic detegitur: Et hoc est per se ipsius furti, esse verò manifestum eidem est per accidens.

NOTA primò, duplicem esse pænam furti hodie. Alteram Ciuilem ad persequendam rem familiarem, siue ad duplum in non ma-

nifesto, attenta lege 12. Tab : siue ad quadruplū in manifesto, attento iure Prætorio semper ultra simplum, siue ad simplum tantum. Alteram Criminalem (nam pecuniarias illas pænas consuetudo moderna antiquauit, quauis iure quoq; diuino probatas) ad persequendam vindictam iniuriæ arbitrariam iudici, citra tamen mortem; nisi in tertio furto commissso ab eodem: vel etiam in primo, magni tamen momenti tribus ordinarijs æquipolenti.

NOTA secundò, pænalem actionem furti, illi tantum competere cui interest, rem saluam esse. 1. dominus, qui etiam pro re præcariè cōmodata solus potest contra furem agere, cōtra verò Commodatarium potest quidem agere, non actione furti, sed actione tantum in factum ad interessè, dum tamen Cōmodatarius fuerit circa rem ipsam culpabilis. 2. Cōmodatarius in specie, etiam contra dominum non finito vlu rem ipsam sic cōmodatā fraudulosè contrectantem. 3. Conductor. contra dominū etiam, vt sup. 4. Fullo, dum tamen hic mercedem reciperet à domino vestis v. g. 5. Vsufructuarius, & vsuarius etiam, contra ipsum Proprietarium eiusdem rei. 6. Depositarius contra tertium tantum; non itē contra vllum suo modo eiusdem dominum. 7. Pignoratarius etiam contra ipsum dominum non

nū non soluto sibi debito. 8. Possessor bonæ fidei in defectu veri domini, vel alterius ex prædictis.

NOTA tertio, quod ad hoc, ut possit furti Actio intentari contra furem, debet hic esse. 1. pubes. 2. sanæ mentis. 3. sui iuris. 4. extraneus, saltem respectu iuris super quo cadit ipsum furtum. Quare concurrentibus dictis qualitatibus in fure, ex defectu quartæ conditionis potest dari actio Furti. 1. contra surripientem rem alienam simpliciter. 2. contra ipsum commodatarium alio modo, resibi commodata utentem. 3. contra conductorem pervertentem ius sibi concessum. 4. contra creditorem utentem etiam pignore. 5. contra depositarium re pariter deposita utentem. 6. contra ipsum dominum surripientem rem pignori datam; vel commodatam in specie. 7. contra usufructuarium, vel usufructum pariter pervertentem usumfructum, vel usum sibi concessum. 8. contra mandantem fieri furtum. 9. contra dantem auxilium: contra dantem autem consilium tantum, ut fiat furtum, non furti actio, sed in factum tantum ad interessè datur. Vnde ex defectu dictæ quartæ conditionis non datur actio furti, contra dominum contrectantem rem depositatam: neque contra commodantem rem precariè sibi



commodatam contrectantem: nec denique spoliantem incontinenti eum, à quo prius de eodem fuit re spoliatus. Ex defectu verò tertiæ conditionis, non potest dari actio furti contra filium familias furantem res paternas; neque contra uxorem furantem res mariti. Ex defectu secundæ, non potest contra impuberem; nisi sit pubertati proximus. Ex defectu tandem primæ, non potest agi contra mentecaptum, vel eum, qui actu erat furiosus, quando rem alienam contrectavit.

## T I T V L V S I I.

*De vi bonorum Raptorum.*

**S**ecunda species obligationis ex delicto *Rapina*; quæ est violenta & dolosa rei mobilis ablatio invito domino: atque ideo furtum scelestius atq; impudentius nuncupatur, furtique pœnis est obnoxia. Et est *vel manifesta*, quod est de ratione rapinæ. *vel non manifesta*, quod eidem per accidens est, veluti cum me absente & inscio armatus quis domum meam spoliat; vel etiam de die & me præsentem, sed facie coperta, aut de nocte, ne faciliè agnoscatur. Quare ex animo pensandum est ipsum furtum, & ipsa Rapina, non verò quod fiat clam, vel palam, ita ut sicut ipsa clandestinitas non tollit rationem rapinæ, sic ipsa manifesta

nifestatio non tollit rationem furti; quamvis huius pœna à duplo, in non manifesto augeatur usque ad quadruplum in manifesto.

NOTA primò, quòd cum rapina furti species sit, consequens est eam non committi ab eo qui rem propriam iniquo possessori extorquet: sed is nihilominus ideo rei suæ iactura punitur. Quòd si existimans suam rem, cum alterius sit, eam illi eripiat: rapinam quidem non committit, quia furtum sine dolo non consistit: tamen & hic eam vnà cum eius æstimatione de suo restituere compellitur. Idque etiam in rerum immobilium inuasionem locum habet. Coercenda enim est ea temeritas, conuellens vincula publicæ quietis, & auctoritatem iudiciorum, quæ ideo instituta sunt, ne quisquam sibi ipsi permittat arbitrium ultionis. Similiter igitur & creditor, non per Iudicem, sed propriâ temeritate rem sibi debitam extorquens, amittit ius crediti; atque hic etiam rapinam committit. res enim debita adhuc debitoris est. Adeoque si quis pignora debitoris, citra auctoritatem iudicantis abduxerit, violentiæ crimen admittit. Etiam agitur vi bonorum Raptorum contra mandantem rapinam fieri; contraque dantem opem. De consilio verò, dic vt sup. in Furto.

NOTA secundò, pœnam Rapinæ duplicem esse.

esse. *Ciuilem* aliam, attenta lege 12. Tab: sicut in furto: attento autem iure Prætorio, siue sit manifesta, siue non, semper esse quadrupli, computato simpli, intra annum, postverò est ad simplum tantum. *Criminalem* verò esse maiorem quam furti, cum sit crimen publicum, furtum autem, quasi publicum tantum. Vnde dominus (aut is cuius interest rem non esse raptam) potest relicta actione *Ciuili* Rapinæ, agere actione *ciuili* furti, vel ad duplum, attento iure *Ciuili*, si non sit manifesta, vel ad quadruplum, attento iure Prætorio, si sit manifesta. Semper tamen ultra simplum. Et in casu Rapinæ non manifestæ habet propriè locum actio ipsa de Rapina, quæ, licet sit non manifesta, tamen est ad quadruplum, computato nihilominus simpli.

NOTA terriò, quòd idem potest agere de Rapina, qui potest & de Furto. Illeque idem potest Rapinam committere, qui & furtum. inque iisdē rebus. Sed videamus de damno,

### T I T V L V S III.

#### *De Lege Aquilia.*

**T**ertia species delicti est *Damnum*, quod in genere sic definiri potest. *Damnum est actus detrimentum patrimonij alterius continens,*  
diuidi-

diuiditurque in Páuperiem & Contumeliam, de quibus infra. Ex lege autem Aquilia, *Damnum est actus positivus sine iure, & cum iniuria culpam tantum involuente factus, alterius solummodo detrimentum continens.* Et est duplex: Aliud consistens in occisione pecudis, vel serui alieni. Aliud in vulneratione tantum eorundem; aut in aliarum rerum depravatione. Ex quo etiam tituli præsentis duo sunt capita:

*Primo capite*, hæc lex Aquilia, vindicat damnum iniuste datum seruum pecudemve alienam occidendo, iubens æstimationem rependi domino, quanta earum rerum ullâ parte anni proximè præteriti maxima fuit; ut si v. g. seruus pictor cum occideretur cæcus erat, ante verò, intra annum tamen, oculis & arte valuerat: æstimatio ineunda sit non serui cæci, & inutilis, sed artificis picturæ. § 10. *b. t. l. 23. ff. eod.* Illud præterea in æstimatione venit, non tantum quod in corpore perempto, sed & quod eius occasione in re alia damnum patimur. v. g. ex quadriga tua vno equo occiso, non tantum ille æstimabitur, sed reliqui quoque, quanto minoris sunt iam disiuncti: qui propter parilitatem lineamentorum & coloris aptissimi ad quadrigam erant. Tenetur & similiter qui mortis causa fuit. Sic cum quis locatum sibi equum, ad ceruî iter biduo expedien-

pediendum, ita concitasset, ut vno die iter illud conficeret, quamuis in primo itineris stabulo fortuitum vulnus accepisset equus, isque post iter expirasset: responsum fuit, conductorem teneri non modo in equi pretium, sed & ad id quod interesset locatoris.

*Secundo capite* lex loquitur de reliquo omnino damno, nempe seruo vel pecude laxis, aut alijs quibuscunque rebus quocunque modo corruptis, id est fractis, collisis, scissis, vltis, destructis, conspurcatis. Eodẽq; modo damnum cõputatur: nisi quod hic æstimatio tantum maxima quæ intra 30. dies fuit soluenda est. Ille enim excessus æstimationis pro pænâ est; quæ leuior in hoc capite, tanquam in delicto leuiore. Grauius enim cades, quàm vulnus: nam illa præterea Lege Cornelia capitaliter punitur; si nempe dolo admissa est. Igitur homine libero occiso, non hæc lex, sed Cornelia locum habet: eò verò vulnerato locum habet actio in factum ad exemplum legis Aquiliæ: in quâ non corporis, sed damni æstimatio fiet. Hanc quoq; solam persequetur pater vtili legis Aquiliæ actione ob filij semil. vulnus. *Diodorus Tuldenus in Instit. ad Leg. Aquil.*

NOTA, quòd damni delictum, non tantum dolo, sed & culpâ contrahitur, cuius species



sunt varia. *Primò imperitia* in pertinentibus ad artificium vel artem quam quis proficetur, veluti si Medicus cōtrario medicamento mortem attulerit. *Secundò*, Negligentia rei negotium non attendentis. *Tertiò* Inconstantia susceptum semel negotium deserentis. *Quartò* In cogitantia tractantis in publico rem periculosa, neque admonentis prætereuntes. *Quintò* Temeritas aut Præsumptio affectantis id cui moderando per infirmitatem non sufficit, veluti si quis cūm ferocem equum retinere non posset, aliquem obtruit. *Sextò* Lasciua seu ludum importunus, veluti si quis obiecto rubro colore consternauerit boues in fugam, eosque alius furto exceperit: aut sclopetum explodens in aulam domum aliquius combusserit. Talis à Camera Spirensi fuit in vniuersi damni æstimationem condemnatus.

**N O T A** secundò, quòd directa, & ex manifesta legis huius sententia descendens actio tunc demum habet locum, cūm quis corpore suo corpus læsit; quod etiam de eo dicimus, qui aliquē præcipitauit in flumen, non modò si is ruinæ impetu statim extinctus est, sed etiam si vorticibus fluminis victus tandem submersus est. At si quis non corporali vi lædat corpus v. g. seruo alieno persuaserit in recti fastigium

fastigium ascendere, isq; inde deciderit: quia non cecidit aut læsit, sed occasionem modò noxæ dedit, propriè cessabat lex Aquilia, sed interpretatione I. C. eò porrecta est: daturque utilis actio. At in factum actio est, si ne corpore quis, nec corpus læsit, veluti seruum vinctum soluendo. Hæc in factum Prætoria dicitur, ad differentiam utilis actionis, quæ eadem in factum ciuilis dici solet.

## T I T V L V S IV.

*De Iniuria.*

**Q**uarta species obligationis ex delicto priuato est *Iniuria*, quæ in genere sumpta, tam latè patet quàm iniustitia: est enim effectus iniustitiæ, quæ in affectu & habitu animi consideratur. Talis iniuria vel dignitatis, vel corporis, vel rerum extra nos positarum detrimento aliquem afficit temerè immerito vè. At hoc in titulo *specialiter iniuria sumitur* pro contumelia, à contemptu dicta, quæ sic definiri potest.

*Iniuria est* dictum factum vè inhonorificū, ad infamiam dolorem vè alterius directum: quam iudicijs vindicari: quietis publicæ & singulorum interest. Plerique enim illa adfecti rerum externarum detrimenta tolerabiliora multò putant.

*Fit autem*

*Fit autem Iniuria quatuor modis.* Vel factō, per occisionem videlicet, vulnerationem, & corruptionem rei. Vel verbis, per maledictū, vt conuitium. Vel verbis & factō simul, vt attentando pudicitiam, aut aſſectando, veluti ſi quis puellam ſollicitet ad ſtuprum, eo ipſo enim ſignificat opinionem quam de impudicitia eius concepit. Vel denique ſcriptura, vt ſi quis v. g. amarulētā aliquem ſatyra proſcribat cum ſuis vitijs: nam ſi crimina diſtinctē & in ſpecie impinguntur ſcripto, id propriē Libellus famoſus eſt. & eius auctor ex legibus 12. Tab: capite luit.

*Diuiditur autem Iniuria In Leuem & Atrocē.* *Leuis eſt* aliquem in celebritate probris inceleſere. *Atrox verō* vulnerare aut ſuſtigare in foro, in theatro, in præſentia magiſtratus: Aut parentem, patronumvē, aut excellenti dignitate virum contumelia aſſicere.

NOTA ſecundū dictas differentiās atque circumſtantiās pænā iniuriæ creſcere & augeri. Etenim ſiue ciuilitè agitur, dum actor poſtulat reum in tantam pecuniā condemnari, quantā ipſe iniuriā æſtimat: Iudex moderari quantitatem petitam poteſt, ſi fortaſſe actor modum exceſſit. Siue criminaliter agitur, & non ad lucrum, ſed ad publicum exemplum vindicta repoſcitur: Iudicis arbitrio pæ-

trio pœna est constituenda. Idq; maximè ob-  
tinet quoties rei vilitas eludit pœnam pecuni-  
ariam & infamiæ. Vna autem actione pro-  
pria iniuriarum intentata non potest variari,  
nec simul alteram intentare; secus autem, si  
pro iniuria fuerit electa actio ciuilis Damni  
dati, nam tunc vna cum illa poterit cumulari  
tum actio criminalis, vel ciuilis eiusdem Da-  
mni, tum Criminalis ipsius iniuriæ.

NOTA secundò, quòd iniuriatus, si sit vilis  
persona, debet per se ipsum agere (idem dic-  
de defensione) si verò sit persona illustris, po-  
test agere per procuratorem: & hoc, ne suc-  
cumbens efficiatur infamis, & ne actor suc-  
cumbens pœnam talionis persoluat, licèt ho-  
die lex talionis quãuis iuri Mosaico consen-  
tanea, contraria consuetudine iam sit anti-  
quata.

NOTA tertio, quòd iniuriarum actio da-  
tur. 1. Contra ipsummet iniuriantē. 2. con-  
tra dantem opem dolo malo vt fieret iniuria.  
3. contra mandantem. 4. contra procuran-  
tem, id est, dantem consilium, aut hortantē;  
tale enim consilium semper fraudulentum  
est, & sic dolosum: nisi malitiosa huiusmodi  
machinatio irrita fuit, iniuriâ non secutâ.

Tollitur autem hæc actio remissione, quæ  
vel expressè contingit, per pactum transactionis  
nemine

nemvé: vel tacitè, si quis iniuriam sine vlia  
offensâ aut commoti alienatiuæ animi nota  
excepit; postea enim ex pænitentia remissam  
iniuriam non poterit recolere. Vulneratus  
autem quamvis remittit iniuriam, etiam pe-  
cuniâ acceptâ: adhuc tamen petere potest  
impensas curationis, quæ non ob contumeli-  
am, sed ob damnum debentur.

T I T V L V S V.

*De Obligationibus, quæ ex quasi delicto nascun-  
tur.*

**Q**Vasi Delictum est actus negatius sine iu-  
re, cum iniuria culpam tantum inuol-  
vente factus. & est vel simpliciter negatius,  
vel secundum quid, sequens videlicet ad actum  
positivum ipsius quasi delinquentis, aut alte-  
rius. Nam quemadmodum quædam nego-  
tia ad contractuum, sic & ad delictorum fines  
quædam facta proximè accedunt, quæ magis  
similitudinem eorum, quam substantiam ha-  
bent, & considerantur quadrifariam.

*Primò in Iudice*, qui si per imperitiâ iniquâ  
sententiâ aliquem læsit, tenetur ei in æstimati-  
nem damni, alterius iudicio moderandam:  
ideoq; dicitur *litem facere suam*, cuius pericu-  
lo seipsum ut succedaneum subiicit. Sed in.



uniuersæ litis æstimationem ita demum dam-  
natur, si dolo malè iudicauit, id est ex euiden-  
ti gratia, inimicitia, vel corruptela. *l. 15. ff. de  
iudic.* ex quibus solis ferè tantum secundum  
mores huius æui tenetur, non etiam ex impe-  
ritia.

*Secundò in Proiectis*, quoties dominus do-  
mus tenetur de damno alteri sequuto ex re  
eiecta de domo sua, etiamsi id contigerit cul-  
pâ famulorum, vel cuiuscunq; simul inhabi-  
tantis, veluti hospitis, clientis, in duplum da-  
mni dati: itemq; corpore libero læso ad red-  
dendum æstimationem impensarum, itemq;  
operarum solitarum arbitrio iudicis, ad quas  
quis tali casu inutilis factus est.

*Tertiò in Appensis*, cùm dominus tenetur de  
damno sequuto alteri ex re ad fenestram v. g.  
domus suæ appensa, si cadens transeunti no-  
ceat.

*Quartò in Exercitore*, hoc est in Nauta, Cau-  
pone, Stabulario. Hi tenentur ad reddendum  
in duplum, quod viator, vel vector de sarcinis  
suis aut rebus amisit, in eorum naui, diuerso-  
rio vel stabulo: quia eorum culpa videtur,  
quòd hominum improborũ ministerio vtun-  
tur. Sed intelligendũ est, tunc demum huic  
actioni esse locum, si furtum factum est ab ali-  
quo, per quos nauim, stabulum, vel diuerso-  
rium

riū exercent, aut qui in eo alias habiter. Etenim nautę, caupones, & stabularij non tenentur hac actione panali de facto viatorum vel vectorum, utpotē quos ignotos promiscuē recipiunt; sed de eorum facto tamen in simplū conueniri possunt ex quasi contractu, cum custodiam in se recipere videantur. *l. 1. § ult. & l. 2. ff. naut. caup.*

T I T V L V S VI.

*De Actionibus.*

**V**Ltima est pars operis de Actionibus; nam prima parte Institutionum de personis, secunda de rerum dominijs earumq; obligationibus Imp: tractauit, nunc ventum est ad eam operis partem, quæ reliquarum quoddā est munimentum, nempe ad *Actiones*, quæ sunt formulæ quædam, secundum quas quisque examinare, dirigere, & formare in iudicio desiderium suum siue intentionē possit: (Hinc Actiones dictæ sunt, ait Theoph: quod improbos & perfidos ad iudicia agant) abiq; quo necesse sit, summam in iudicijs querellarum calumniarumq; esse confusionem.

*Actio itaq; est ius ( seu facultas & formula) persequendi in iudicio quod sibi debetur: quod, si habeat rationem vindictæ, dicitur*

publica; si rei familiaris, dicitur priuata: aut de proprietate, aut de possessione.

Omnium autem Actionum, quibus inter aliquos, apud Iudices arbitrolvé (nam iudices stricti iuris, Arbitri verò bonæ fidei iudicij adduntur: & illi ex formula à Præatore data, hi ex bono & æquo iudicant) de quacunque re quæritur, sunt octo diuisiones totales.

PRIMA eaq<sup>3</sup> *suprema Actionum diuisio est hæc*, quod quædam sint *Ciuiles*, nempe de re pecuniaria: quædam *Criminales*, quibus capitis vel corporis, vel existimationis pæna petitur, & *accusationes* vocantur, quemadmodum illæ propriè *actiones*: quædam deniq; *Communes*, quibus aut de personarum statu, aut de tranquillâ pacificaq; possessione quæritur, & *Interdicta* vocantur.

SECUNDA *Actionum diuisio à causa efficiente procedens*, quod nimirum actiones quædam *Ciuiles* sunt, quæ ex Legibus, S. C. Edictisq; Principum nascuntur: quædam *Prætorie*, quas Prætor supplendi aut mitigandi iuris ciuilis causâ introduxit: Quatum aliæ *Directæ* sunt, quæ ex verbis aut manifesta legis sententia descendunt: aliæ *Vtiles*, quæ interpretatione Iureconsultorum, per consequentias & similitudines, ex æquo & bono introducuntur.

TERTIA *diuisio Actionum* à Materia, quod  
 aliæ sunt *in rem*: aliæ *in personam*: & aliæ *mix-*  
*tæ*, quorum prior *Rei vindicatio*, secunda *Con-*  
*dictio* vocatur. Vindicare autem est rem de  
 manu possessoris liberare: Conducere verò,  
 denunciare alicui, vti ad certum diem iudicio  
 adsit. *Vindicatio* igitur, ex dominij, *Condictio*  
 ex obligationis iure nascitur, illa quemcunq;  
 rei nostræ possessorem, hæc eius tantum per-  
 sonam qui nobis obligatus est sequitur: illa  
 rem nostram reddi nobis, per hanc verò no-  
 bis debitam dari vel præstari petimus. *Mixtæ*  
 verò Actiones, naturam vtriusque iam dictæ  
 qualitatis participant, veluti *familia herciscun-*  
*dæ*, *cōmuni diuidundo*, *finium regundorum*. Nam  
 diuidendæ hæreditatis iudicio, in rem agis,  
 tuam portionem persequendo; sed alio respe-  
 ctu in personam quoque cohæredis, adeun-  
 do hæreditatem tibi ex quasi contractu obli-  
 gari; & quia necesse est alteri attribui pro di-  
 uiso, quod socij quoq; erat pro indiuiso. Tan-  
 tundem est pro communi diuidundo agere:  
 nam consors ex quasi contractu quoque ob-  
 ligari videtur; inciduntque in hoc iudicium  
 præstationes personales. Sicut & cum inter  
 confines petuntur designari & constitui vtri-  
 usque agri limites; namque in eo & petis ius-  
 tum agri tui modum tibi adiudicari, quod

vindicationis est, & ad mensurandum fundū præsentem aduersarium habere cupis, quod CondiCTIONIS est.

QUARTA *actionum diuisio à Forma*, quòd quædam actiones sunt, *Bonæ fidei*; quædā *stricti iuris*, quædam *arbitrariæ*. Bonæ fidei sunt, in quibus iubebat Prætor Iudicem ex bona fide æstimare, non attendendo certas actionis formulas. Stricti iuris verò sunt, in quibus Iudex id quod inter contrahentes expressè actum, vel de negotio legibus constitutū est, sententiæ suæ æquitate egredi non potest. Arbitrariæ denique sunt, in quibus iudex arbitri & conciliatoris officio æstimat & interloquitur, quomodo oporteat actori satisfacere reum: quo id contemnente, tunc demum secundum leges eum condemnat.

QUINTA *actionum diuisio à Fine*, quòd sit vel *persecutoria rei*, vel *Pænalis*, vel *mixta*. Per illas petimus, quod ex patrimonio nobis abest: per istas verò aliquid vindictæ causa, ut actione furti: per has verò utrumque, ut actione vi bonorum raptorum.

SEXTA *actionum diuisio à Quantitate multiplicata*, quòd actiones nimirum pænæ persecutoriæ, vel in simplum sunt, vel in duplum, vel in triplum, vel in quadruplum. Sed hæ pænæ hodie ferè in desuetudinem abiuerunt.



SEPTIMA *diuisio* à modo condemnationis, quòd sit *Vel ad Solidum, vel ad minus Solido.* illa totum prætenditur, quod nobis debitum putamus: ista id solūmodo quod iuxta suas facultates debitor nobis præstare potest. Quod sanè beneficium indulgetur, vel propter meritum, veluti militi & sacerdoti, vel propter necessitudinem & coniunctionem personarum, vt parentibus & liberis inter se.

VLTIMA *actionum diuisio* à Tempore durationis, quòd sit *vel Temporalis, vel Perpetua.* Prioris naturā habent omnes Prætorie Actiones, quæ annuæ vel annales sunt; posterioris, omnes actiones ciuiles (exceptis quibusdam factis temporalibus à Iure Canonico) quarum aliæ transeunt ad, & in hæredes, aliæ non. Transiens ad, est quæ actori competens non competit eius hæredi, vt actio Iniuriarū, nisi lis sit contestata, & actio ex vocatione in ius Patroni sine venia oriens. &c. Transiēs autem In est, quæ data aduersus reum non datur contra eius hæredem, vt actio pænalis, &c.

TITVLVS VII.

*Quod cum eo qui in alienā potestate est, negotium gestum esse dicatur.*

ET si actiones ex contractu nascentes, inter alios habere locum non possint, quàm inter quos

ter quos contractum est (& ideo personales appellantur) nihilominus tamen hunc iuris rigorem relaxauit Prætor in casibus quibusdam introductis ex æquitate certis actionibus, vel potius actionum qualitatibus, quibus conueniri quis potest ex contractu alterius. Suntq; actiones numero septem, quæ hoc titulo ordine recensentur, quæ in patrem & dominum ex contractibus filiorum & seruorum competunt.

*Prima est actio Exercitoria*, quæ tunc locum habet, cum quis seruum suum magistrum nauis præposuerit, & quid cum eo eius rei gratia, cui præpositus erit, contractum fuerit; ex eo contractu v. g. locatione, acquirit actionem, non tantum aduersus illum qui magister nauis est, sed etiam aduersus eum, qui illum nauis præposuit, qui appellatur *exercitor*, ad quæ scilicet pertinent obuentiones nauis: & hoc aspectu actioni illi noua qualitas accedit, ut appelletur *exercitoria*.

*Secunda, Institoria*, quia qui negotiationibus præponuntur, *Institores* vocantur: hæc actio tunc locum habet, cum quis tabernæ forrè, aut cuilibet negotiationi seruum suum præposuerit, tunc dominus obligatur ex contractu Institoris.

*Tertia est Tributoria*, quæ tunc fit, cum seruus sci-

uus sciente domino negotijs domini immiscuerit peculium suum & negotietur, tunc si quid ex contractu tenetur creditoribus, dominus obligatus est pro illo satisfacere, & inter omnes creditores peculium suum pro ratâ portione cuiusq; crediti distribuere. Quod si quis ex creditoribus quærat quasi minus ei tributum sit quàm oportuerit: hanc ei actionem Prætor accomodat, quæ à distribuendo tributoria appellatur, per quam cogetur quicquid mercurium occultauerat in medium afferre, & si non suffecerint de suo cõpensare.

*Quarta de Peculio*, quando videlicet dominus aut paterfamilias ignorauerint filium vel seruum negotiari, tenentur tantum *actione de peculio*, vique ad peculij vires: sed de eo deducunt vniuersum, quod ipsis, vel ijs qui in ipsorum potestate sunt, debetur.

*Quinta, quod Iussu*, si videlicet paterfamilias mandante, filius contraxit, aut seruus iussu domini, tunc in solidum, tanquam ex proprio contractu obligantur. Idem si contractum filij aut serui postea suo nomine approbauerint, aut ratihabuerint, vel chirographo subscripserint.

*Sexta, de re in rem verso*, si nimirum per contractum filijfamil: utiliter gestum est patris negotium, vel patrimonij corpus auctum, ea-

tenus tenetur pater creditoribus filij actione *de in rem verso*, quâ scilicet in vtilitatem eius conuersum est.

*Vltima Condiçtitia*, quæ in se Senatusconsultum Macedonianum inuoluit, qua videlicet in Ius vocatur, qui in mortem parentum pecunias filijsfamil: fœnori dare consuevit. Hanc sæuitiam creditorum còercuisse videtur Vesp: Imp. auctorque Senatus fuit decernendi ne filiorumfam: fœeneratoribus exigendi crediti ius vnquam esset, hoc est, ne post patrum quidem mortem. Vnde si filiofamilias credidisti pecuniam ad cultum vitæ vel studiorum, pro modo præstationis ipsi patri còsueto: actione *de in rem verso*; vel *Institoriâ*, si pecuniam filiofam: institori patris rectè credidisti, cum patre experieris. At ferè ex alijs causis sumptâ per filiumfam: mutuâ pecuniâ, non modo pater eius non obligatur, sed nec ipse quidem filiusfam. vt eo modo & creditores à mutuandâ filijsfam: pecuniâ deterreantur, & filijsfamilias à sumptibus & prodigalitate arceantur: ne æris alieni necessitatibus ad præmaturum & improbum successi-  
onis & mortis paternæ vorum impellantur. Et hæc est sententia ac ratio S. C. Macedoniani, quod etiâ in Polonia nostra Rex Cazimirus Magnus in Comitijs Visliciensibus 1368. Statuto suo approbavit.

## TITVLVS VIII.

*De Noxalibus Actionibus.*

**S**Vperiore titulo dictum est, quomodo nomine alieno intentatur actio pro gesto per Contractum; nunc videndum est quatenus datur pro gesto per Delictum priuatum. Si igitur seruus noxiam, id est delictum aliquod priuatum commisit, dominus noxali actione tenetur ad delicti pœnam, nisi mauult liberari, dedendo seruũ noxæ; id est tradendo eum in vindictam, & æstimationem damni ei cui nocuit. Si verò dominus ipse iussit, vel, cùm posset, non prohibuit, tenetur in solidum. *l. 2. & 3. ff. b. t.*

Noxa autem caput sequitur. Vnde si seruum noxiosum alienaueris, nouus possessor hac actione; vel si manumiseris ipse seruus ordinariâ actione tenebitur. Quemadmodum ex aduerso etiamsi liber post noxiam in dominium tuum redigatur, tu hac actione conuenieris. At ex proprij serui noxiâ, etiam cùm alterius esset, contra te commissâ, ne quidem manumissum vel alienatum conuenies.

**N**O T A ex persona filijfam: hanc actionem locum non habere, quia ex eius maleficio nō obligatur pater. *l. 1. C. ne fil- pro patr.* adeò, ut nec eius nomine in mulctam condemnari possit.



possit, ex ratione legitimæ portionis filijsfam: vel ex usufructu quem habet in bonis aduentitijs filijsfam: extolueudam. *Farinac. trac. de delict: quest: 24.* Planè actione de Peculio, quatenus id actum est ex maleficio filijsfam. pater conuenitur rectè. *Diod: Tulden: in Inst.*

NOTA secundò, ex delictis quoq; iamulorum dominum non teneri; nisi iusserit, vel ratum habuerit. *l. 1. § 21. & l. 3. § 11. ff. de vi.* vel deliquerunt in eo actu cui eos præposuit Sed tunc tantum ciuilitè tenetur: veluti si culpâ stabularij in stabulo, vel coci in coquinâ incendium oriatur, de damno tenebitur dominus. *Mascar: de prob: concl. 892.* nisi probauerit, eum famulum esse hominem frugi, de cuius culpâ præsumere non potuit. *Farinac: d. quest: 24. & Diod: Tuldenus in Instit.*

## TITVLVS IX.

*Si quadrupes pauperiem fecisse dicatur.*

**P**Auperies est damnum sine iniuria facientis datum: ideoq; ex lege 12. tab: superiori similis actio descendit aduersus dominum pecudis, quæ alicui damnum dedit, ut vel hoc refarciat, vel illâ noxæ dedat. Similiter apud nos habet Statutum Lithuanicum. Sed hoc ita intelligendum est, si videlicet pecus, contra sui

tra sui generis naturam, & quidem sua sponte commota fuit in aliquam ferociam. Nam si instigata ab alio fuit, percutiente fortè: contra eum ex lege Aquiliâ utilis actio erit; quemadmodum & contra mulionem. si mula plus iusto onerata, onus in aliquem euerterit. Unde si bestia quæ tibi nocuit, concita fuit ab aliâ: contra dominum concitantis demum hæc actio erit: naturali enim iure non tenetur quis ex facto sui animalis, nisi culpa eius arguatur.

**T I T V L V S X.**

*De iis per quos agere possumus.*

**Q**Via multæ sæpè causæ hominibus impedimento sunt, quò minus rem suam ipsi exequi possint, proinde legibus Imperatorijs permissum est cuiusque actionem inferre posse, non tantùm suo nomine, sed etiam alieno: procuratorque nudo consensu à quolibet constitui potest, aut ad litem, aut ad omne negotium, aut ad partem negotij; aut demum ad res administrandas.

**NOTA,** quod in capitalibus causis regulariter interuenire procurator ex parte vel rei, vel accusatoris prohibetur. *l. 1 ff. an per alium pp l. 1. 13. ff. de pub. l. 71 ff. de Procurat.* Similiter: actio iniuriarum criminalis institui per procu-

procuratorem non potest: nisi ea ut experia-  
tur, vel conueniatur persona illustris. *l. ult. C.  
de Iniur. Diod Tulden. in Instit.*

## T I T V L V S XI.

*De Satisfationibus.*

**S**atisfactio est cautio pro eo quod à nobis de-  
betur aut petitur: quæ quidem aut extraiu-  
dicialis est, de qua superius actum est sub fide-  
iussore, aut iudicialis, de qua duntaxat hoc  
loco agitur.

Igitur Procurator ad litem accendens de-  
bet exhibere mandatum domini in iudicio,  
nisi dominus inibi præsens eum constituat  
vel confirmet: alioqui enim non admittetur  
procurator, nisi per fideiussorem promiserit,  
quod dominus ratum habebit, atq; approba-  
bit, quidquid ille gesserit. Nemo enim rei  
alienæ defensor idoneus est sine satisfatione.  
*l. non videtur. ff. de Procurat.* Ad eandem satis-  
factionem tutor quoque & curator tenentur.  
§ 4. b. t.

Quod si verò quis ipse suam actionem in-  
stituatur, debet reo cauere de æstimatione sum-  
ptuum litis reo fortè vincenti repensanda: si  
tamen domicilium sub Iurisdictione Iudicis,  
vel bona immobilia habet, ad nulam cauti-  
onem

onem tenetur. Idem obtinet & in reo: alio-  
qui enim fideiussorem dare debet, de iudica-  
to soluendo, ea scilicet quantitate in quam  
condemnabitur: nisi id ipsum promittendi  
Procuratori suo ipse fideiussor accedat, oppi-  
gnorantis quoque in eam rem bonis suis. Si  
verò pro reo absente aliquis, sine eius man-  
dato interueniat ( qui defensor dicitur ) is uti-  
que non admittetur, nisi cauerit iudicatum  
solui. § 6. b. t. & Diodorus Tuldén. in Inst.

T I T V L V S XII.

*De perpetuis & temporalibus actionibus, & quæ  
in hæredes, & ad hæredes transeunt.*

**D**Iximus paulò super: Actiones quæ ex iure  
ciuili descendunt *Perpetuas* esse, quia sci-  
licet intra 30. vel 40. annos intentari possunt,  
sed per longius silentium extinguuntur præ-  
scriptione, ut aliquis sit litium finis. Eas verò  
actiones, quas Prætor supplendi Iuris ciuilis  
gratia, introduxit, anno sæpè finiri, quatenus  
scilicet pænam persequuntur ( excepta actio-  
ne furti manifesti ) vel contra ius ciuile nego-  
tium rescindunt: non alias. l. in honorariis 35.  
ff. de ob. & act. Nunc breuiter videndum de  
actionibus, quæ in hæredes, & ad hæredes  
transeunt.

Quædam

Quædam igitur actiones heredibus & contra hæredes dantur: quædam neque heredibus, neque contra hæredes: quædam denique heredibus quidem, sed non contra hæredes.

*Actiones quæ heredibus dantur, & contra hæredes sunt quæcunque rei persecutoriæ: nisi quod actio in rem tantum respectu possessionis contra hæredem datur: ( si enim possessio ad eum non peruenit, non tenetur ) l. 24. ff. de rei vind.*

*Actiones quæ neque heredibus, neque contra hæredes competunt, sunt actiones iniuriarum: defunctus enim qui actionem non instituit, per dissimulationem aboleuisse iniuriam videtur. § ult. supr. de iniur. Et cum hæc actio tantum ad pœnam tendat, non debet ei subijci hæres ex delicto alieno.*

*Actiones demum quæ heredi quidem dantur, sed non contra heredem sunt reliquæ omnes pœnales actiones: nisi iam ante aduersus defunctum in iudicium erant deductæ, vel nisi ex delicto defuncti lucrum penes hæredem residet. § 1. b. t. l. 5. ff. de calum. vel descendant ex dolo in contractu admissio. l. 12. & l. 49. ff. de obl. Planè actio ob dolum in deposito, incendij, vel tumultus, vel ruinæ, vel naufragij metu aut occasione facta, in hæredem non datur, quia in duplum est. l. 1. § 1. & l. 18. ff. de post. Sim*



*post.* Simpliciter enim actio de dolo non ultra datur in heredem, quàm quatenus ad eum peruenit.

NOTA, Imperatorem posuisse in hoc titulo coronidis loco, elegans dogma, de modo soluendi iudicium & effugiendi damnationem, priusquam ad exceptiones explicandas accessisset, ut videlicet ante rem iudicatam is, cum quo actum est satisfaciatur actori, qualem conuenit officio iudicis absolvere, id est liberatum ab actione dimittere: licet in ea causa fuisset iudicij accipiendi tempore, ut damnari deberet. Et hoc est quod antea vulgò dicebatur, omnia iudicia absolutoria esse, hoc est, permissum esse iudici ante condemnationem reum, qui bonam fidem agnoscit, ab actione liberatum dimittere.

# TITVLVS XIII.

## *De Exceptionibus.*

Sicut actiones sunt arma Actoris, sic exceptiones sunt arma Rei: quemadmodumq; hæc, ita & illa non nisi ex iuris auctoritate nascitur: & propterea Exceptio est elisio actionis, quæ sic definitur.

*Exceptio est ius defensionis reo ex æquitate comparatum, aduersus actionem summo iure competentem. Dico Actionem summo iure*

*competentem*, nam ea quibus ipso iure actio tollitur, veluti solutio, propriè ad exceptionem non pertinent; quemadmodum nec inficiatio facti, in quo intentionem suam actor fundat. Exceptio igitur est, Actionis exclusio; ac Defensio est intètionis repulsio. *Couar: ad Reg: possessor. nu: 4. & Tuldenus in Instit.*

Sunt autem exceptiones, partim declinatoriæ, partim dilatoriæ, & partim peremptoriæ. *Declinatoriæ sunt*, quibus iudicium declinat reus, dicens iudicem non esse competentem. *Dilatoriæ*, quibus effectus actionis tantum retardatur, unde & temporales dicuntur, ut est infirmitas, seruitia Reipub. &c. *Peremptoria* denique seu perpetuæ sunt, quæ actionem planè perimunt, & vires principalis negotij exhauriunt, actoremque in perpetuum repellunt, ut præscriptio & infamia actoris. exceptio non numeratæ pecuniæ, exceptio metus, exceptio doli, rei iudicatæ, Iurisiurandi & transactionis denique.

Exceptiones igitur Declinatoriæ non nisi ante omnem in iudicio actum: Dilatoriæ, nõ nisi ante litem contestatam: Peremptoriæ, quandocunq; opponi possunt. Quarum pleræque *rei coherent*, quædam *personæ*: & consequenter illæ etiam hæredi & fideiussori accomodantur, hæ verò non item, ut exceptio ne  
quis

quis condemnatur ulterius quàm facere possit, de quâ dictum superius, personam enim non egreditur eius cui indulgetur. *l. 7. ff. b. s. § 5. infr. de repli.* Etenim cum fideiussor in eandem utique causam se obliget, exceptionibus ex eâ nascentibus uti potest: sed cùm suam personam, tanquam magis idoneam, substituat pro personâ debitoris principalis, meritò arceatur à defensionibus, quæ personæ rei propriæ sunt, & specialiter indulgentur. Et hæc distinctio in reliquis quoque iuris beneficijs spectatur, an scilicet causæ conditio, an verò personæ fauor ea obtinuerit. *l. 68. ff. de reg. iur. l. 13. ff. de minorib.* *Diodorus Tuldenus in Instit.*

## TITVLVS XIV.

### *De Replicationibus,*

**Q**Via non perimitur semper actio exceptione allegata, sed labefactatur tantùm ac suspenditur, ideo adiuuandi actoris gratia, alia allegatione opus est, per quam resolveretur ius exceptionis, & talis est *Replicatio*, quæ est *Secunda actoris allegatio ad stabiliendam actionem suam aduersus exceptionem à reo propositam.* Et quod deinde ad excludendam replicationem ulterius allegat reus, vocatur *Duplicatio*. Porro argumētum quo duplicationem actor impugnat.

pugnat, vocatur *Triplicatio*. Atq; ita deinceps id quod non obstante triplicatione, potest reus se defendere, dicitur *Quadruplicatio*, quæ alias vocatur, *elisio triplicationis*.

Ulterius autem regulariter nō proceditur. In supremâ autem Lichuanix Curiâ, quam vulgò Tribunal appellant, non proceditur ultra duplicationem, nisi ex causâ Iudices aliter decernant, nempe ob novi, & ad statum causæ pertinentis facti allegationem.

## T I T V L V S    X V.

### *De Interdictis.*

**I**nterdictum est decretum inter actorem & reum cuiuscunq; magistratus certa forma editum prohibens ei vim fieri cuius possessionem iustiore inuenit. atque hinc interdictum est quasi inter duos litigantes edictum, ne disceptando de proprietate possessorem turbent: aut ab interdicendo, quod neutrum permittat rem possidere, donec de iure constet eiusq; potioritate: atque eam ob causam alij *Interdicta*, quasi *interim dicta* appellarunt. Iudiciū etenim omne vel est *Petitorium*, quo de proprietate, vel *Possessorium*, quo de possessione tantum contenditur: semperq; is petitor est, qui non possidet, possidentemq; de sua possessione deijcere conatur. Ne igitur  
inter

inter partes discordiæ & tumultus armorum  
fiant, Prætor interim edicit suam interponē-  
do Iurisdictionem, uti possessor pacificè sua  
possessione fruatur, donec rationibus decisis  
per decretum generale vni illorum attribua-  
tur, & ius certum, & possessio iam firma.

Hinc *Interdicta* vel *adipiscende possessionis*  
sunt, vel *retinende*, vel *recuperande*. quia par-  
tim tendunt ad acquirendam de nouo posses-  
sionem, contra occupatorem: partim ad tu-  
endam pristinam, contra turbatorem: partim  
ad recipiendam amissam ab expulso. Primi  
generis est *Interdictum quorum bonorum* ita ap-  
pellatum à primis verbis edicti & denunciati-  
onis Prætoris, quo directò quidem bonorū  
possessor, sed vtili etiam hæres, possessionem  
rerum hæreditariorum auocat ab eo qui pro  
hærede, vel pro possessore eas apprehendit.  
§ 4. *h. t. l. 1. ff. quor. bon.* Secundi generis in-  
terdictum vocatur *uti possidetis*. quia inter du-  
os de possessione ipso facto contententes lo-  
cum habet, ne vim alter alteri inferat donec  
plenior decisio fiat. Et quemadmodum hoc  
interdictum ad res immobiles, ita ad mobi-  
les pertinet *interdictum utrobi* § 5. *h. t.* Terti-  
j generis est *Interdictum unde vi* ad rei immo-  
bilis recuperandam possessionem, quā quis  
spoliatus fuit ab aliquo.



Iterum *Interdicta* quædam *Prohibitoria* sunt, quædam *restitutoria*, & quædam *exhibitoria*. *Prohibitoria* dicuntur, quibus Prætor vetat quid fieri; vt ne fiat vis possidenti rem sine vitio. *Restitutoria* dicuntur, quibus Prætor aliquid restitui iubet: Vel *unde vi*, quod perpetuò datur contra ipsum deiiciẽtem pro rebus ad ipsum peruentis: Vel *Quorum bonorũ* quod datur bonorum possessori contra possidentem pro hærede, aut pro possessore. *Exhibitoria* deniq; dicuntur, quibus idem Prætor iubet quid exhiberi, vt cum persona, de cuius statu quæritur, veluti seruus, an liber sit, liberus an ingenuus, proferri iubetur. § 2. *b. t.*

## T I T V L V S XVI.

*De pœnâ temerè litigantium.*

**Q**ui scit se non habere ius agendi, vel defendendi, dicitur temerè litigare, aut calumniari alium: cùm enim quis sciens prudensq; per fraudem negotium alicui comparat, is innocentem calumnia afficere videtur. Proinde calumnia hoc loco litigatoris est, fraudulentus iuris & iudiciorum abusus. Temeritas verò inconsiderata audacia. Illa doli & malitiæ, hæc erroris calorisque incontulci & culpæ est. *Diod. Tulden. in Instit.*

Huius itaq; calumnie coercende quinq; sunt remedia.

*media. Primum est iuramentum, ante omnia enim iurare cogitur actor, quod sincerè existimet intensionem suam iustitiæ congruere. Quod proinde nullam in corruptelâ spem reponat. Nunquam verum dissimulabit. Nulla probatione superuacua reum onerabit. Nullasq; dilationes ad moram faciendam in iudicio excogitabit. Cuius periurij pana est Iudicii arbitraria, si de eo constet; alias Deum habebit ultorem. E. contra reus iurat, quod bona fide putat, se iustè contendere. § 2. h. t. l. 2. C. de iureiur. prop. calum. Diod. Tuld. in Instit.*

*Secundum remedium est Expensarum restitutio, computando quoque damno inde illato victori, adeoq; lucro cessante, si v.g. artifex per litis auocamenta quotidianum quæstum intermisit. § 2. in fin. h. t. Gratian. discep. foren. 33.*

*Tertium, Infamia ex condemnatione cause. quæ duplex fieri solet. Alia Iuris, cum decreto aliquem infamem iudex esse pronunciat ob delictum aliquod enorme commissum, v. g. furtum aut latrocinium. Alia Facti, cum eius opinio tantum apud probos viros grauatur, ut cum quis tanquam suspectus à tutela remouetur, aut depositum negatum restituere iubetur.*

*Quartum, Condemnatio in duplum, aut in triplum,*

plum, quod iam ferè exoleuit, cum antiquitus furta in quadruplum compensarentur.

*Quintum, Mulcta Iudici exsoluenda*, qua quis condemnatur ad soluendum quinquaginta aureos, vt filius emancipatus vocans patrem in iudicium sine venia, aut Libertus patronum.

NOTA, circa nouercam distinctionem. Besoldi, vt non impunè eam cites si pater tuus superuiuit; aliud sit eo mortuo. *arg. l. 3. C. de fur.*

## T I T V L V S XVII.

### *De Officio Iudicis.*

**E**Xpositis litigantium actionibus, exceptionibus, cautionibus, penis, citationib. &c. restat de tertia persona nempe Iudice, eiusq; officio, norma, & regula iudicandi agere, qui inter litigantes iudicij est moderator.

*Officium itaq; Iudicis est* consulere tam publicæ quam priuatæ quieti Reipub. in dirimendis litibus, in tollendis grauaminibus, & in ferenda ipsa sententia, vt ciuium concordia quam maximè augeatur.

*Duplex autem est officium Iudicis.* Aliud *Nobile* siue Extraordinarium, quando in Iure nulla est prodita actio, sed ipse iudex motu proprio, vel etiam parte petente iuxta suæ iurisdictionis

isdictionis mensuram propria auctoritate subuenit, veluti cum instituit Inquisitionem de crimine, cuius nemo accusator, sed tantum fama existit. Aliud *Mercenarium* seu Ordinarium, quod actioni in iure prodita deseruit; in cognoscendo de causa, dum vel precipit, vel prohibet, vel interloquitur: in pronunciando de eadem causa (quo peracto dicitur suo officio functus) in exequendoq; ipsius causae sententiam, de qua & cognouit & pronunciauit.

Et quia Iudex Legum minister est, non cōditor, aut moderator, ideo 1. non aliter iudicabit, quam iure legibusq; aut consuetudine praescriptum est. 2. concipiet sententiam conformem libello: maximè in quaestionibus facti, probationibus sententiam conformabit. 3. vt priusquam decretum proferat, cum animo suo deliberet primò, ac tum deum eam sententiam ferat, quam religio suggerat, id est conscientia, quae maximè praesumptione atque metu iustissimi Numinis commouetur.

## T I T V L V S XVIII.

### *De Publicis Iudiciis.*

**H**Actenus de priuatis delictis egimus, ex quibus actio tantum ei datur qui laesus est;

S 5

nunc de

nunc de publicis iudicijs, quæ omnibus parent, agendum est : nam ex speciali legis auctoritate, de publico crimine accusare omnibus licet, quia ad omnium injuriam redundat. Igitur *Actioibus* & *Interdictis* absolutis, de *Accusationibus* hoc ultimo titulo tractandum est.

Differunt itaque Actio & Iudicium. 1. quod Iudicium pro criminalibus datur. Actio verò pro civilibus. 2. In iudicio aliquando etiam reus debet probare : in actione autem solus actor. 3. In iudicio agitur ad poenam reo infligendam : in actione verò petitur tantum quid fieri, vel dari. 4. Iudicium instituitur, tum accusatione, tum denuncia-  
tione, tum inquisitione : actio verò per solam causæ propositionem. 5. In libello iudicij non subijcitur petitio, & si subijciatur nullo modo attenditur : in libello autem actionis sic, & omnino attendi debet. 6. in iudicio aliquando reus, non finita etiam causa carceratur : in actione autem non item, nisi reus iuretur de fuga suspectus, licet causa finita possit carcerari. 7. In iudicio requiritur probatio clarior luce meridiana : in actione verò quævis probatio aliquando sufficit, & aliquando datur iuramentum suppletorium. 8. In iudicio sæpè eruitur veritas ipsis tormentis : in actione verò solis probationibus.

Duplex



Duplex autem est Iudicium Publicum, Aliud *Capitale* habens annexam pœnam capitis, siue naturalis, siue ciuilis; maximæ videlicet, vel mediæ capitis diminutionis. Aliud *non Capitale*, cui tantum est annexa pœna verberum, vel amissionis membri.

*Crimina* verò seu Publica delicta, propter quæ ista Iudicia & Accusationes fiunt *ad tria* potissimum *capita reuocantur*. Vel enim caput & fundamentum totius vitæ-ciuilis *violat Religionem*, vt Atheismus, Hæresis, Magia, Simonia, Apostasia, Sacrilegium, Blasphemia, Periurium, Vsuræ. quæ licet à brachio seculari puniuntur, ad ius tamen Canonicum præcipuè spectant. Vel *militia disciplinam dissoluant*, vt si milites hostibus se dedunt, si fugam in acie faciunt, arma in acie abijciunt, vel alienant, si stationem relinquunt, si contra centurionem contumaces sunt, si denique emansores, desertores vel transfugæ existunt. Hæc quamuis Ducibus belli castiganda committuntur sine strepitu iuris & aliorum Magistratuum incommoditate, extat tamen titulus de re militari in ff. & C. Præsidibus Prouinciarum cognitu perquam necessarius. Vel denique *statum Politicum ledunt*, cuius caput imò spiritus est supremi imperij auctoritas, & erga eam obsequij fides: cuius violatione contrahitur, *lese maiestatis* crimen.

*Est autem læsæ maiestatis crimen, cum quis animo hostili vel partem tantum Reipub. intendit labefactare, vel Principem ipsum, populumvê totum obruere conatur; quod Perduellionis crimen appellatur. Pœna utriusq; est mortis (etiam ex sola conspiratione) ac bonorum publicationis. In sola autem seditione pœna est mortis tantum: & puniuntur etiam scientes & non reuelantes, dum tamen illud probari possit; siue sit confusum, siue non. Et accusator legitimus etiam seruus esse potest, quamuis proprius: similiter quoque & infamis. Propriè tamen *Perduellio est*, qui ad hostem transtugit, vt Rēpub. euertat: aut si dux exercitum contra Rēpub. conuertit.*

Ceterum quia iudiciorum quoque vigore ac reuerentiâ publicus status stat: cui contrarium est crimen *vis publicæ vel priuata*, quæ barbarorum immanitatem distinguit à vita ciuili. Ideo lex Iulia aduersus eos exoritur, qui vel publicæ potestati hoc est magistratibus vim inferre intendant, quæ hodie *crimen fractæ facis* dicitur: vel priuatorum bona & possessiones diripiant armati seu inermes, & dicitur, *securitatis violatio*. pœnam capitis adferens, etiam ijs qui opem huic flagitio dederint, principales verò insuper bonorum proscriptioe plectuntur.

Quoni-

Quoniam verò iudicia & societas civilis, probationum instrumentorumque sinceritate continetur, ideo *publicum quoque crimen est Falsum*. Cuius poena in seruo est mortis; in libero autem Deportationis & Publicationis bonorum: siue quis principaliter id egerit, siue opem consiliumque contulerit, scribendo, recitando, signando; maximè verò testamēta supprimendo, supponendo, dolendo, aut mutando.

Magistratum quoque sincera ac gratuita ex prerogatiua meritorum electio, & eorundem incorrupta administratio, ad summam Reipub. spectant: vnde publica quoque iudicia, hinc *ambitus*, indè Repetundarum §12. *b. t.*

Et *Ambitus est* corruptio suffragiorum data pecunia pro honore temporali habendo; cuius poena est centum aureorum, & infamia, & aliquando exilij, iuxta qualitatem delicti.

*Repetundarum crimen est*, cum Iudex, aut Magistratus, præter salarium sibi designatū, munera à subditis exigit, aut oblata percipit, quo magis aut minus quid ex officio publico faciat, aliterve iudicet, quam debeat. Poena est quadrupli, applicanda pro dimidia Filco, & pro altera dimidia parti læsæ: & aliquando exilium, aut poena mortis.

Sed & sine opportunitate rerum ad victum pertinent-

pertinentium, nulla consistere ciuitas potest : ideoque qui earum caritatem, vel penuriam moliuntur frequenti còemptione & suppressione ad annum sterilem, qui *dardanarij dicuntur*, & iudicio de *annonà* tenentur. Qui autem olera atque legumina carius vendere procurat *Patopola* appellatur, & pro admisi qualitate, Iudicis arbitrio plectitur : quinquaginta aureorum, aut Relegationis.

Administratio quoq; publica, sine pecunia publicà procedere non potest : ideoque qui in ea fraudem committunt, publicum crimen *Peculatus* committunt. Cuius pœna est mortis, si Iudex tempore suæ administrationis hoc delictum cõmisit. Si verò alio tempore, est arbitraria, non tamen minor, quàm antiqua, id est deportationis : & est ad quadruplum.

Porro, qui sine furandi proposito pecuniam publicam, quam ex Reipub. obuentionibus accepit, penes se retinuit, vel certo Reipub. vsui destinatam, non applicuit, aut in alium vsu, quàm fuerit delegata, expendit, tenetur *lege Iulia de Residuis*, vt eam pecuniam, & hoc amplius tertiam partē eius reddat, vel pro criminis qualitate quadruplo persoluat, etiamsi eam in suos vsus non conuerterit, sed tantum otiosam detinuerit.

Et quoni-

Et quoniam ciuitatis membra singuli sunt, societasque ciuilis comparata est, vt singulos defendat: ideo quoque publicum iudicium est contra *Sicarios & homicidas*: inter quos atrocissimum est *parricidij* crimen, quando vel ascendens, descendensue, vel trāsuersalis occiditur; quod vltimo supplicio, arbitrato iudicis pro grauitate delicti, extirpandum est. Eademque lege Cornelia, veneficium, vel incendium dolo malo factum morte plectitur; maximè homicidarum scelus, qui læpè non ritè expiata animæ simul mortem æternam infligunt.

Sed & matrimoniorū certa fide, & familiarum distinctione cūm Respub. contineatur: publicum quoq; crimen committitur, *Adulterio, stupro, incesto, & raptu*, itemq; *Lenocinio, Sodomia*, alijsq; nefarijs criminibus, quæ igni publico coercentur. Sicut & *Plagiatu*, id est subtractio vel filiorum à parentibus, vel seruorum à dominis, vel vxoris à marito: quod si fecerit persona nobilis pana Deportationis & publicationis bonorum punienda est; si vilis ingenua, poena gladij: si serua vel libertina, poena damnationis ad bestias. Leno autem capite tunc puniendus est, cūm vel inuitas, vel fraudulenter persuasas mulieres tam foedo commercio applicat: quod si sponte se offeren-




offerentibus ad istam turpitudinem, ad suum  
 lucrum abutitur, mitius puniendus est. Sicut  
 & stuprator, raptorvé, si persona illustris est,  
 aut consensus fœminæ accesserit. Violator  
 tamē thori alterius semper Relegatione apud  
 antiquos Romanos puniebatur, Euang.  
 verò promulgato, gladij pœnā Constantinus  
 constituit. *l. 20. C. h. t. § item lex Iulia. h. de adul-*  
*ratus seueritatem Legis Mosâicæ. Exod. 10. Deu-*  
*ter: 22. Leuit: 22. & Ezech: 18. quæ adulterum*  
*adulteramque lapidari iubebat. Et hæc de*  
*quatuor Institutionum Imperialium*  
*libris breuiter dixisse*  
*sufficiant.*


**DEO GRATIA ET GLORIA.**



















OPRAWĘ WYKONANO

w prac. Inż. konserwat.

Biblioteki „Ossolineum“

Data 16.3.76 podpis *Urajch*

